

19 / 220

~~N.C. Lib.~~

~~S. S. A. N. 20. libr. 1. Et. 5. t. 5.~~

*S. S. A. N. 20. libr. 1. Et. 5. t. 5.*

—  
—  
—  
—  
—

SANCTI AURELII  
AUGUSTINI  
HIPPONENSIS  
EPISCOPI  
O P E R U M  
T O M U S D E C I M U S,

CONTINENS OPUSCULA POLEMICA CONTRA PELAGIANOS,

Post Lovaniensium Theologorum recognitionem correcta denuo ad manuscriptos  
codices Gallicanos , Vaticanos &c. nec non ad editiones  
antiquiores & insigniores.

& S. Agustin lat.  
c.  
26.

O P E R A E T S T U D I O M O N A C H O R U M  
*Ordinis S. Benedicti è Congregatione S. Mauri.*



P A R I S I I S ,

Excudebat FRANCISCUS MUGUET Regis , Cleri Gallicani & illustrissimi  
Archiepiscopi Parisiensis typographus.

M D C X C .

C U M P R I V I L E G I O R E G I S .

ГИЛЕЙ ДАТЫ  
ИЛГАУСЧА  
СИМЕНКОВА  
ІПОСІВА  
МІЯНДІ

СУДІСТВО  
СІМЕНКОВА  
ІПОСІВА  
МІЯНДІ



ПАРИСІ

СІМЕНКОВА  
ІПОСІВА  
МІЯНДІ

СХОСИ  
СІМЕНКОВА  
ІПОСІВА  
МІЯНДІ



# IN TOMUM DECIMUM

## P R A E F A T I O.



OST Donatistas celeberrimâ illâ Catholicorum in Carthaginensi collatione victoriâ penitus afflictos atque eversos, Ecclesia novum continuò insurgentem in se debellandum hostem habuit, qui jam non Christianæ societatis, ut illi, corpus, sed ipsammet animam, Salvatoris videlicet gratiam qua Christiani sumus, impetrabat. Hujus longè pessimæ hæreseos, quam Pelagianam & Cælestianam de auctorum ejus nomine dictam nemo nescit, historiam ad primævos scriptores recognitam hîc repræsentare, nostrarum partium esse arbitramur, neque aliud vice præfationis quidquam exspectari à nobis commodius, quâm ut brevi rerum Pelagianarum narratione ad lectionem Augustini, postremo istovolumine adversùs hanc hæresim decertantis, studiosorum animos comparemus.

### I. Pelagii hæresiarchæ patria, vitæ institutum, & mores.

PELAGIUS hæresis princeps, vulgò dicebatur Brito: quod illi cognomen <sup>a</sup> Augustinus, ut ab illo distingueretur, ejus æquali, quem Pelagium Tarenti appellabant, inditum esse credidit. Eodem ipsum cognomine Prosper <sup>b</sup> in chronicô ad annum 413. & Gennadius ad veteres codices emendatus, vocant. Dicitur quoque ab Orosio, <sup>c</sup> Britannicus noster; à Mercatore, <sup>d</sup> gente Britannus. Denique Prosper in carmine de Ingratis auctorem hæresis Pelagianæ notat his verbis:

<sup>e</sup> Dogma quod antiqui satiatum felle draconis  
Pestifero vomuit coluber sermone Britannus.

Et multo infrà in Semipelagianam impietatem dicit,

<sup>f</sup> Auctorem comitare exclusa Britannum.

Idemque in epigrammate adversùs quemdam Augustini obtrectatorem:

<sup>g</sup> Aut hunc, ait, fruge sua æquorei pavere Britanni.

Præter quâm quòd suo in Collatorem opere, ubi inimicos gratiæ quosdam in Britanniis deprehensos memorat, hos <sup>h</sup> solum suæ originis occupasse scribit. Atque adeo idem si fuerit Pelagius, quem dicit Hieronymus <sup>i</sup> Scotorum pulibus prægravatum: hoc ipsum quod in homines natali ejus solo finitimos quadrabat, ei adtribuit. Qua ratione de eodem in alio loco, <sup>k</sup> Habet, inquit, progeniem Scotice gentis, de Britannorum vicinia. Quibus verbis nihil aliud significat, nisi illum gente Scotum, seu Hibernum, videri; quando & innata essent ipsi Scotticæ, id est, Hibernicæ regionis vitia, & ortum è finitima Britannia duxisset. Ipsum autem humilibus parentibus natum prodit <sup>l</sup> Orosius, quippe cui natales ait non dedisse, ut honestioribus disciplinis erudiretur, ob idque ad conficiendos libros subsidariis indiguisse operæ comitibus, qui sermonem ei suum commodarent.

Is tum <sup>m</sup> Augustino, tum <sup>n</sup> aliis à quibus memoratur, solet Pelagius monachus appellari: unde colligas eum hoc vitæ genus non modò professum fuisse, verùm etiam titulum, quo vocaretur, clariorem nullum habuisse, atque clericali dignitate neutiquam cohonestatum. Hinc ejus hæresim Augustinus <sup>o</sup> non ab episcopis, non à presbyteris, vel quibuscumque clericis, sed à quibusdam pseudomonachis invectam affirmat. Illum Orosius disertis verbis <sup>p</sup> ho-

<sup>a</sup> Epist. 186.  
cap. 1.

<sup>b</sup> Infrà Ap-  
pend pag.  
73. b. &

63. a.

<sup>c</sup> Apolog.

<sup>d</sup> Infrà Ap-  
pend pag.  
63. d.

<sup>e</sup> Ibid. 67. c.

<sup>f</sup> Cap. 34.  
<sup>g</sup> Append.  
pag. 222. d.

<sup>h</sup> Pag. 196.

<sup>i</sup> Pag. 77. f.

<sup>k</sup> Pag. 78.

<sup>l</sup> Apolog.

cap. 26.

<sup>m</sup> Hic pag.

212. b. &

lib. de hære-  
sib. her. 88.

<sup>n</sup> Append.

<sup>o</sup> Hic pag.

224. a.

<sup>p</sup> Append.

pag. 89. d.

# P R A E F A T I O.

<sup>a Append.</sup> <sup>pag. 100. d.</sup> *minem laicum* dicit, queriturque locum ipsi in Jerosolymitano confessu datum inter presbyteros. Et Zosimus papa eidem Pelagio, quem erroris falso insimulari existimabat, initio favens, eum <sup>b</sup> *laicum virum ad bonam frugem longa erga Deum servitute nitentem* nuncupavit. Utrum verò monachum in Anglia apud Bangorenses, vel in Italia induerit Pelagius, statuere hīc non magni refert: neque operæ pretium est, alia quæ apud Usserium videre licet, Anglicorum scriptorum de eodem commenta recensere. At omnibus fere persuasum fuit, illum, quo tempore Johannes Chrysostomus ab adversariis exagabatur, monachum egisse in Oriente; atque eundem illum esse, de quo Vir sanctus ad Olympiadem litteris anno, ut videtur, 405. in exilio apud Arabissum in Armenia datus scribebat in hæc verba: *De Pelagio monacho dolore vehementi affectus sum. Quot igitur quantisque ii qui forti animo steterint, coronis digni sunt, perpendas velim: cùm viros tantum cura & studio tantumque tolerantia viventes abduci videamus.* Procul dubio Pelagius ille, ab iis, qui Johannis innocentiam tuebantur, defeccerat: neque aliud causæ erat, cur ejus lapsum miseraretur sanctus episcopus. Quod enim ad Pelagianam hæresim spectat, Chrysostomum, qui diem anno 407. obiit, de illa quidquam umquam audivisse, tametsi forte illam sensim jam tum insinuaret ejus parens, nemini videatur veri simile. Quin etiam Pelagium hæresiarcham hoc ipso anno 405. quo Johannes Pelagii monachi defectionem querebatur, versatum fuisse Romæ, facile jam persuadetur, post quam ex <sup>b</sup> Mercatore observatum est, hæresim illum suam Romæ Rufino quodam Syro propinante imbibisse tempore Anastasii papæ. Quippe ex eadem urbe, in qua teste Augustino diutissime vixit, non ante annum ferè 410. secessit: nam & ad id temporis spatium revocanda est illa, quam <sup>c</sup> se Pelagius Paulino episcopo ante duodecim ferè annos scripsisse, in litteris ad Innocentium papam jam defunctum directis memorabat.

<sup>d Append.</sup> <sup>pag. 63. d.</sup>

<sup>e Hic pag.</sup> <sup>f 46. c.</sup>

<sup>g Pag. 216.</sup>

<sup>h</sup>

<sup>i Pag. 73.</sup>

<sup>j Pag. 71.</sup>

<sup>k Pag. 54.</sup>

<sup>l Epist. 140.</sup>

<sup>m cap. 37.</sup>

<sup>n Hic pag.</sup>

<sup>o 218. b.</sup>

<sup>p</sup>

<sup>q</sup>

<sup>r</sup>

Romæ longissimum temporis spatium cùm esset versatus, in multorum cognitionem insinuaverat se se: ac primùm existimationem in ea urbe sibi pepererat minimè vulgarem. Hinc ipse quoque <sup>d</sup> noscere illum cœpit Augustinus: ita ut, cùm probaretur plurimis illius vita, eum in primis suis adversis ipsius errores opusculis numquam ferè sine honore ac laude nominaverit. Sic illum quodam loco, <sup>e</sup> *bonum ac prædicandum virum*, ab iis qui eum nossent, vocitari testatur: alio autem, <sup>f</sup> *virum esse*, ut audiione quidem accepérat, *sanc̄tum*, <sup>g</sup> *non parvo proiectu Christianum*. Alibi gratiæ adversarios generaliter ita prædicat: <sup>h</sup> *Cùm sint, ait, casta vita moribusque laudabiles, nec dubitent facere, quod illi diviti pro consequenda vita æterna consilium requirent. . . . præcepit Dominus, si vellet esse perfectus, wenderet omnia quæ habebat, & daret pauperibus, thesaurumque transferret in cælum.* De quibus rursus Honorato scribit: <sup>i</sup> *Nec tales sunt, quos facile contemnas; sed continent viventes, atque in bonis operibus laudabiles.* Pelagium certè carum admodum habebat Paulinus episcopus Nolensis, ut pote quem insignem Dei servum existimabat. Illius adhortatione duo juvenes, Timasius & Jacobus, repudiatis quæ sacerdolum eis promittebat, se spemque suam omnem Deo voverant. Quapropter multorum episcoporum litteras postmodum in medium eo consilio protulit, ut eximiis laudibus quibus eum illi decorabant, imputatae sibi hæreſeos notam elueret: <sup>j</sup> *quasi eum, inquit Augustinus, hæc perversa sentire, omnes qui vehementer & quodam modo ardentes ad bonam vitam exhortationes ejus audiebant, facile scire potuerint.* Idem gloriabatur <sup>k</sup> se in amicis viros sanctos complures numerare.

Sed post quam semel germanam fidem deseruit, quidquid illi pietatis inesse videbatur, in dies defecit, aut omnino evanuit. Ab Orosio ad annum 415. aut 416. conscribente apologiam, *novus magister ministerque mensarum* appellatur. Tum ab eodem dicitur *avariapartus*, qui *venire sibi posse perfectionem vita immaculata manducanti, bibenti, dormientique confirmet*. Infrà quoque perstringitur quasi ob temulentiam hisce verbis: *post multam crapulam novissime exercefactus.* Et cùm eum schemate gigantis descripsisset idem Orosius in hunc modum: *Stat inmanissimus superbia Goliath carnali potentia tumidus, omnia per se posse confidens, caput, manus, totum insuper corpus plurimo apparatu vestitus: ut hominis, quem etiam de facie noverat, speciem ac formam suis omnibus coloribus effingeret, huic rudiori tabellæ subinde novas lineas adjecit, & quodam loco, Sed tibi, inquit, *specialis inde portandi oneris fortasse fiducia est, quod balneis epulisque nutritus latos humeros gestas, robustamque cervicem, preferens etiam in fronte pinguedinem.** Verum haud scimus, an ipsum eunuchum simul & luscum fuisse designet, cùm ait:

# P R A E F A T I O.

*Noster hic mutilus, laevis in fronte, μωρόφθαλμος.* Denique qua ratione Pelagius vitam suam instituat, asserit ignotum esse nemini. Neque à fide alienum putaverimus, eumdem illum ab Hieronymo nominari, <sup>a</sup> *Albinum canem, grandem & corpulentum, & qui cal-* <sup>b Append. pag. 78 c.</sup>

*cibus magis possit servire quam dentibus.* Isidori Pelusioræ, viri peccatorem in desideriis animæ sūx laudare ac palpare nescii extat ad Pelagium monachum epistola in hanc formam: <sup>b</sup> *Cani effusi sunt in Ephraim, &* <sup>b Lib. 1. epist. 314.</sup> ipse ignoravit, vitiosis nimirum affectionibus juvenescens. Eo modo tibi quoque ingens annorum turba canitiem invexit, & tamen rigidum atque inflexum animum habes, ex alio monasterio in aliud subinde migrans, atque omnium mensas perscrutans atque explorans. <sup>c</sup> *Quam ob rem si tibi carnium nidor atque obscuriorum condimentum curæ est, iis qui magistratus gerunt potius blandire, atque urbium caminos vestiga.* Neque enim homines eremita facultates eas habent, ut te, quemadmodum tibi gratum est, excipere valeant. Hoc autem epistolium si Pelagio hæresiarchæ missum est, oportet illud ante vulgatam ejus hæresim scriptum; atque adeo non multo post quam ex Africa anno, ut postea dicturi sumus, 411. profectus est. Et certè quam morum depravationem animadvertebat in Pelagio Isidorus, ea non leve argumentum subministrat, quo persuasum habeamus, id ante quam Romæ moraretur, ubi in magna apud probos quoque existimatione vixit, neutquam contigisse.

## II. Prima Pelagii scripta veneno hæreseos jam imbuta.

TESTAMENTUM reliquit <sup>c</sup> Gennadius, Pelagium priùs quam in hæresis notam incurrit, <sup>c Append. pag. 63. a.</sup> scriptiones aliquot bonas edidisse, tres videlicet libros de Trinitate, studiosis qui Ecclesiæ super ea re dogmata discere cuperent, perutiles; ac librum unum *Eulogiarum*, ad componendos hominis Christiani mores in primis accommodatum. Ibi varia Scripturarum testimonia sub diversis titulis distributa proponebat, nimirum Cypriani more ac instituto, cuius iste <sup>d</sup> opus ad Quirinum suo isto ad Romanum libro imitari, immo explere se velle prædicabat: beatum tamen illum Martyrem <sup>e</sup> cum debito semper honore commemorans. Erat hicce liber, sicut & alia Pelagii opera, <sup>f</sup> latine scriptus. At illum Augustinus, non *Eulogiarum*, sed <sup>g</sup> *Capitulorum*, nec non alio loco <sup>h</sup> *Testimoniorum* librum appellat: qua posteriori titulatione fuisse ab auctore prænotatum asserit <sup>i</sup> Orosius. Dubium non est, Pelagium, cùm hunc librum confecit, nondum in suspicionem erroris incidisse; id enim disertè tradit Gennadius: sed hæreticus certè jam tum erat; quando quidem varios ex eodem libro locos <sup>k</sup> ei Præsules in Diopolitana synodo objecere. Idem quoque facit <sup>l</sup> Hieronymus; atque illi in primis criminis dat, quod eo in libro, quo se imitatorem, immo expletorem operis beati martyris Cypriani esse profitetur, doctrinæ sancti illius antistitis contraria placita proponat, maximè verò in eo quod posse hominem sine peccato esse, & Dei mandata facile custodire si velit, titulo centesimo asseveret; cùm è contra, titulo tertii libri sui quinquagesimo quarto Cyprianus ponat, *Neminem sine sorde & sine peccato esse.*

In fidei professione, quam Innocentio papæ anno 417. inscripsit, ut sese probet catholicum, prolixam epistolam ante duodecim ferè annos, sicque circiter annum 405. ad Paulinum Nolanum antistitem, sui tum temporis amantissimum, à se datam <sup>m</sup> citat: contenditque nihil propè aliud quam Dei gratiam & auxilium hac in epistola commendari; nec non illic declarari, nos nihil omnino boni facere posse sine Deo. Qui verò illam perlegerat Augustinus, ab eo naturæ vires ac possibilitatem ubique prædicari, & penè ibi tantum Dei gratiam constituere, affirmat; vixque ullam Christianæ gratiæ mentionem illic ab eo fieri nisi perfunctoriè, ac ne illam omnino prætermisssse videatur; quin immo non apparere prorsus, an aliud quid per eam gratiam intelligi velit, quam remissionem peccatorum & Christi doctrinam. <sup>n</sup> Nuntiat ipsi Paulino Augustinus, existare Pelagii litteras ad eumdem Paulinum scriptas, ubi dicit, *se non debere existimari sine gratia Dei defendere liberum arbitrium, cùm possibilitatem volendi atque operandi, sine qua nihil boni velle atque agere valeremus, à Creatore nobis insitam diceret:* ut videlicet hæc intelligatur doctore ipso gratia Dei, quæ paganis & Christianis, impiis & piis, fidelibus atque infidelibus communis est. Has porrò litteras diversas à superioribus non esse, haud illibenter assentiemur.

Ad hæc Pelagius purgandi sui caussâ epistolam quamdam ad Constantium episcopum  
á iij

# P R A E F A T I O.

<sup>a Hic pag.  
246. c.</sup> proferebat, in qua tametsi breviter, sed planè tamen, ut aiebat, Dei gratia auxilium que ab se fuerat cum libero hominis arbitrio conjunctum. Hanc epistolam reperire ne quiverat Augustinus; sed si ceteris auctoris sui scriptionibus absimilis non erat, non habebat etiam ipsa Christianæ gratiæ, quam ab eo Catholici postulabant, veram confessionem.

<sup>b Pag. 202.</sup> Præterea factum se à sanctis quibusdam viris anno 416. certiorem <sup>b</sup> afferit Augustinus, apud se esse libros exhortatorios vel consolatorios ad quandam viduam, cuius nomen ibi desiderabatur, conscriptos, quos illi ante quatuor ferme annos se tamquam Pelagii libros habere cœpisse affirmabant, nec umquam utrùm ejus essent, ab aliquo se audisse dubitari. Eorumdem Hieronymus <sup>c</sup> meminit; ex quibus & geminam sententiam, alteram quidem superbiæ Pharisaicæ, alteram verò pudendæ assentationis profert. Utraque inter articulos, quos Pelagio in Palæstina synodo præsules <sup>d</sup> objecerunt, relata est: quam eorum objectionem, negando reperiri locos in scriptis suis, ac eosdem tamquam ineptias devovendo, elusit declinavitque. Hos porrò duos locos <sup>e</sup> abdicare vel inter discipulos suos consueverat: neque illum super ea re urgere Augustino visum est: at tamen Pelagii re vera illos esse, idque ex stilo manifestè deprehendi, contendit <sup>f</sup> Hieronymus. Ad hoc ipsum opus pertinere eum suspicamur Pelagii libellum, quem <sup>g</sup> Marius Mercator habere se in manibus, & ad Livaniam viduam sermonem continere exhortatorium, testabatur.

<sup>a Hic pag.  
71. d. 73. d.</sup> Variis <sup>h</sup> insuper operum suorum locis Augustinus incertam quandam in Paulinas epistles Pelagii commentationem citat. Hanc ille Romæ, ante <sup>i</sup> Urbis ab Alarico Gotthorum rege anno 410. vastationem composuerat, inque eorum ediderat gratiam, de quorum amicitia præsumebat. Multas illuc adversus peccatum originale congesserat argumentationes: <sup>k</sup> quas tamen, ne tam apertâ perduellione contra Ecclesiæ fidem insurgere videretur, non ex sua ipsius persona, sed ex aliena, tamquam adversantis objections proponebat. Commentarium illum Pelagii non injuriâ putant eumdem ipsum esse, quietiam nunc exstat inter opera Hieronymi, erroribus re ipse Pelagianis refertus. Nam quod ad locum præcipuum, ab Augustino quidem relatum, sed nostra ætate in eo commentario desideratum, aut ipse postea Pelagius expunxit, aut id potius factum à Cassiodoro, qui expositionem quandam epistolarum sancti Pauli, illâ unâ demtâ quæ est ad Hebræos, sub annotationum nomine commemorans, eas tanto in pretio habitas dicit, ut Gelasio papæ tribuerentur: quæ tamen ut peracutæ erant ac brevitatem sua gratissimæ, ita Pelagiani erroris insperso veneno inficiebantur: se autem, pro sua virili, purgandæ epistolæ ad Romanos operam dedisse, quò ad idem quoque in aliis præstandum exemplo esset. Attamen multis adhuc locis dogmata Pelagiana exhibet, quæ Cassiodoro prætermissa fuisse mirum videatur: enim verò annotationem illic ad Rom. 9. 16. legere est eamdem illam, quam alicubi <sup>l</sup> citat Augustinus. Primasum ex hoc commentario non pauca desumisse, fonte interim, unde illa duceret, non indicato, ab eruditis observatum est.

## III. Origo hæresis Pelagiana. Hanc Pelagius Romæ proferre incipit, quæ brevi longè latèque diffunditur.

<sup>a Append.  
74. d. 75.</sup> PELAGIANA hæresis originem ex Oriente primam traxit, <sup>m</sup> ab Origene Adamantio, ut volunt, præcipue autem à <sup>n</sup> Theodoro Mopsuestiæ episcopo proseminalata. Hanc <sup>o</sup> Rufinus quidam natione Syrus Anastasio Romano pontifice, id est, circiter annum Christi 400. Romam primus invexit: & ut erat argutus, ait Mercator, se quidem ab ejus invidia muniens, per se proferre non ausus, Pelagium gente Britannum monachum tunc decepit, eumque ad prædictam apprime imbutit atque instituit impiam vanitatem. Huc facit, quod in Carthaginensi concilio affirmabat Cælestius, <sup>p Hic pag.  
24. b.</sup> sanctum <sup>p</sup> Rufinum presbyterum Roma qui mansit cum sancto Pammachio, peccatum originale præsente se atque audiente negavisse. Sunt qui Rufini hujus nomine Aquileensem illum, toto Christiano orbe celebrem, intelligent: attamen Romæ numquam in convictu Pammachii fuisse Rufinum Aquileensem, neque eum tempore Anastasi papæ in Urbe commoratum esse, asseverare licet. Hinc alii contendunt, debere intelligi Rufinum alium ex <sup>q</sup> Hieronymo cognitum, qui anno circiter 399. in Occidentem venit, missus ab eo Mediolanum ad Venerium. Nihilo minus tamen Hieronymus iis, quos primos hæresis Pela-

# P R A E F A T I O.

gianæ auctores nominat, satis aperte Rufinum Aquileensem annumerat; nec ambiguè illam hæresim in *discipulo Origenis Grunnio*, quo nomine quandoque in eumdem Rufinum <sup>App. d.</sup> ludit, jam jugulatam fuisse pronuntiat. Plerique etiam putant Pelagium esse, cuius <sup>b</sup> præ-<sup>pag. 78. d.</sup> cursorem, saltem in carpensis suis ipsius scriptis, Grunnum fuisse dicit; & in quem alio <sup>c</sup> quoque loco tamquam in heredem Rufiniani adversùm semet odii insurgit. Verùm ad <sup>c Praefat.</sup> ea non est difficilis responsio; quia eos omnes qui Origeni non cum ipso palam adver-<sup>lib. 6. in</sup> sarentur, Pelagiani erroris magistros compellare non dubitabat Hieronymus. Porro ejusdem Rufini Aquileiensis ecclesiasticam historiam post ortum Pelagianæ hæresis Augustinus citavit, neque illam ullâ umquam approbationis improbationis notâ affecit.

Verùm ne à proposito longius divertamur: jam ex ipsis Pelagii scriptionibus observatum nobis est, illum jam inde ab anno 405. pravos gessisse animo sensus, ejusque omnino mentem jam tum corruptam fuisse, cùm in Urbe morabatur. Testatur quoque Augustinus, eumdem ibi <sup>d</sup> sermonibus & contentionibus adversus gratiam, in quibus versari solebat, notissimum evasisse; ita ut Romanos, <sup>e</sup> inter quos tam diu vixerat, illius sensus & dogmata, quamquam ea timide ac secretò traderet, non laterent: qui præterea Cælestium, cuius erat explorator impietas, ejus esse discipulum sic noverant, ut fidelissimum ac firmissimum possent de hac re testimonium perhibere. Per id verò temporis hæc inter alias se dedit occasio, ut hæresim suam Romæ detegeret in colloquio quodam, <sup>f</sup> ubi cùm <sup>g</sup> Episcopus <sup>pag. 851.</sup> qui tum aderat, retulisset ex Augustini Confessionibus verba illa, *Da quod jubes, & jube quod vis*: Pelagius ferre, inquit Augustinus, non potuit, & contradicens aliquantò commotius, penè cum eo qui illa commemoraverat litigavit. Nimirum Deo volente certis quibusdam casibus se ipse prodebat. Nam alioqui mirus erat dissimulandi artifex, & qua ratione errores suos catholicis verbis involveret, oppidò gnarus. Discipulos suos, qui apertius loquerentur, summittebat; <sup>h</sup> ut quemadmodum eorum dicta exciperentur explorans, illa deinde vel approbaret, vel improbaret, prout id sibi magis conducere videretur.

Ejus error brevi tempore tam longè latèque fluxit, ut Augustinus in <sup>i</sup> quodam è primis illis scriptis, quibus eidem studuit occurrere, sectatores illius plures jam esse asserat, quām credere ipse potuisset; ab iisque etiam alios, ubi non redarguuntur, in suam sectam abduci; ac demum hæresim in dies tantum incrementi capere, ut non facile quis pervideat, quò res postmodum sit eruptura.

Erat adhuc Romæ <sup>j</sup> Pelagius, cùm illum Augustinus adversus Dei gratiam disputare, certior factus est. Id enim à viris fide longè dignissimis cognovit: & quidem permolestè tulit sanctus Doctor; ne quid tamen Pelagio imposuisse diceretur, scribere in illum priùs noluit, quām vel ipsum corām esset allocutus, vel saltem ejusmodi erroris in quopiam è scriptis ejus testimonia deprehendisset. Venit ille re ipsa in Africam, atque ad oram ipsam met Hipponensem appulit: at contigit hoc temporis illinc abesse Augustinum. Adventus iste Pelagii in Africam circiter annum 410. quo Roma capta est, collocatur: quo re vera tempore longiorem paulò fuisse suam ab Hippone urbe absentiam, eamque hominum in se querimonias excitasse, <sup>k</sup> non tacet Augustinus. Neque est vero dissimile, Pelagium unà cum Cælestio, cuius ex Urbe egressum <sup>l</sup> Mercator in annum circiter 409. refert, Româ exiisse; cumque eodem suo discipulo in Siciliam, quæ eorum hæresis germina quædam <sup>m</sup> sub annum 413. palam emisit, se primùm recepisse; tum inde postea in Africam simul transfretasse. Ceterū Pelagiūs hæresim suam <sup>n</sup> Hippone-regio nequaquam aperuit: quia & citius quām putabatur, inde profectus est. Is Carthaginem postea se contulit, qua in urbe eum semel aut iterum anno Christi 411. vidit Augustinus, sed in iis, quæ ad collationem cum Donatistis habendam adtinebant, tum occupatissimus. Ad hoc idem tempus respicere illa credimus Augustini verba: <sup>o</sup> Ante parvum, ait, tempus. <sup>p</sup> pag. 77. à quibusdam transitoriè colloquentibus, cursim mihi aures perstrictæ sunt, cùm illic apud <sup>d.</sup> Carthaginem essemus, non ideo parvulos baptizari, ut remissionem accipient peccato- rum, sed ut sanctificantur in Christo. Qua novitate permotus, & quia opportunum non fuit ut contrà aliquid dicerem, & non tales homines erant, de quorum essem auctoritate sollicitus, facile hoc in transactis atque abolitis habui: & ecce jam studio flammante defenditur, ecce scribendo etiam memoriæ commendatur; ecce res in hoc discriminis adducitur, ut hinc etiam à fratribus consulamus; ecce contrà disputare atque scribere co-

# P R A E F A T I O.

<sup>a Hic pag.</sup>  
<sup>216. c.</sup> gimur. Carthagine abiens Pelagius <sup>b</sup> mare trajicere properavit ; idque forsitan animo proficisciendi in Ægyptum ; si modò quam epistolam ad eum scripsit Isidorus Pelusiotæ, huic tempori adtribuenda videatur. Sed in Palæstinam post paulò transisse creditur, ubi perdiu moratus offensionem Hieronymi sibi concitavit. Hinc forte est , quod Hieronymus præfatione libri in Ezechielem sexti, anno, ut opinamur , 412. compositi, vexari se ab Rufiniani erroris atque odii successoribus queritur.

## IV. Cælestius Pelagii discipulus accusatur à Paulino, idemque à Carthaginensi concilio anno 412. condemnatur.

<sup>b Hic pag.</sup>  
<sup>263. a.</sup> <sup>c Epist. 157.</sup> <sup>d Hic pag.</sup>  
<sup>216. c. d.</sup> <sup>e Lib. de  
hæresib. kar.  
88.</sup> <sup>f Garnerius  
in Merc.</sup> D O C T R I N A <sup>b</sup> illa pestifera, quam Romæ Pelagius tradere cœperat, in Africam perlata, tametsi hanc provinciam non tam latè occupavit, altèque pervasit, sectatores ibi <sup>c</sup> quosdam statim reperit, qui ubicumque poterant, hæc sui erroris nova semina spargerent. Illic <sup>d</sup> per ora eorum, qui Pelagii discipuli ferebantur, dogmata ista fervebant : ita ut unus ex eis Cælestius Carthagine ad ecclesiasticum judicium perduceretur, & reportaret dignam sua perversitate sententiam. Fuit hic discipulorum Pelagii, cùm temporis ordine, tum nominis celebritate facile princeps, qui magistri sui vestigiis tam diligenter institit, ut eorum hæresis sectatores <sup>e</sup> ex æquo Pelagiani vel Cælestiani dicerentur. Immo Cælestius videtur ipso Pelagio notiorem famam ac latius propagatam in Oriente consecutus. Quæ patria ejus esset, non reperitur : si quidem vero propius existimamus, Pelagium ipsum esse, quem, ut suprà diximus, Albinum canem Hieronymus appellabat. E Campania oriundum conjectat <sup>f</sup> Vir eruditus ex illo versu Prospere, quem non de Juliano, sed de Cælestio interpretatur :

<sup>g</sup> Aut huic Campano gramine corda tument.

<sup>g Append.</sup>  
<sup>pag. 222. d.</sup> Natu nobilis <sup>h</sup> fuit, sed naturæ vitio eunuchus utero matris editus ; quo forsitan fit, ut <sup>i</sup> prodigiosus <sup>j</sup> à Vincentio Lirinensi dicatur. Idem aliquandiu in foro versatus est, eam ob causam, nisi fallimur, dictus à Mercatore <sup>k</sup> auditorialis scholasticus. Post verò meruit in monasterio: & inde, <sup>l</sup> teste Gennadio, ante quām se Pelagio adjunxisset, atque adhuc adolescentis, ad parentes suos epistolas in libellorum formam tres conscripsit, omnibus divinæ studentibus caritati utiles ; ut poste quæ tantum ad virtutem accenderent, nec pravæ illius doctrinæ, quam postea palam professus est, quidquam saperent.

Hieronymus adversarios suos verbis deprimere solitus, Cælestii sicut & magistri ejus Pelagii stilum ac ingenium admodum elevat. Et de Cælestio quidem hunc in modum loquitur : <sup>m</sup> Unus discipulorum ejus, immo jam magister & totius duxtor exercitus, & contra Apostolum was perditionis, persolæcismorum, & non ut sui jaētitant syllogismorum, spinea decurrens. Quæ paucula tamen restant <sup>n</sup> ex hujus scriptis, ea subtili eum fuisse ingenio, nec non in philosophicis cavillis ac tricis exercitato declarant. Vocat illum Augustinus <sup>o</sup> hominem acerrimi ingenii, qui profecto si corrigeretur, plurimis profuisset. Pelagius quoque ab eodem sancto Antistite dicitur <sup>p</sup> esse acutissimus. Et quid de ingenii illorum senserit, hæc inter cetera clare demonstrant : <sup>q</sup> Hanc absurditatem, inquit, talia ingenia non videre, quis credat ? Item alio loco : <sup>r</sup> Ne amicis nostris, quorum fortissima & celerissima ingenia, non in perversum, sed in directum currere volumus, facere existimemur injuriarum. Alibi rursus : <sup>s</sup> Illa ingenia, quamvis nefando errore pervasa, non tamen contemtibilia. Præterea de præceptore ac discipulo ita pronuntiat : <sup>t</sup> Quid inter istum Pelagium & Cælestium in hac quæstione distabit, nisi quod ille, nempe Cælestius, apertior, iste occultior fuit ; ille pertinacior, iste mendacior ; vel certè ille liberior, hic astutior ? Cælestius ergo cùm & animo ad audendum parato esset, & prompto argutoque ingenio ; <sup>u</sup> contra traducem peccati primus, ut fertur, scripsit, anno forte 402. & multos, <sup>v</sup> inquit Mercator, incredibili loquacitate amentiæ suæ participes & complices fecit, ausus palam publice que Pelagii errores passim disseminare per populos.

<sup>w Epist. 157.</sup>  
<sup>x 22.</sup> Is anno Christi 412. agebat Carthagine ; qua etiam in urbe jam <sup>y</sup> ad presbyterii honorem subrepere cœperat : verùm cùm hæresim non dissimulanter prædicaret, deprehensus fuit, & apud Aurelium episcopum accusatus. Mox ergo in concilium Carthaginæ habitum, cui <sup>z</sup> Aurelius quidem cum aliis episcopis bene multis interfuit, abfuit verò Augustinus, arcessito Cælestio, libelli judicibus accusationis ipsi intentatæ capita continentes,

# P R A E F A T I O.

nentes , oblati sunt duo , quorum alter *libellus minor* dicitur. Stabat contra Cælestium ex <sup>a</sup> adversa parte Paulinus quidam , ille haud dubiè , qui Ambrosii vitam scripsit Augustini rogatu ; quam ipse in Africa , Johanne præfecto prætorio , ( hanc verò dignitatem Johannes annis 412. 413. & 422. gessit , ) scriptam ab se testatur. Hic in libro quodam <sup>b</sup> de hæresibus vocatur diaconus , defensor , ac procurator Ecclesiæ Medio-<sup>b Append.</sup>  
lanensis : & Mercator prodit disertis verbis , quòd <sup>c</sup> Cælestius per libellum à quodam Pau-<sup>pag. 64. d.</sup>  
lino diacono sanctæ memorię Ambrosii Mediolanensis episcopi sit accusatus , tamquam <sup>c</sup> hæretica capitula quædam non solum ipse doceret , sed & per provincias conspirantes sibi <sup>“</sup>  
diversos , qui hæc per populos disseminarent , misisset.

Capitula <sup>d</sup> ex Cælestii doctrina hæc in libello afferebantur. I. *Adam mortalem factum* ,  
qui sive peccaret , sive non peccaret , moriturus fuisset. II. *Quod peccatum Adæ ipsum solum  
laesit , & non genus humanum.* III. *Quod parvuli qui nascuntur , in eo statu sint , in quo  
Adam fuit ante prævaricationem.* IV. *Quod neque per mortem vel prævaricationem Adæ  
omne genus hominum moriatur , neque per resurrectionem Christi omne genus hominum resur-  
get.* V. *Quod lex sic mittit ad regnum cœlorum , quomodo & Evangelium.* VI. *Quod &  
ante adventum Domini fuerunt homines impeccables , id est , sine peccato.* Promisit hæc Mer-  
cator de conciliis gestis , quorum exemplaria in manibus habebat : ubi tamen ab ipsius  
Mercatoris exscriptoribus omissum suspicamur septimum , quod alio <sup>e</sup> loco exhibet , capi-<sup>e pag. 84.  
tulum Cælestii , quo is docuit , *Infantes , etiam si non baptizentur , habere vitam æternam.*  
Nam Cælestio capitula numero septem objecta fuisse à Paulino , significat idem auctor ,  
cùm ait , <sup>f</sup> de supra scriptis capitulis septem paribus synodi patres restitisse Cælestio , id est ,<sup>f pag. 69.e.</sup>  
de septem capitulis Cælestii alia fuisse contra ipsum pari numero confecta. Isthic etiam  
illud desideratur capituli sexti corollarium , quod cùm in Cælestio Africana synodus , teste  
Orosio , <sup>g</sup> detestata jam fuisse , non desinebat Pelagius in Jerosolymitano conventu idem  
adhuc præfracte dicere , scilicet , *Hominem posse esse sine peccato , & facile Dei mandata  
servare , si velit.* Porro ad capitulo secundum & ad tertium Cælestius in synodo Car-  
thaginensi respondens , errores istos <sup>h</sup> neque confiteri ausus est , neque rursus voluit  
inficiari , sed ejusmodi quæstiones in utramque partem disputari posse dixit ; cùm plu-<sup>h Hic pag.  
254. 2.</sup>  
rimos , ut aiebat , ex ordine presbyterorum , atque in his maximè Rufinum sancti Pam-  
machii convictorem nosset , qui originis peccatum negarent. Addidit tamen , se semper  
dixisse , infantes egere baptismo , ac debere baptizari. Quin etiam <sup>i</sup> libello brevissimo , re-  
demtione ipsis etiam parvulis opus esse , eamque ob causam necessarium iis baptismum  
concessit , catholicum videlicet hocce dogma negare coram Christianis veritus : sed tamen  
ex Adamo in parvulos transisse peccatum , aut remissionem alicujus in eis peccati aper-  
tiūs exprimere noluit. De hoc haud dubiè loquitur libello Zosimus , cùm <sup>k</sup> priorem  
quemdam libellum in Africa datum à Cælestio , fidei ejus documentum præbere scribit ,  
quod ab eo damnando prohibere judices debuisset. Tum verò Zosimus nondum perspe-  
ctas habebat horum hæreticorum fraudes : neque profectò ipsa viderat synodi acta ;  
quando quidem etiam dicit , <sup>l</sup> nihil ibi liquidò jūdicatum. Etenim ex iisdem actis patebat ,<sup>l pag. 98.g.</sup>  
<sup>m</sup> auditum illum frequenter , confessum , & convictum , tandem cùm in hæreticis illis  
dogmatibus , quorum insimulatus fuerat , obstinata mente perstaret , meritò damnatum  
esse , & ecclesiastica communione privatum. Cælestius à synodi sententia provocavit ad  
apostolicam sedem : cuius quidem provocationis , præter Zosimum in litteris ad Africa-  
nos episcopos , ubi de illius <sup>n</sup> appellatione pristina commemorat , testes sunt <sup>o</sup> Paulinus ,  
<sup>p</sup> Mercator , & <sup>q</sup> Facundus. Addit Mercator , eundem ipsum mox , appellatione neglecta ,  
Ephesum Asiam urbem contendisse , ibique ausum esse per obreptionem locum pre-<sup>p pag. 104.  
sbyterii petere.</sup></sup>

Errores Cælestii qui apud Carthaginem sestabantur , ejus condemnatione deterriti  
funt , quo minus <sup>r</sup> Ecclesiæ fidem , quam fundatissimam cernebant , impugnare auderent ,<sup>r Epist. 157.</sup>  
nisi tantum sermonibus , aut querelis potius , quas in vulgo dissimulanter & mussitan-<sup>n. 22.</sup>  
do spargebant. Quare non injuriâ Patres concilii Carthagine anno 416. habitu affirmant ,  
<sup>s</sup> episcopali judicio excisum fuisse hoc tantum ab Ecclesia vulnus , nimirum Pelagianam  
hæresim ; idque judicium *ante ferme quinquennium* super Cælestii nomine Carthagine agi-<sup>s Append.  
pag. 91.c.</sup>  
tatum , atque adeo circiter initium anni 412. Illud Augustinus quoque collocat <sup>t</sup> post ha-<sup>t Hic pag.  
bitam cum Donatistis collationem ; aut faltem non antè factum quā illa iniaretur , sa-<sup>216. c.d.</sup></sup>

# P R A E F A T I O.

<sup>Append.</sup>  
<sup>pag. 66. f.</sup> tis apertè significat. Ad idem etiam concilium fortè respiciebat , quæ <sup>a</sup> Photio visa est, hæresis Pelagianæ historia , dum hosce hæreticos Theophili Alexandrini atque Innocentii Romani pontificis tempore ejectos Ecclesiâ tradit : nisi fortè loco Theophili , legendum sit Theodori Antiocheni. Quippe diem obiit Theophilus anno Christi 412. aliis conciliis , in quibus condemnati illi fuere , nondum habitis.

*V. Pelagianos sacris concionibus primum , tum postea scriptis libris impugnat Augustinus. Scribit in eosdem ad Marcellinum opuscula duo , aliud de baptismo parvolorum , aliud de Spiritu & littera : nec non inter id temporis epistolam ad Honoratum de gratia novi Testamenti.*

CONCILIO contra Cælestium coacto , uti suprà vidimus , Augustinus minimè aderat : verùm cùm postea Carthaginem venisset , ejusdem gesta recensuit. Neque tam in id argumenti confessim <sup>b</sup> scribere est aggressus : sed tum ipse , tum alii catholici antistites , & publicis concionibus , & familiaribus colloquiis , pro sua quisque parte Pelagianos errores convellere moliebantur. Huc omnino spectant Augustini Sermones **C L X X .** **C L X X I V .** **C L X X V .** <sup>c</sup> aliquique vel hoc tempore vel aliquanto pòst habiti : si quidem in iis placa Pelagianorum , quamvis nominatim illos non appellat , funditus evertit. In Sermone **C L X X I .** adversùs eosdem disputans , <sup>d</sup> Nemo , ait , vobis susurrexit doctrinas alienas. Hoc " Ecclesia semper habuit , semper tenuit ; hoc à majorum fide percepit &c. Quisque " ergo quod potest , Fratres , loquatur pro eo qui loqui pro se non potest. Pro magno " commendantur episcopis patrimonia pupillorum , quanto magis gratia parvolorum ? Pu- " pillum tuetur episcopus , ne mortuis parentibus ab extraneis opprimatur : clamet plus " pro parvulo , cui timet ne à parentibus occidatur.

Postea verò quàm Pelagianam hæresim aliquamdiu viva voce esset aggressus , stilo quoque adversùs illam decertare compulsus est. Nam idem ille Marcellinus , qui collationi Carthaginensi ab Honorio imperatore datus fuerat moderator , cùm homines ex illa hæ- resi <sup>e</sup> quotidie disputatores molestissimos pateretur , sancto Doctori per litteras quæstio- nes eorum ac difficultates proponens , ut sibi solutionem earum significaret , obsecrabat. Hæ porrò quæstiones potissimum spectabant ad infantium baptismum : circa quem & no-

<sup>f</sup> <sup>Hic pag. 35. f.</sup> vam quorundam ex illis absurditatem nuntiabat , qua faterentur , <sup>f</sup> etiam in parvulis per baptismum remissionem fieri peccatorum ; non tamen eos originaliter , sed in vita jam propria , <sup>g</sup> postea quàm nati sunt , peccatum habere capisse , dicerent. Admonebat quoque , <sup>g</sup> novum prorsus atque inauditum sensum illos affingere hisce Apostoli verbis : *Per unum hominem peccatum intravit in mundum , & per peccatum mors.* Et urgebat , ut eos redargueret , qui prædicabant , *Adam , etiam si non peccasset , fuisse moritum ; nec ex ejus peccato quidquam ad ejus posteros propagando transisse ; & quod in hac vita sint , fuerint , futurique sint filii hominum nullum habentes omnino peccatum.* Cùm ergo hujusmodi quæstionibus jam usquequaque ferventibus animos multorum infirmos perturbari cerneret Augustinus , non modò amicissimi viri rogatu , sed etiam sollicitudine suæ erga Ecclesiam caritatis ad-

<sup>h</sup> <sup>1. Retraet.</sup> ductus , libros de peccatorum meritis & remissione conscripsit. Sic enim eos in <sup>b</sup> Retractionibus nuncupat : alibi <sup>i</sup> autem , de baptismo parvolorum ; quo etiam titulo eosdem laudat <sup>k</sup> Hieronymus. Et quidem è quæstionibus à Marcellino propositis præcipua hæc erat ; neque argumentum aliunde validius ullum quàm ex parvorum baptismo peti poterat , ad ostendendum , quod adversùs Pelagianos tuebatur , originale peccatum. Id ope- ris eidem Marcellino dicavit : unde fit ut quandoque suos ad Marcellinum libros vocet , alias inscriptionem nullam adjiciens.

Libro primo probat mortem hominis , non necessitate naturæ consecutam esse , sed merito peccati : tum etiam peccato Adæ totam ejus stirpem obligatam ; atque ob id ba- ptizari parvulos , ut originalis peccati remissionem accipient. Legerat <sup>l</sup> unius cujusdam ex Pelagianis librum , ea continentem quæ ab hujus operis exordio usque ad caput 34. libri primi refellit: In libro secundo docet primum , hominem in hac vita sine pecca- to esse posse per Dei gratiam & liberum ipsius hominis arbitrium. Postea monstrat ,

<sup>33.</sup>

<sup>1. Hic pag.</sup>

<sup>263. b. Epist.</sup>

<sup>139. n. 3.</sup>

<sup>Append.</sup>

<sup>pag. 87. f.</sup>

<sup>1. Hic pag.</sup>

<sup>16. 2.</sup>

## P R A E F A T I O.

non esse tamen quemquam in hac vita sine ullo prorsus peccato. Tertio, ideo non esse, quia nemo est qui tantum velit, quantum res exigit, dum vel latet quod justum est, vel non delectat facere. Quartò demum loco, nullum prorsus, excepto uno Mediatore Christo, esse, vel fuisse, vel futurum esse hominem ab omni peccato immunem. Paucis post diebus quam superiores duos libros absolvisset, expositiones Pelagii in Paulum nanctus, in iis argumentationem quamdam novam adversus originale peccatum reperit, quam ipsi in mentem non venerat posse excogitari à quoquam: quæ quidem à Pelagio non ex sua persona, sed tamquam ex aliena ponebatur. Quia verò priores duo libri ad modum erant legitimū perduicti, & jam certo fine conclusi, idcirco nihil illis addendum ratus, epistolam de hac re propriam ad eumdem Marcellinum scribere satius putavit, quam tertii libri instar duobus primis annexuit.

Libellum à Cælestio synodo Carthaginensi oblatum haud obscurè indicat in libro 2. Verùm clariùs profitetur <sup>a</sup> alio loco, se post illud episcopale judicium, quo Cælestius excommunicationem meruerat, scripsisse hoc opus, anno videlicet Christi 412. Non tamen aut Pelagium, aut Cælestium, aut alium ex adversariis quempiam nominat in primis libris, spe nimirum ductus eos ad sanam fidem hac moderatione revocandi. Quin etiam in tertio libro, cùm illa redarguit, quæ Pelagius in suis commentariis contra peccatum originale protulerat, eum non dubitat honorificentiū appellare.

Laudat <sup>b</sup> Hieronymus Augustini ad Marcellinum, eum qui postea, ut ait, sub invidia tyrannidis Heraclianæ ab hæreticis (Donatistis scilicet anno 413.) innocens cæsus est, duos libros *de infantibus baptizandis*; & tertium ad eumdem *contra eos qui dicunt, posse hominem sine peccato esse, si velit, absque Dei gratia*. Dicta ex primo libro quædam <sup>c</sup> re-torquere in Augustinum ipsum nitebatur Julianus.

Porrò dum epistolam illam ad Marcellinum duobus *libris de baptismo parvulorum* <sup>d</sup> ad-jungendam scribebat sanctus Doctor, simul etiam *tunc in manibus habebat librum*, seu <sup>e</sup> epi-stolam *ad Honoratum*, de quæstionibus ab eo propositis quinque; quibus sextam ipse, ut novos hæreticos gratiæ Dei inimicos impugnaret, quæstionem injecit, *de gratia Testamenti novi*. Hanc illic præcipuâ curâ & diligentia discussit, atque ad eam reliquas omnes revocavit.

Huic epistolæ aliud opus contra Pelagianos itidem Marcellino nuncupatum <sup>f</sup> subjungit <sup>g</sup> <sup>2. Retract.</sup> Augustinus. Nam quia in libro de peccatorum meritis & remissione secundo dixerat, fieri posse ut sit homo sine peccato, si voluntas ejus non desit, ope adjuvante divina; nec tamen jure inde colligi, hominem illum, excepto Christo, tam perfectæ justitiæ in hac vita vel fuisse, vel esse, vel futurum esse: rescripsit Marcellinus, id sibi mirum videri, nec satis capere se, quonam modo ea res, cuius nullum existet exemplum, fieri tamen posse præ-dicitur. Hoc ergo Augustinum impulit, ut novum opus, *de Spiritu & littera*, ut vocavit, ad illum dirigeret. Principio quidem <sup>g</sup> innumera, quæ neque existere, neque existabunt umquam, tamen maxime esse possibilia, illic demonstrat. Verùm cùm reponere posset Marcellinus, exempla illa in miraculorum ac operum divinorum numero censenda esse, justitiæ verò perfectionem in homine ad opus ipsius hominis pertinere: hoc Augustinus quidem agnoscit, sed simul eam perfectionem opus esse divinum contendit. Hinc occasione accepta de adjutorio gratiæ Dei disputare pergit: atque illa exponens Apostoli verba, *Littera occidit, Spiritus autem vivificat*; ostendit non solas figuratas dictiones, neque legis ceremonias, quæ Christi adventu fuerunt antiquatae, per *occidentem litteram* intel-ligere beatum Paulum, sed sanctissima quæque præcepta, & quæ piè inviolatæque ser-ventur dignissima, si tantum eorum ex lege cognitionem, non autem ad ea exiequen-da vim illam & caritatem habeamus, quæ nobis per Dei Spiritum & gratiam infundun-tur. Et hæc caussa fuit, cur libro *de Spiritu & littera* titulum fecerit: quo in libro contra inimicos gratiæ divinæ qua impius justificatur, se acriter <sup>h</sup> disputasse dicebat.

*VI. Augustinus anno 413. Carthagine contra Pelagianos concio-natur. Rescritbit Pelagio. Doctrinam de gratia Dei contra ejus hæresim confirmat litteris suis ad Anastasium & Paulinum.*

POSTEA <sup>i</sup> quam suos ad Marcellinum contra novam hæresim libros ediderat Augusti-

# P R A E F A T I O.

nus , Carthaginem aliquando profectus , ea in urbe ipsum diem natalem Johannis baptistæ celebravit : ac proinde non anno 412. quo quidem apud Cirtam , urbem Carthagine centum plus minus leucas distantem , in concilio ibidem habito <sup>a</sup> XVIII. Kalendas Julias aderat. Igitur beati Præcursoris festo Carthagine habuit <sup>b</sup> sermonem ad popu-

<sup>a Epist. 141.</sup> <sup>b Serm. 293.</sup> <sup>c Serm.</sup> <sup>d Hic pag.</sup> <sup>e Serm.</sup> <sup>f 294. cap. 1.</sup> <sup>g 205. c.</sup> <sup>h 294. cap.</sup> <sup>i 19. c. 20.</sup> lum : atque inter cetera , <sup>c</sup> inquit , quæ dicenda videbantur , ad baptismum parvolorum sermo deductus est , & quia jam prolixus erat , & de illo terminando cogitabatur , non tan-

ta dicta sunt de tanta quæstione , quanta in periculo tanto à sollicitis dici debuerunt. Et enim qui sibi <sup>d</sup> persuaderi errores Pelagii circa peccatum originale passi fuerant , ii latius

in dies eadem dogmata prosemicare , ac sibi adjungere quæ plurimos omni ope molebantur ; ita ut de Orientalibus comminarentur Ecclesiis , quod nisi hæc tenerent , ea-

rum possent judicio condemnari. Parum <sup>e</sup> erat , quia differerent & disputarent impias quasdam novitates ; & catholicos doctores conabantur arguere , quod aliquid novum di-

cerent : neque antiquæ fidei defensoribus tantummodo temere obſistere , sed eos insuper appellare hæreticos , minimè dubitabant.

Itaque sanctus Doctor , ut errores è pectoribus eorum , qui se se illis seducendos præbuerant , penitus evelleret , auctore Aurelio episcopo Carthaginensi , ea de re statuit de novo concionari V. Kalendas Julias. Contigit autem celebrari eo die martyris Guddentis memoriam : sed erudiendis fidelibus , quæ laudando martyri vacare , satius existimavit.

Quare perlepto Christi Domini ad Nicodemum sermone , in basilica Majorum , sive ut alii legunt , Majore , vel Majorini , quæstionem de baptismō parvolorum tractandam suscepit , ac primum redarguit Pelagianorum commentum illud , quo dicebant , *Parvulos , et si non baptizentur , merito innocentiae , eo quod nullum habeant omnino , nec proprium , nec originale peccatum , habituros salutem & vitam æternam ; sed propterea baptizandos esse , ut intrent etiam in regnum Dei.*

Tum impetivit eorumdem effugium , qui dum urgerentur Apostolicâ sententiâ , *Per unum hominem peccatum intravit in mundum* , hanc ideo dictam respondebant , *quia primus peccavit Adam , & qui postea peccaverunt , illum imitando peccaverunt.* Postea ad eorum refellendas cavillationes perrexit , quarum aliam sic proponebant :

*Si de peccatore peccatores nati sunt ; quare non de baptizato jam fideli , cui remissa sunt universa peccata , justi nascuntur ? Aliam autem : Si Adam , inquietant , nocet his qui non peccaverunt ; ergo & Christus prodeſſe debet etiam his qui non crediderunt.* Ad extremum pro perpetuo Ecclesiæ in ea quæstione consensu , Cypriani martyris , quem antiquum episcopum sedis hujus nominat , insigne testimonium ex ipsius ad Fidum epistola , sumto in manus codice recitavit. Sermonem postmodum clausit , patientiam erga novos hæreticos primis illis temporibus ab Ecclesia exhibitam commendans in hæc verba : Impetremus ergo , si

» possumus , à fratribus nostris , ne nos insuper appellent hæreticos ; quod eos talia dispu-  
» tantes nos appellare possumus forsitan , si velimus , nec tamen appellamus. Sustineat eos ma-  
» ter piis visceribus sanandos , portet docendos , ne plangat mortuos. Nimium est quod  
» progrediuntur , multum est , vix ferendum est , magnæ patientiæ adhuc ferri : non abu-  
» tantur hac patientiâ Ecclesiæ , corrigantur , bonum est. Ut amici exhortamur , non ut  
» inimici litigamus. Detrahunt nobis , ferimus : canoni non detrahant , veritati non detrahant ,  
» Ecclesiæ sanctæ pro remissione peccati originalis parvolorum quotidie laboranti non contra-  
» dicant. Fundata ista res est. Ferendus est disputator errans in aliis quæſtionibus non diligenter  
» digestis , nondum plena Ecclesiæ auctoritate firmatis ; ibi ferendus est error : non tantum  
» progredi debet , ut etiam fundamentum ipsum Ecclesiæ quatere moliatur. Non expedit :  
» adhuc fortè nostra non est reprehendenda patientia : sed debemus timere ne culpetur etiam  
» negligentia. Sufficiat caritati vestræ , habete ad illos , qui nostis illos ; habete cum illis  
» amicè , fraternè , placidè , amanter , dolenter : quidquid potest faciat pietas ; quia po-  
» stea diligenda non erit impietas.

Huic eidem tempori , quo sic Pelagianorum animos amicè ac fraternè tractandos judi-  
cabat pius episcopus , haud injuriâ tribuas quamdam Pelagii ad Augustinum ipsum epi-

<sup>f Epist. 146.</sup> stolam , cui hæc data responsio legitur. <sup>f</sup> G R A T I A S ago plurimum , quod me litteris tuis ex-  
» hilarare dignatus es , & certum facere de salute vestra. Retribuat tibi Dominus bona ,

» quibus semper sis bonus , & cum illo æterno vivas in æternum , Domine dilectissime

<sup>g Hic pag.</sup> » & desideratissime frater &c. <sup>g</sup> Magno tum desiderio tenebatur cum præfente Pelagio

» colloquendi : quippe quem data qualibet occasione , contra gratiam qua justi efficiuntur ,

# P R A E F A T I O.

aperta contentione conari jam audierat. Et quamquam suis eum Pelagius litteris exquisitè dilaudasset : ipse tamen , quantà pár erat urbanitate rescribens , sic ab ejus laudatione temperavit , ut etiam illum , quoad sine ipsius offensione aut quæstionis ullius commotione licuit , de Dei gratia rectè sapere admonuerit. Hoc rescriptum ipse nobis conservavit Augustinus , cuidam alii opusculo suo insertum , ubi verba rescripti ejusdem singula exponens , nihil caussæ fuisse monstrat , cur id pro se Pelagius in Diospolitana synodo recitaret.

Mirum verò est , cur illic Pelagium , ne tantisper læsisse eum videretur , de quæstione ad Dei gratiam pertinente commemorare noluerit sanctus Doctor : hanc enim tunc temporis etiam non rogatus contra nascentem hæresim perlubenter tractabat in litteris ad amicos directis. Sic Anastasio cuidam scribens , <sup>a Epist. 145.</sup> sedulò egit , ut persuaderet , justitiam non per legem , sed per gratiam , neque per servilem timorem , sed per liberam caritatem impleri. Qua de re cum eo se delectatum loqui significat , <sup>b Ibid. n. 8.</sup> propter quosdam , ait , qui <sup>c Ibid. n. 8.</sup> nimiùm arrogant humanæ voluntati , quam lege data putant ad eam implendam sibi posse sufficere , nullâ super doctrinam legis gratiâ sanctæ inspirationis adjutam. Ubi Pelagianorum adhuc nomini , ut in primis suis contra eos scriptis solebat , parcendum existimat.

In epistola quoque Paulino episcopo Nolano sub illud tempus reddita , ubi ad illius quæstiones ex Apostolo propositas venit , hanc ipse caussam arripuit ad explicandum dogma prædestinationis : de quo mox tam perspicue tamque graviter statuit , ut eam ipsam epistolam esse , in quam postea Semipelagiani tumultuati sunt , haud ægrè tibi ipse persuaderes , nisi hos Augustinus , non cuivis ad Paulinum epistolæ , sed ei nominatim , <sup>d Hic pag. 852. d.</sup> quæ contra Pelagianos edita fuerat , contradixisse memoraret , id est , haud dubiè , <sup>e Epist. 186.</sup> epistolæ ad eumdem anno Christi 417. scriptæ.

**VII.** *Pelagius anno 413. aut 414. Demetriadi virginī venenum suæ hæresis propinat. Hieronymum calumniis appetit , permolestè ferens errores ab eo suos confutari. Pelagianos Sicutos refellit Augustinus.*

Quam Demetrias velatione sua universis admirationem adtulerat , ea virorum omnium qui tum in Ecclesia præcellebant , linguam & calatum provocavit. His si quidem non injuriā persuasum erat , quidquid sibi facultatis divinitus fuerat concessum , utilius collocari nequaquam posse , quām si præceptis illam informarent , nec non in tam generoso proposito confirmarent. Quales autem aliorum , quæ perierunt , epistolæ fuerint , ex ea quæ adhuc exstat <sup>f Hieron.</sup> Hieronymi ad eamdem virginem data , judicare licet. Scripsit eam ille anno 413. aut 414. intermissa tantisper commentatione in Ezechielem , ad cuius caput 43. jam tum pervenerat. In his porrò quæ Hieronymus Demetriadi multa præscribit , id ei magnopere inculcat , Innocentii pontificis adhærescere fidei , ac eorum casses declinare , qui Anastasii papæ auctoritate jam profligati , surgere denuo , & clanculum doctrinæ suæ virus per Orientem spargere moliebantur. Haud pauca sunt , quæ inducant , ut signari ab eo Pelagianos fateamur : tametsi non aliam ibi , quām quæ Origenistarum fuit , de exstantia animarum ante corpora hæresim adtingat. Eadem occasione <sup>g Aug. epist. 150.</sup> Augustinus Probæ aviæ , & Julianæ matri Demetriadis litteris suis gratulatus est.

Insignium horumce virorum vocibus suam quoque Pelagius adjungere , ac sibi tam nobilis argumenti tractatione gloriam comparare decrevit : neque tamen lucubrationi suæ proprium adscripsit nomen ; aut saltem <sup>h</sup> ab exemplo , quod aliquantò post perlatum est ad Augustinum , à quo & libri titulo censemur , illud aberat. Agnoscit anno 417 ipsem Pelagius <sup>i</sup> ab se ad virginem Demetriadem conscriptas in Oriente litteras. De quibus & anno 415. agens <sup>k</sup> Orosius , eas jam Pelagio adtribuit : unde etiam verba aliquot refert , quæ legere est in epistola cuius exordium est , *si summo ingenio &c.* Exstat hæc in appendice post Augustinianas : ubi similiter quidquid ex ipsius Pelagii ad Demetriadem epistola citat Augustinus , reperire licet. Ea quidem cùm ornatè eleganterque scripta est , tum egregias pietatis regulas complectitur ; verùm superbiâ istâ infecetas , quæ fuit propria Pela-

# P R A E F A T I O.

gii, quæque certissimum pietati parit interitum. Eamdem magno in pretio fuisse apud  
<sup>a In apolo.</sup> Pelagianos, Orosius <sup>b</sup> satis apertè significat illis verbis: *In epistola tua illa lucubratissima.* Et  
<sup>b Epist. 188.</sup> Augustinus, cùm de hac ipsa expostularet, <sup>b</sup> Pelagianorum *scripta propter acrimoniam atque*  
<sup>cap. 3. n. 13.</sup> *facundiam legi à plurimis testabatur.* Addit Orosius Pelagium in ea conscribenda stilo ac  
 sermone usum fuisse aliorum, Juliani forsitan seu Aniani pseudodiaconi Celebensis, qui  
<sup>c Epist. 202.</sup> <sup>inter Au-</sup>  
<sup>gust. cap. 1.</sup> idecirco à sociis erroris copiosissimè pascebatur, teste <sup>c</sup> Hieronymo, ut alienæ blasphemiae  
<sup>d Hic pag.</sup> <sup>240. b.c.</sup> verba frivola subministraret. Hinc fortè data occasio, ut epistola Juliano adscriberetur  
 à Beda. Epistola hæc Augustino non ante annum 416. visa est. Quippe cùm ipse, <sup>d</sup> an  
 ante concilium Diospolitanum, quod sub anni 415. finem celebratum est, an verò postea  
 scripta fuerit, ambigere se significet.

Quò animum referret Pelagius in hoc edendo opere, facile quidem ex illis præfationis ejus verbis intelligitur: *Quoties mihi de institutione morum & sanctæ vite conversatione dicendum est, soleo primò humanæ naturæ vim qualitatemque monstrare, & quid efficere possit ostendere, ac jam inde audientis animum ad species incitare virtutum, &c.* Idem tamen ut ostenderet, quemadmodum dicebat ipse, quām à neganda Christi gratia longè abesset, suæ ad Demetriadem epistolæ testimonium adhibebat. Certe quidem <sup>e</sup> fatetur Augustinus, sibi ejus lectione penè persuasum fuisse, veram ab illo Dei gratiam agnoscere: tametsi auctorem in multis ibi locis sibi ipsum contradicere appareret. Verùm lectis postea aliis scriptionibus Pelagii, in quibus clariùs mentem aperiebat, non difficili negotio deprehendit, gratiæ ab illo vocabulum elevandæ tantummodo invidiæ causâ usurpari, neque aliud quidquam in illius ore sonare hanc vocem, nisi vel institutam à Deo naturam, vel doctrinam, vel ad summum remissionem peccatorum, aut exemplum Christi. Hoc igitur comperto, Augustinus & Alypius, <sup>f</sup> qui Demetriadem sua exhortatione ad sanctimoniam virginalem profitendam adduxerant, ad se in primis spectare judicarunt, eam quoque, ut contraria gratiæ Dei dogmata devitaret, admonere. Id autem præstiterunt epistolâ ad Julianam ejus matrem circiter exeuntem annum 417. datâ: ubi cùm è Pelagiana scriptione protulissent hunc præcipue locum Christianæ humilitati & gratiæ plenè contrarium: <sup>g</sup> *Nam corporalis nobilitas atque opulentia, tuorum intelliguntur esse, non tua; spiritales vero divitias nullus tibi præter te conferre poterit. In his ergo jure laudanda, in his merito ceteris præferenda es, quæ nisi ex te & in te esse non possunt.* <sup>h</sup> Et nos quidem, inquiunt illi, de sanctæ virginis disciplina & humilitate Christiana, in qua nutrita & educata est, hoc existimamus, quòd illa verba cùm legeret, si tamen legit, ingemuit, & pectus humiliiter tutudit, ac fortassis & flevit, Dominumque, cui dicata est, & à quo sanctificata est, fidenter oravit, ut quomodo illa non sunt verba ipsius, sed alterius, ita non sit talis & fides ejus. De hoc ergo ejus affectu utrūm non fallamur, inde nos fac potius rescribendo certiores.

Pelagianæ ejusdem epistolæ locis variis reconditum virus commonstrat etiam Beda. Nempe quòd ibi legere est, *Multos Philosophorum castos fuisse, patientes, modestos &c. atque hominibus alienis à Deo, ista quæ Deo placent animi bona non aliunde adfuisse, nisi de naturæ bono.* Tum etiam illos exemplo suo sibi invicem ostendere, cùm omnium natura una sit, omnia ista virtutum ornamenta in omnibus esse posse, quæ vel omnia in omnibus, vel singula inveniuntur in singulis. Deinde quòd si etiam sine Deo homines ostendunt, quales à Deo facti sunt; inde intelligere liceat, quid Christiani possint, quorum in melius per Christum instaurata natura est, & qui divinæ quoque gratiæ juvantur auxilio. Præterea quòd Job aperiens occultas naturæ divitias, & in medium proferens ex se quid omnes possimus ostendit. Et quòd hac injuriâ vindicanda natura est, ne ejus vitio ad malum videamur impelli, qui nec bonum sine voluntate faciamus, nec malum, & quibus liberum est unum semper ex duobus agere, cùm semper utrumque possimus. Quòd ideo alii judicaturi sint, alii judicandi, quia cùm omnes idem possimus, diversa faciamus. Quòd non à justo Deo, aut ille puniri meruisset, aut hic eligi, nisi uterque utrumque potuisset: hocque etiam de Esaii & Jacob geminis intelligentum sit; ac sciendum solam voluntatis esse caussam, cùm in eadem natura merita diversa sunt. Quòd neque alia nobis caussa difficultatem bene vivendi facit, quām longa vitiorum consuetudo. Tandem quia nec impossibile aliquid potuit imperare, qui justus est; nec damnaturus est hominem pro eo quod vitare non potuit, qui pius est. Hæc ad excutiendum decerpit aliquot post saeculis Beda.

# P R A E F A T I O.

Porrò quo tempore Pelagius virulentum illud poculum Demetriadi miscebat , eodem etiam dabat operam , ut errores suos in Palæstina propagaret. Illuc eum vertente anno 411. quando , ut dictum est suprà , ex Africa navigavit , de vectum putant. Ac primò , cùm cuperet cum claris ac sanctis quibusque viris videri amicitia conjunctus , familiaritatem forte cum Hieronymo aliquam iniverat. Id sanè sancti Viri verba ista indicant : <sup>a</sup> ne veterem ledere videamus necessitudinem. Verùm cùm Hieronymus , quo jam latiùs serpentem cohiberet illius hæresim , nihil omitteret ; conati sunt Pelagiani ipsius ulcisci generositatem iis calumniis , quibus se ab illis petitus , sàpe conqueritur. Nam quando quidem indubitatum est anno 415. Pelagium egisse in Palæstina , absurdum nemini videatur , eum cum alio quodam ab Hieronymo designatum fuisse , cùm circiter annum 416. loquebatur in hæc verba. <sup>b</sup> Hic tacet , alibi criminatur : mittit in universum orbem epistolas biblinas , priùs auriferas , nunc maledicas , & patientiam nostram de Christi humilitate venientem malæ conscientiæ signum interpretatur: ipseque mutus latrat per Albinum canem , grandem & corpulentum , & qui calcibus magis possit sàvire , quàm dentibus ; habet enim progeniem Scoticæ gentis de Britannorum vicinia. Quæ non male quadrant in Pelagium , ut pote Britannum , & quem <sup>c</sup> alio loco videtur Hieronymus Scotum vocare voluisse : tametsi quem sibi superiorem habuerit Pelagius , ut ejus canis nuncupatur , videmus neminem ; nisi si quis velit verba illa , *Hic tacet &c.* referri oportere ad Johannem episcopum Jerosolymitanum , qui re ipsa tam male de Hieronymo mèruerat , ut jure cum eo sic ille expostularet.

Neque Hieronymus his semper se limitibus continuit , ut errores qui secretò illic à Pelagio discipulis tradebantur , viva tantùm voce argueret : sed permotus catholicorum quorundam precibus , primò suam ad Ctesiphontem epistolam , in qua disputationem de hac re pollicebatur uberiorem , scripsit anno forte 414. nam eam <sup>d</sup> nuper ab illo editam Orosius in Jerosolymitano conventu testabatur. Neque multùm distulit , ut pollicitationi suæ satisfaceret : quippe tribus contra Pelagianos libris , quos dialogorum formâ composuit , jam manus in extremo Julio anni 415. admoverat. Et ipsâ quidem epistolâ <sup>e</sup> ad Ctesiphontem , renovatas opiniones superiorum hæreticorum ac Philosophorum , quod ad *απάτειαν & ἀραιοπτηῖαν* , exprobrat Pelagio , ejusque has potissimum sententias impugnat , quibus ille pronuntiabat , *Posse hominem sine peccato esse , si velit :* quamvis ad decipiendos homines huic sententiæ adderet , *non absque Dei gratia :* cùm ita Dei gratiam poneret , ut eam ad liberum arbitrium & ad præcepta legis referret. Porrò , *Eos qui absque legis scientia sint , peccata vitare non posse , dicebat.* Deinde , *Liberum arbitrium destrui , si alterius ope indiget , ac semper ei auxilium Dei est necessarium :* proinde , *Unumquemque suo arbitrio regi.* Postremò , *Facilia Dei esse mandata.* Hortatur autem Hieronymus , ut publicè prædicet , quod secretò discipulis loquitur. Nam *ECCL ESIAE* , ait , *VICTORIA EST , vos aperte dicere quod sentitis.*

Ipsò , ut videtur , anno 414. epistolam contra Pelagianos Siculos scripsit Augustinus. Anno si quidem 415. Hieronymus tres libros ad Marcellinum ab eo jam <sup>f</sup> dudum editos f <sup>pag. 87.</sup>  
fuisse , nuper verò confectum librum ad Hilarium , affirmabat : nec secus <sup>g</sup> hac de re Orosius eodem anno 415. loquebatur. Ibi Augustinus varia jam se scripsisse de gratia tradit. Huic epistolæ caussam dedere , quæ in Sicilia movebantur à Pelagianis quæstiones. Certe quidem testabatur anno circiter 416. <sup>h</sup> Hieronymus , non in Occidente solùm , verùm etiam in Oriente , præcipue verò in Sicilia & Rhodo insulis gliscere Pelagianam luem , eam corrumpere plerosque , atque eò latiùs in dies crescere , quòd cùm ab auctoribus ejurarent publicè ejus dogmata , clanculum tamen ea traderentur. De Rhodo quidem , quid ibi gestum fuerit , ignoratur : de Sicilia autem id ex Augustino compertum , <sup>i</sup> multis <sup>j</sup> Hic pag. 167. b.

ipsius , ut dicebatur , Cælestii quemdam librum , quem sibi refellendum sumsit sanctus Antistes. Infestabat hoc virus potissimum <sup>k</sup> Siracusas , qua in urbe , eadem quæ Carthagine in k Epist. 156.

Cælestio damnata fuerant , docebantur. Sed & his alia quædam Siracusani adjiciebant , quæ tametsi videri possint à Pelagianorum erroribus aliena , tamen ab eodem oriebantur superbiæ fonte , unde illis commentitiæ sanctitatis affectatio manabat. Etenim isti statuebant , *Divitem manentem in divitiis suis , regnum Dei non posse ingredi , nisi omnia sua vendiderit : Nec debere quemquam jurare omnino.*

<sup>a</sup> Appen. pag. 78. g.  
<sup>b</sup> Ibid. b.  
<sup>c</sup> Pag. 77. e. f.  
<sup>d</sup> Pag. 80.  
<sup>e</sup> Pag. 74. d. 75.  
<sup>f</sup> pag. 87.  
<sup>g</sup> pag. 80.  
<sup>h</sup> pag. 78.  
<sup>i</sup> Hic pag. 167. b.  
<sup>j</sup> Epist. 157.

# P R Æ F A T I O.

Ergo Hilarius Hipponeñsium quorumdam, qui Siracusis ad sua reverebantur, opportunitate usus, illis ad Augustinum epistolum dedit, in quo, quæ doctrinæ capita tumultum cierent, perscriperat; simulque rogabat, ut sibi per litteras, quid esset de his credendum, significaret. Hunc Augustinus in responso suo filium salutat; sibique, quòd fuerit de valetudine ejus factus certior, gratum testatur accidisse: quo nimur indicat non obscurè, illum jam antea sibi fuisse cognitum. Unde haud quaquam temere fecisse videbimus, si hunc esse dixerimus eundem illum Hilarium, qui postea sancto episcopo epistolam contra Semipelagianos misit, ubi se ipsius præsentia deliciis potitum aliquando, & salubribus uberibus nutritum fuisse profitetur. Difficultatibus ab illo propositis, quantum res quæque postulabat, articulatim respondit Augustinus prolixiori epistolâ, quæ & ab eo <sup>a</sup> nonnumquam libri nomine donatur. Illic testatur, <sup>b</sup> eorum qui Pelagianos errores sectarentur, opinione majorem esse numerum, neque scire se, an non ad eos ex Ecclesiæ corpore, in quo spe correctionis usque tum fuerant tolerati, resecandos tandem coactura esset ipsa necessitas. Cælestium quoque ibidem nominat, & de ejus à synodo Carthaginensi condemnatione commemorat; quia scilicet verebatur sanctus Doctor, ne forte ab ipso in Sicilia hujusmodi turbæ moverentur. Tamen earum illum auctorem non fuisse, videtur postmodum edoctus: quando quidem proximo pòst anno ipsum in Sicilia non agere, ex opinione communi tradit. Hanc Augustini epistolam cùm secum in Palæstina tulisset Orosius, <sup>c</sup> exhibuit in Jerosolymitano conventu, & Johanne, qui præsidebat, annuente perlegit. Eadem rursus apud <sup>d</sup> Diospolitanam synodum laudata fuit.

<sup>a</sup> Hic pag.  
204. c.  
<sup>b</sup> Epist. 157.  
n. 22.

<sup>c</sup> Append.  
pag. 80. c.  
<sup>d</sup> Hic pag.  
204. c.

## VIII. Augustinus anno 415. Timasium & Iacobum revocat ab erroribus Pelagii, cuius & librum ab iis sibi traditum refellit opere de natura & gratia. Aliud opus contra Pelagianas definitiones Cælestio tributas scribit, dictum de perfectione justitiae hominis.

<sup>a</sup> Epist. 179. <sup>n. 2.</sup> INTER Pelagii discipulos non minimum addicti eidem fuere Timasius & Jacobus, <sup>c</sup> adolescentes honestissimo loco nati, & liberalibus disciplinis instituti, qui ipsius hortatu, omni spe <sup>b</sup> sæculari abjecta se se totos divino servitio mancipaverant. Ii præva illius dogmata <sup>f</sup> studiosissime sectantes, eò quoque progressi erant, ut contra gratiam, qua Christiani sumus, palam disputarent. Verùm ab hac eos pernicie Deus liberavit operâ monitisque Augustini: <sup>g</sup> jamque <sup>g</sup> spiritu claritatis qui in ipso erat, ut iidem loquuntur, edocti errorem expuerant, <sup>& hic pag.</sup> <sup>217. d.</sup> cùm librum quemdam, quem <sup>h</sup> affirmabant esse Pelagii, sancto Doctori tradiderunt, <sup>b</sup> Epist. 179. <sup>n. 10.</sup> eum obnoxè, ut illi responderet, obtestantes. Igitur intermissis aliis suis occupationibus Augustinus librum magna cum animi adtentione perlegit: cuius & locum in quadam epistola sua refert, ipso ex loco monstrans, hanc illius fuisse, quam tamen in Diospolitana synodo pòst agnoscerre noluit, opinionem, quòd non nemo inveniatur, ac nominatim Abel, qui <sup>i</sup> ita hic vixit, ut nihil omnino peccaverit.

Pelagius ut naturam hominis contra Dei gratiam defenderet, quidquid in ratiocinando habebat facultatis aut virium, in hoc opere adhibebat. Cùm objiceret sibi quidam dicunt, <sup>k</sup> levia quædam peccata ipsâ multitudine, quòd sæpe irruant, non posse cuncta vitari; negabat debere argui, ne levi quidem correptione, si vitari omnino non possunt. Et pugnabat, <sup>l</sup> naturam per peccatum debilitatem vel mutatam non esse: alioquin <sup>m</sup> materiam peccati esse vindictam, si ad hoc peccator infirmatus est, ut plura peccaret. Immo <sup>n</sup> posteros Adæ non solùm illo non esse infirmiores, sed etiam plura implevisse præcepta, cùm ille unum implere neglexerit. Contendebat quoque, <sup>o</sup> fieri non posse, ut cuicunque jam baptizato sit caro contraria. Ibi tamen sibi ipse quæstionem illam celebrem proponebat, <sup>p</sup> numquid gratiam Dei excluderet, cùm diceret hominem posse hic esse sine peccato: & id non nisi per Dei gratiam fieri posse consentiebat. Augustino quidem non parum voluptatis adullit hæc Pelagii tam aperta confessio: verùm sub gratiæ voce aliquam latere æquivocationem non multò pòst deprehendit, tandemque ex iis quæ sequebantur, comperit, illum per gratiæ nomen nihil intelligere <sup>q</sup> præter naturam sui juris, seu cum libero arbitrio creatam, cui quidem velut obiter, idque satis obscurè, legis adjutorium remissionemque

<sup>q</sup> Pag. 216.  
c.

P R A F A T I O.

remissionemque peccatorum nonnumquam adjungebat; veram autem Christi gratiam non modò ipsum agnoscere, sed etiam plurima proponere cum eadem omnino pugnantia, neque aliò quām <sup>a</sup> ad fidem ejus è Christianorum animis expungendam pertinentia. Opiniones suas perversas nonnullis Scriptorum quorumdam ecclesiasticorum, atque adeo ipsiusmet Augustini testimoniis adstruere moliebatur. Testatur <sup>b</sup> Innocentius papa se librum illum evoluisse, in quo reperit multa blasphema, nihil quod placeret, nihil penè quod non penitus <sup>c</sup> <sup>d</sup> <sup>e</sup> <sup>f</sup> displiceret, à quovis damnandum atque calcandum, cui similia, nisi qui ista scripserat, nemo alter in mentem reciperet atque sentiret. Hoc opere Pelagium epistolæ Hieronymi ad Ctesiphontem respondere conatum esse, <sup>g</sup> arbitratur clarissimus scriptor Pelagianæ historiæ.

Augustinus porrò officii sui esse duxit, opus istud refellere, de quo etiam à Timasio & Jacobo interpellabatur. Hac de causa grandem librum *adversus Pelagii hæresim*, <sup>d</sup> (his enim verbis hoc ipso anno 415. utitur,) composuit; quem & dicavit illis adolescentibus, à quibus Pelagii scriptionem acceperat; ut videlicet, si quid adhuc pravæ doctrinæ eorum animis adhæresceret, id radicitus extirparet. Ibi tamen Pelagii nomine abstinuit, <sup>e</sup> ve- ritus ne hoc ille in sui contumeliam accipiens, medicis manibus se se præberet minùs tractabilem; nec non <sup>f</sup> faciliùs, ut ait sanctus Doctor, se existimans profuturum, si ser- vatâ amicitiâ, adhuc ejus verecundiæ parceret, cujus litteris jam parcere non deberet. Atqui eum postea <sup>g</sup> pœnituit, quòd cùm dolorem facere timeret, nihil suâ illâ modera- tione contulerit, nisi ut tumorem augeret. Hoc opus inscripsit *de natura & gratia*, quòd ibi <sup>h</sup> gratiam defendat, non quidem contra naturam, sed per quam natura & liberatur, & regitur. Ibidem Pelagii pronuntiatum illud, *Hominem posse esse sine peccato, & man- data Dei facile custodire, si velit*, condemnari ab Augustino, testatur <sup>i</sup> Orosius. Veterum auctoritates à Pelagio adductæ examinantur; his etiam non prætermisssis, quæ Xisti Romani pontificis & martyris nomine ab eo laudatæ fuerant. Necdum enim deprehenderat sanctus Doctor, illa ethnici cujusdam philosophi esse: quod postmodum ex epistolæ Hieronymi ad Ctesiphontem, ut putamus, lectione intellexit. Tandem eâ diligentia ventilasse Pelagii librum <sup>k</sup> dicitur, ut ad singulos apices responsa reddiderit. Ipso anno 415. Hieronymum atque Orosium Augustiniani hujuscे opusculi, tamquam inchoati quidem, non dum tamen absoluti, mentionem facere, <sup>l</sup> alibi observamus. Augustinus Evodio, ut id <sup>m</sup> exscribendum curaret, exemplo <sup>n</sup> permisit. Id ipsum sequenti anno, cum ipsius Pelagii libro conjunctum, Johanni episcopo Jerosolymitano, ut inde istius hæresiarchæ mentem perspicere, <sup>o</sup> transmisit; rogans illum etiam ut utrumque ad Pelagium dirigeret. Similiter easdem illas disputationes anno 416. dedit <sup>p</sup> ad Innocentium papam deferendas.

Quamvis autem non liceret Augustino revocare in dubium, quin scriptio illa sibi à Timasio & Jacobo tradita Pelagii esset: eam tamen sine cautione numquam memorat, gnarus videlicet hunc esse eo ingenio, ut, si non aliâ viâ se se expedire posset, illam inficiari minimè dubitaret. Eam itaque Augustinus non citat in libro de gratia & peccato originali, in quo libro damnandas Pelagi opinions ex operibus, quæ ille in sua ad Romanum antistitem epistola agnoscebat, ostendit; non verò ex iis quæ sibi vel ante quām recognosci potuissent, subrepta, vel etiam planè falsoque afficta querebatur: nam & similiter acceptâ eadem epistolâ Zosimus papa <sup>r</sup> fidem nimis temere scriptis quibusdam Timasii atque Jacobi testimonio habitam dicit. In istos duos animum Julianus gerebat infensum, <sup>s</sup> & adolescentes ex monachis dissolutos eosdem per injuriam vocitabat.

Hunc in annum referre visum est alteram Augustini lucubrationem contra Pelagianas quasdam ratiocinationes, comprehensas <sup>t</sup> in chartula, quæ sic prænotata erat: *Definitio- nes, ut dicitur, Cælestii*. Hanc de Sicilia chartulam fratres quidam, id est, catholici adulterant: dederant autem Augustino Eutropius & Paulus episcopi, <sup>u</sup> iidem illi qui non multo post appulsum Orosii in Africam, videlicet ante medium ipsum annum 415. sancto Doctori commonitorum de diversis hæresibus obtulerunt. Codicillus iste varia ratiocinia complectebatur, brevia illa & pressa, quæ èo pertinebant, ut statueretur, *Hominem h̄ic sine pec- cato esse posse*. Cumque illis congesta erant de Scripturis testimonia, scilicet quædam quibus probaretur, uti auctor inquietabat, *præceptum esse homini ut absque peccato sit*: alia quibus ostendi volebat, *quod Dei mandata non modò impossibilia non sint, verum ne gravia qui- dem*: alia postremò quasi iis, quæ à catholicis adversus Pelagianos proferri solerent, testimoniis contraria. Afferit Augustinus perbreves istas ratiocinationes ab Cælestii inge-

# P R A E F A T I O.

nio, quantum è scripto alio, cuius certissimus is auctor erat, conjectando licebat assequi, haud quaquam abhorre. Easdem autem responsis & ipse per brevibus dissolvit, docens perfectionem plenitudinemque iustitiae illam, qua homo sine ullo prorsus peccato sit, nec sine gratia possibilem per vires naturae, praesertim jam vitiatæ, nec umquam esse praesentis hujus vitae. Attamen censem illis non nimis reluctandum, qui quosdam gratiae divinae auxilio vitam vixisse omnino inculpatam atque à peccato planè liberam affirmarent. Quod certè post canones adversus hanc opinionem in Carthaginensi concilio anni 418. sanctos non dixisset.

*I X. Confessus Jerosolymis anno 415. à Iohanne episcopo habitus, in quo cum Pelagio coram disputat Orosius. Pelagio Iohannes plus aequo favens, Orosium paulo post insimulat blasphemiam: quam ille criminacionem scripto apologetico ab se propulsat. De Hieronymi dialogis contra Pelagianos.*

Cùm ex Africa hoc anno solvisset Paulus Orosius, in Palæstinam circiter medium cumdem annum appulit. <sup>a Epist. 169. n. 13.</sup> Is presbyter auditâ Augustini famâ, <sup>a</sup> ex ultimis Hispanis ad eum discendi cupiditate venerat: quem ille ad Hieronymum, ut hunc de animæ origine consulueret, à se transmisit. Quemadmodum autem Augustinum debellandis Pelagianis occupatum reliquerat, ita Hieronymum reperit eidem quoque bello implicatum.

Quando ergo Pelagius tantos tamque celebres in Ecclesia viros fecisse sibi adversarios jam noscebatur, quin occasione doctrinæ ipsius multum fuerit in Palæstina tumultuatum, dubitaverit nemo: nec aliunde profectò colloquium Jerosolymitanum, de quo hic agendum nobis est, ortum habuit: quod ut iniretur, operam dedisse instituisseque videntur

<sup>b Append. pag. 80. a. b.</sup> <sup>c Pag. 81. d.</sup> <sup>d Nicephor. lib. 8. c. 50. & Menolog. grac.</sup> <sup>b</sup> Jerosolymitanæ Ecclesiæ presbyteri. Initum autem fuit <sup>c</sup> quadraginta & septem diebus ante Encæniorum sollemnitatem, hoc est, die 29. aut 30. Julii. Si quidem omnia huc faciunt, ut festum illud non aliud existimemus fuisse, quam ecclesiæ Resurrectionis dedicationem, quæ quotannis magno cum apparatu <sup>d</sup> die 13. aut 14. Septembbris celebrabatur. Ventum est in disputationem præsente Iohanne Jerosolymorum episcopo, qui solus ex episcoporum ordine, quemadmodum ex Orosii relatione intelligere licet, isthinc interfuit. Presbyterorum tantum erat confessus, in quibus numerabantur Orosius, Avitus, Vitalis ac Passerius. Aderat quoque ignotus quidam interpres, numero haud dubie adscribendus falsorum horumce fratrum, qui, teste Orosio, ex adverso latere consedebant. Præter hos omnes memoratur etiam Dominus ex duce. Hic ille Dominus, sicut & Passerius presbyter, multum sibi nominis tum in rebus quæ ad Deum, tum in his quæ ad sæculum spectant, fide sua atque experientiâ pepererant: qui quia & græcè & latinè sciebant, ab Jerosolymitanis sacerdotibus, ut confessui tamquam interpretes adessent, invitati fuerant, atque ab iisdem illuc adducti, ipsomet Iohanne conveniente.

Inductus à presbyteris Orosius secessum Bethleemiticum, ut Jerosolymam veniret, reliquit: ingressusque in locum conventûs, jubente episcopo sededit. Verum id eo in convenitu peccatum est, quod notarium, qui quæ gererentur, in tabulas referret, nullum adhibuere. Orosium statim rogarunt universi, *ut si quid super heresi, quam Pelagius & Cælestius contra Dei gratiam seminarant, in Africa gestum esse cognosceret, fideliter ac simpliciter indicaret.* Orosius igitur Cælestium à concilio Carthaginensi damnatum fuisse declaravit; mentionemque libri de natura & gratia, quem hoc tempore commentabatur Augustinus, injecit. Unde intelligas, ab illo hunc ante non multos dies recessisse. Idem addidit, habere se in manibus epistolam, <sup>e</sup> quam nuper in Siciliam miserat sanctus Episcopus; quam & jussus recitare Orosius, paruit.

His actis Johannes Pelagium introduci postulavit: assensum est à confessoribus, tum propter Episcopi venerationem, tum propter refutationem Pelagii, quam pleniorem hinc fore atque utiliorem sperabant. Ingressum Pelagium omnes una voce interrogarunt, easne docuisset opiniones, quas confutasset Augustinus episcopus. Quibus ille confessim respondit in hæc verba: <sup>f</sup> *Et quis est mihi Augustinus? Qua responsione in sanctum hunc episcopum, cuius ore Dominus toti Africæ sanitatem unitatis extincto Donatistarum schismate indulserat, usque adeo injuriosâ, offensi quotquot aderant, cum non è conventu solùm, sed etiam*

<sup>e</sup> Epist. 157. ad Hilar.

<sup>f</sup> Append. pag. 80. c.

# P. R. A. F. A. T. I. O.

ex omni Ecclesia pellendum conclamarunt. Tum verò Johannes, quem extrudere debuisset, eum jussit sedere inter presbyteros, hominem laicum atque insuper in crimine hæreticos deprehensum. Et præterea quò liberiùs injuriam Augustino illatam ipsi ignosceret, eamdem in se recipere professus est : <sup>a</sup> *Augustinus ego sum*, inquit. Cui ab Orosio statim <sup>Append. pag. 80. d.</sup> repositum : *Si Augustini personam sumis, Augustini sequere sententiam.*

His ita gestis sciscitatus est Johannes, an quæ legerentur ex epistola Augustini, Pelagium peterent, an alium quempiam : simulque adjecit, si Pelagius impugnaretur, posse eos, quæ in illo reprehenderentur, declarare. Hic annuentibus reliquis ita Orosius : *Pelagius mihi dixit, dicere se hominem posse esse sine peccato, & mandata Dei facile custodire, si velit.* Ad quæ Pelagius universis audientibus respondit : *Hoc & dixisse me, & dicere, negare non possum.* Tunc Orosius, *Hoc in Cœlestio*, inquit, *Africana synodus detestata est: hoc Augustinus episcopus scriptis suis, sicut audistis, exhorruit; hoc in ipsius nunc Pelagii scriptis sua <sup>b</sup> responsione condemnat: hoc & beatus Hieronymus, cuius eloquium universus Occidens, sicut ros in vellus, exspectat, ( multi enim jam hæretici cum dogmatibus suis ipso oppugnante supplosi sunt, ) in epistola sua, quam nuper ad Ctesiphontem edidit, condemnavit; similiter & in libro quem nunc scribit, collata in modum dialogi altercatione confutat.* Johannes verò auribus ad hæc omnia obturatis, illos inducere conabatur, ut apud se judicem tamquam Jerosolymitanum antistitem, accusandi Pelagii actionem ipsi fusciperent. Cui sæpius ab universis responsum : *Nos accusatores hujus non sumus; sed quid fratres tui, patres nostri, senserint & decreverint super hac hæreti, quam nunc laicus vulgo predicat, intimamus; ne Ecclesiam tuam præsertim, ad cuius finem contulavimus, te ignorante conturbet.* Johannes interea, ut eos ad agendam accusatoris personam pelliceret, instare pergebat, docendi simulatione varia ratiocinia in medium proferens, in quibus quædam esse, quæ ab Origene mutuatus esset, animadvertebant complures. At unum hoc ab illis responsum tulit : *Nos filii Ecclesiæ catholice sumus; non exigas à nobis Pater, ut doctores super doctores esse audeamus, aut judices super judices. Patres quos universa per orbem Ecclesia probat, quorum communioni nos adhærere gaudemus, damnabilia hæc esse dogmata decreverunt: illis probantibus nos obedire dignum est.*

Pluribus adhuc disputare perseveravit Johannes: quid autem disputando dixerit, Orosius non exprimit. Volebat sanè eumdem Orosium, quasi is naturam hominis malam atque peccandi necessitati obnoxiam à Deo conditam esse diceret, perstringere. Idem ille verò antistes, quid coram se in Jerosolymitano conventu non pridem eslet actum, <sup>c</sup> *rogatus in synodo Diopolitana, retulit inter alia, Pelagium acriter hæreticos ea de causa postulatum, quod diceret, quoniam potest homo, si voluerit, esse sine peccato.* Et de hoc, inquit, *interrogantibus nobis eum, respondit: Non dixi, quoniam recepit natura hominis ut impeccabilis sit; sed dixi, quoniam qui voluerit pro propria salute laborare & agonizare, ut non peccet, & ambulet in preceptis Dei, habere eum hanc possibilitatem à Deo.* Prosequitur Johannes: *Tunc quibusdam susurrantibus & dicentibus, quod sine Dei gratia diceret Pelagius posse hominem perfici, id est, esse posse hominem sine peccato; culpans, inquit, super hoc etiam intuli, quia & apostolus Paulus multum laborans, sed non secundum suam virtutem, sed secundum gratiam Dei, dixit, Amplius omnibus illis laboravi, non autem ego, sed gratia Dei mecum &c. & alia multa similia diximus, inquit, de scripturis sanctis.* Cùm autem iis quæ à Johanne dicebantur, nondum sibi satisfactum esse obstrependo significant, tum Pelagius, *Et ego, ait, sic credo: anathema sit, qui dicit absque adjutorio Dei posse hominem ad profectum omnium venire virtutum.* Agnoscit ipsemet <sup>d</sup> Orosius, Pelagium dixisse, posse hominem esse sine peccato, non sine adjutorio Dei. Inde subjunxit episcopum, *si sine adjutorio Dei hoc hominem posse diceret, pessimum & damnabile erat.* Cùmque dehinc sciscitatus fuisset quidnam præterea Pelagio objectarent, anve Dei negarent auxilium; se Orosium illico respondisse, *Anathema ei qui negat adjutorium Dei: ego certè non nego; præcipue cùm è contrario in hæreticos confutarim.*

Orosius latinè loquebatur, Græcè Johannes, sic ut neuter neutrum intelligeret, sed uterque opus haberet interpretis. Porrò qui hasce partes obeundas suscepserat, homo Orosio incognitus, nequaquam officium implebat suum. Enim verò alia alio, quād dicta fuerant, sensu reddebat; alia aliis dictis mutabat, denique nonnulla omittebat: atque ita responses Orosii plerasque omnes aut corrumpebat, aut supprimebat: qua tamen in re peri-

## P R A E F A T I O.

tiam ejus magis Orosius desiderat, quām fidem. Illius autem frustrationes Passerius & Avitus presbyteri, nec non Dominus ex duce animadvertebant. Quapropter cūm interprete tam parum commodo tamque parum æquo judice uti se intelligeret Orosius, pālām professus est, latinum esse hæreticum, se itidem latinum, hæresim denique latinis partibus magis notam ejusdem linguae judicibus reservandam: Johannem minūs idoneum judicem videri, quòd cūm accusatorem ageret nemo, ipsemet se se ad judicandum ingreret. Orosio suffragati complures liberè testati sunt, non posse eumdem & advocatum esse, & judicem. Multis demum ulro citroque actitatis, Johannes ipse pronuntiavit, quosdam ad Innocentium Romanum pontificem cum epistolis destinandos, ut quidquid ille decerneret, universi judicium ejus sequerentur: debere interim Pelagium silentium sibi impositum observare, adversarios autem ab insultatione ejus ceu convicti jam confusique temperare. Hui sententiæ assensere omnes, gratisque Deo redditis, ac pace invicem data, ut eam certiore testimonio confirmarent, orationi se dederunt; solutusque postremo est totus conventus.

Exactis postea quadraginta septem diebus, cūm primo Encæniorum die Orosius de more ad Johannem deducendum venisset, pro amica salutatione exceptus ab illo fuit hisce verbis: *Quare ad me venis, homo qui blasphemasti?* Ad quæ perculsus Orosius, ac nullius criminis sibi conscius, illum rogavit, cujusmodi blasphemiam, quandonam ac quo teste prolatam sibi impingeret. *Ego te, subjunxit Episcopus, audivi dixisse, quia nec cum Dei adjutorio possit esse homo sine peccato.* Hic Orosius presbyterorum aliorumque omnium qui tunc aderant, testem conscientiam appellans, se quidquam umquam dixisse hujusmodi pernegavit. Et certè si verbis istis in Jerosolymitano conventu fuisset usus, nequaquam Johannes commissurus erat, quin eum statim corriperet, ac simul paternè admonereret, ne in posterum orationem adeo periculosam sibi pateretur excidere. Neque ullo pacto erat audiendus, cūm post exactos totos quadraginta septem dies ejus blasphemiae eum accusaret, quam ab illo proferri non aliud quisquam animadverterat: ita ut idem & accusator & judex esset ejus criminis, cuius unicum se testem posset allegare; tametsi homo latine ignarus, dicti latine prolati nequaquam pro teste idoneo habendus esset; nec ei quidquam aliud affimare liceret, nisi ita se ex ore interpretis didicisse. Id quidem, postea forte corruptus, <sup>a</sup> dixisse videtur interpres, ac postulas, ut sibi qui mendacio suo fidem facerent, testes præberent. Paret etiam, testimonio suo criminationem confirmasse Pelagium, quem illa haud dubiè Orosii verba respiciunt: *Conabor exquirere, hi qui ita nos respondisse afferunt, qualiter ipsi interrogasse videantur, &c. Ait enim à nobis esse responsum &c.*

Orosio satis non fuit, contra Johannis criminationem verbis reclamas: sed insuper innocentiam suam stilo propugnare sibi necessarium duxit: gavisusque etiam est, oblatam sibi occasionem impietatis Pelagii in lucem proferendæ; <sup>b</sup> ratus non sine divina providentia factum, ut hæreticorum procacitate malum jam æquo patientius toleratum detegere cogeretur, & simul non errorem modò impugnare, quod haec tenus Aurelio, Augustino, atque Hieronymo sufficere visum fuerat, sed ipsas quoque hæreticorum personas. Enimvero cernebat Pelagium ac Cælestium hæresis suæ virus palam ubique spargere, nec non sacram sedem Ecclesiæ Jerosolymitanæ, in quam irrepserant, usque adeo tenere obsessam, ut potentiae suæ terrore veros fideles, ne ad illam recurrerent, prohibere se posse considerent: se ipsum verò, qui contrà pugnaret, pelli ex Ecclesia, in cuius sinu aleretur fovereturque hæreticus, qui instar Goliath, famulos Dei ad pugnam jam diu provocaret, ignavam eis timiditatem exprobrans. Scriptum itaque in apologiæ formam vulgavit, quod Sacerdotibus, (hoc enim eos titulo *beatissimi Sacerdotes*, numquam non compellat,) inscripsit. Neque nos dubitaverimus, quin intelligendi sint Jerosolymitanæ Ecclesiæ presbyteri, in quibus & hi potissimum, qui colloquio interfuerant. Principio strictim totius colloquii ordinem narrat, ac Johannis accusationem diluit. Hinc occasione arrepta fusiùs sententiam suam explicandi, ac Pelagii, quem persæpe nominat, errorem impetendi, sat longam de impeccantia & de gratiæ adjutorio disputationem instituit, eamque non parum consentaneam menti & scriptis Hieronymi, cum quo de hac re quin contulerit, nulli dubitamus. Faretur quidem illic hominem divinâ gratiâ adjutum vitam agere posse ab omni prorsus peccato puram, verum id nec factum umquam, nec futurum aliquando, contendit; nec enim eum hominis statum esse, in hac scilicet, qua vivit, corruptione.

<sup>a</sup> Append.  
<sup>b</sup> Pag. 82. a.

<sup>a</sup> Pag. 79. b.  
<sup>c</sup> &c.

# P R A E F A T I O.

Augustinus de oborta illa inter Johannem & Orosium discordia non tacet ; <sup>a</sup> & ad <sup>b</sup> <sup>c</sup> <sup>Hic pag.  
versus hunc atque alios quosdam illum antistitem in Diopolitana synodo expostulasse me-  
moriæ prodit. Instante autem ipsa synodo Diopolitana , quonam tunc statu essent res  
Pelagianorum apud Palæstinam , non ex apologetico solo Orosii , sed ex Hieronymi  
quoque adversus eosdem dialogis oportet discere , in quibus videlicet is ad <sup>b</sup> cunctas  
eorum quæstiunculas hoc ipso tempore respondebat.</sup>

Dialogo igitur primo de hoc tractavit Hieronymus , <sup>c</sup> quod à Pelagio scriptum audie-  
rat , Poſſe hominem ſine peccato eſſe , ſi velit , & facilia Dei eſſe precepta . Et id quidem Pe-  
lagius ſic dictum volebat , ut ſubaudiretur , cum Dei gratia : ſed Dei gratiam ad conditio-  
nis referebat beneficium , quia liberi arbitrii conditi ſumus . Nec aliter ad ſingulas res  
quas gerimus , ad eſſe Dei adjutorium conſentiebat , niſi quòd nobis hæc ſemel dati liberi  
arbitrii gratia conſervetur . Præterea exſtitiffe aliquos re ipsa ſine peccato contendebat ,  
ut Job , Zachariam & Elizabeth . Et è Scripturæ locis , quibus præcipitur ut homo non  
peccet , ſitque perfectus , argumentabatur hunc in modum : Aut poſſibilia Deus mandata  
dedit , aut imposſibilia : ſi poſſibilia , in noſtra eſt potestate ea facere ſi volumus ; ſi imposſibilia ,  
nec in hoc rei ſumus , ſi non facimus quod implere non poſsumus . Tandem ſtatuebat , homi-  
nem in hoc etiam corpore exſiſtentem poſſe cunctas habere virtutes . His autem confutatis  
Hieronymus ad examen vocat ſententias aliquot de Pelagi libro , quem ille Capitulorum  
inſcripſerat : quarum & nonnullæ ſimiliter in Orosii apologia perſtrictæ ſunt , & pleræque  
Diopolitanis poſtea judicibus oblatae .

In ſecundo dialogo , qui Pelagianorum personam agit , objectat , invidiam referri ad  
Deum , ſi tales homines condidit , ut oblivione , & ignorantia , & peccato carere non poſſint :  
neque dari poſſe teſtimonium novi Teſtamenti , ubi error , & ignorantia , & imposſibilitas  
mandati teneatur in crime . Nam quod afferri ſoleret ex Apoſtolo , Video aliam legem in  
membris meis &c. ac ſimilia , eum non ex ſua perſona hæc dicere , ſed ex perſona generis  
humani , quæ vitiis ſubjacet ob carniſ fragilitatem , ex perſona peccatoris . Illa quoque Da-  
nielis verba , Peccavimus , iniquè egimus &c. ſic accipienda , ut & Daniel , & omnes pro-  
phetæ , non pro ſe qui ſancti erant , ſed ex perſona populi ſint locuti .

In tertio dialogo contendit rurſum Pelagianista , & naturam accuſari , & culpatum referri ad  
Deum , & liberum arbitrium tolli , niſi fateamur , hominem baptiſmo Christi ſemel iuſtifi-  
catum poſſe in ſempiternum iuſtitiam cuſtodire , ac per hoc omne vitare peccatum . Joviniani  
jam damnatum errorem hīc fufcitar , queritur Hieronymus : qui etiam præfatione admo-  
nuit , illud eſſe Origenis dogma ; Imposſibile eſſe , humanam à principio uſque ad mortem  
non peccare naturam ; & rurſum eſſe poſſible , cùm ſe aliquis ad meliora converterit ,  
ad tantam fortitudinem pervenire , ut ultrà peccare non poſſit . Denique capitula duo ex  
ſcriptis Pelagi ad viduam , Pharisaicæ ſuperbiæ tumorem referentia , perſtinguntur . Atque  
hinc ſenſim ſermo delabitur ad quæſtionem de originali peccato : ſed eam ab Auguſtino egre-  
giè tracṭatam recordatur Hieronymus , ac dialogum claudit in hæc verba : Scripsit dudum  
“ VIR SANCTUS ET ELOQUENS EPISCOPUS AUGUSTINUS ad Marcellinum ,  
“ qui poſtea ſub invidia tyrannidis Heraclianæ ab hæreticis innocens cæſus eſt , duos libros  
“ de infantibus baptizandis contra hærefem veſtram &c. Unde ſuperſedendum huic labori  
“ cenſeo , ne dicatur mihi illud Horatii , In ſilvam ne ligna feras . Aut enim eadem dice-  
“ mus ex ſuperfluo ; aut ſi nova voluerimus dicere , à clarissimo ingenio occupata ſunt me-  
liora .”

Adversarios hīc nominatim appellare <sup>d</sup> noluit , ut ea ratione omnibus probaret , ſe-  
non odiſſe homines , ſed errores ; neque aliquorum infamiam quærere , ſed errantium do-  
lere vicem . Itaque Pelagi nomen à præfatione operis , ubi nunc in excuſis legitur , om-  
nino removendum ; cùm illud nec eo loci habuerit umquam vetus codex noster Cor-  
beiensis . Opus Diopolitanam synodum , cuius in eo nulla fit mentio , exiguo tempore  
præcessit : quando quidem apud conuentum Jerosolymis in fine Julii anni 415. habitum ,  
Orosius Hieronymum eidem conſribendo operi per id temporis incumbere teſta-  
batur .

<sup>b</sup> Hieron.  
prefat. ad  
dialog. ad  
vers. Pelag.  
<sup>c</sup> Append.  
pag. 82. b.  
c. & seq.

P R A E F A T I O.

X. Pelagius ab Herote & Lazaro accusatus perducitur ad Diopolitanæ synodi judicium: illo judicio damnatur Pelagiana hæresis, hæresiarcha ipse Pelagius absolvitur.

JOHANNIS Jerosolymitani adversus Orosium criminatio, sicut & ipsius Orosii apolo<sup>a</sup>gia, qua is episcopum illum verbis tractabat asperioribus, nec non<sup>a</sup> societatem cum Pelagio, nisi resipisceret, habere se nolle renuntiabat, nequaquam poterant eas turbas non excitare, quibus quidquid pactum decretumque in conventu Jerosolymitano fuerat, de silentio videlicet atque induciis utrinque servandis, quoad Romanus pontifex causam dijudicasset, convelleretur. Nihil igitur mirum, si Pelagium hæresis nomine apud Palestinos antistites haud ita multo post denuntiatum reperiamus. Ejus accusatores fuerunt Heros & Lazarus, Galli episcopi, hic Aquensis, Arelatensis ille, sed suis tunc sedibus pariter pulsi. Hos Zosimus papa, quo tempore Pelagii ac Cælestii contra eosdem calumniis fallendum se se præbebat, durissimè prorsus habuit. At Prosper in chronicō ad annum 412. Herotem virum sanctum appellat, B. Martini discipulum, qui, ait, cùm Arelatensi oppido episcopus præsideret, à populo ipsius civitatis, insons, & nullis insimulationibus obnoxius, pulsus est. Ex ipso autem socium ejus Lazarum, cuius remansit obscurior memoria, discere nos oportere dicit<sup>b</sup> Baronius: quia quos calumnia par involvit, eosdem decorasse æqualem virtutem putandum sit; cùm non nisi bonos confueverint odiisse mali, & hæretici vexasse catholicos. Eosdem sanè Augustinus<sup>c</sup> sanctos fratres & coepiscopos, ac rursum alio<sup>d</sup> loco bonos fratres vocat. Et fatetur quidem aliquam<sup>e</sup> de illis apud Diopolitanum concilium habitam à Johanne Jerosolymitano querimoniam: sed illam ad eorum præjudicium nihil valere, neque ullius momenti visam esse patribus concilii, defendit.

<sup>f</sup> Epist. 175. Idem à præsulibus concilii Carthaginensis<sup>f</sup> sancti fratres & consacerdotes nominantur.  
<sup>g</sup> Hic pag. 217. inter Aug. n. 1. Quid porrò in caussa fuerit, cur illi duo Galli episcopi anno 415. versarentur in Palæstina, curve tam acriter in Pelagium insurgerent, ignoramus: nisi quod scribit Augustinus,  
<sup>h</sup> eos perversâ doctrinâ, quam ejus in disputationibus deprehenderant, offensos fuisse. Errores illi in libellum retulerunt, ex Pelagii & Cælestii libris collectos, sed redactos tamen, <sup>b</sup> ut fatebantur, in compendium, eo quod locos integros excerpere sibi non licuisset. His adjecere tum eos articulos, quorum caussâ damnatus à concilio Carthaginensi fuerat Cælestius, tum etiam illos quos Hilarius è Sicilia ad Augustinum miserat. Scriptum  
<sup>i</sup> Pag. 192. idiomate<sup>i</sup> latino huncce libellum obtulere<sup>k</sup> Eulogio, quem antistitem aliis tredecim.  
<sup>j</sup> Pag. 196. Diopolitanæ synodi episcopis, ipsimet etiam Johanni Jerosolymitano semper præponit Augustinus. Atque inde est, quod episcopus Cæsareæ ac totius provinciæ Palæstinæ metropolitanus fuisse meritò censeatur. Res ad concilium *Palæstimum*, quo id nomine Augustinus vocitat, delata est: quin verò idem concilium fuerit, quod apud Diopolim urbem Palæstinæ, in Scripturis<sup>l</sup> Lyddæ vocabulo cognitam, habitum esse<sup>m</sup> scribit Hieronymus, nemo ambigit. Docet revelationis reliquiarum Stephani martyris historia, quo tempore illæ reiectæ sunt, nimirum circiter diem 20. Decembris anni 415. Johannem ejus rei nuntium Lyddæ<sup>n</sup> seu Diopoli, ubi concilio intererat, accepisse. Idem enim 18. die nondum ad concilium profectus adhuc erat Jerosolymis, quod memorata beati Protomartyris ossa die 25. vel 26. (najm variant codicum lectiones) transtulit. Quapropter commodiùs quām vi-

gesimo vel circiter assignari concilium non potest.  
<sup>o</sup> Hic autem præsentes fuere episcopi quatuordecim, videlicet<sup>o</sup> Eulogius, Johannes, Ammonianus, Porphyrius, Eutonius, Porphyrius alius, Fidus, Zoninus, Zoboennus, Nymphephius, Chromatius, Jovinus, Eleutherius, & Clematius. Quin Eulogius ac Johannes, alter Cæsareæ, alter Jerosolymis, sederint, non dubitatur. Autumant similiter è Porphyriis duobus alterutrum celebrēm illum Gazæ antistitem esse, qui anno tantum 420. diem obiit. In historia prædictæ translationis legere est, Johannem ad eam peragendam assumisse secum alios duos episcopos, Eutonium seu Hestonium Sebastensem, & Eleutherium Jerichontinum. Ephesinæ synodo adfuit Fidus episcopus Joppensis. Jovinum autem illum credere forsitan liceat, quem Palladius ante annum 420. ad Ascalonis episcopatum cooptatum fuisse tradit. Nec etiam alius forte Zoboennus fuit ab illo hujus nominis, qui dicitur apud Sozomenum Eleutheropolis antistes, quique Turboni, à quo circiter annum 386. sedes istius loci tenebatur, potuit succedere.

<sup>a</sup> Orof. in fine apolog. <sup>b</sup> Bar. ad an. 417. <sup>c</sup> Hic pag. 191. d. <sup>d</sup> Pag. 219. <sup>e</sup> Pag. 213. <sup>f</sup> Epist. 175. <sup>g</sup> Hic pag. 219. b. <sup>h</sup> Pag. 207. c. d. <sup>i</sup> Pag. 192. <sup>j</sup> Pag. 196. <sup>k</sup> Epist. 102. <sup>l</sup> Lucian. de revelat. <sup>m</sup> Steph. in append. tom. 7. <sup>n</sup> Hic pag. 307. f. 5. 7. <sup>o</sup> Epist. 102. <sup>p</sup> inter Aug. n. 2.

# P R A E F A T I O.

Pelagius præsentem se concilio stitit : Heros autem ac Lazarus eò venire ,<sup>a</sup> propter <sup>Hic pag.</sup>  
 gravem alterius ægritudinem , non potuerunt. Aberat similiter Orosius : nec omnino quis-<sup>191. d.</sup>  
 quam aderat , qui partes actoris obiret in Pelagium , ut & pravum ejus sensum aperiret ,  
 & eum ad explicandam mentem adigeret , ac demum si quid esset in ejus doctrina am-  
 biguitatis , distingueret. Id sanè mirum videatur , nec sine occulta quadam conspiratione  
 factum , quam tametsi Augustinus ignorare non potuerit , tamen memoriæ tradendam  
 non putavit. Vidimus certè quām infensum se adversariis Pelagii declaraverit Jerosolymæ  
 civitatis episcopus : quod quidem & eventus funestos , uti videbimus , peperit , & in ipsa  
 quoque synodo jam erupit. Johannes enim ab episcopis rogatus ,<sup>b</sup> ea quæ præsente se in  
 conventu Jerosolymitano gesta fuerant exponeret ; orationem , quæ ex parte ab Augusti-<sup>• Pag. 212.  
f. 213. d.</sup>  
 no refertur , habuit , qua non modò Christi gratiam admitti à Pelagio contendebat , ve-  
 rūm etiam in Herotem & Lazarum , in Orosium , & in quosdam alios invehebatur.

Pelagius verò Johannis præsidio & favore non contentus , ut existimationem suam apud  
 judices amplificaret , complures sanctissimos viros sibi junctos amicitia jactitavit , multas-  
 que <sup>c</sup> antistitum , à quibus eximiè prædicabatur , protulit epistolas. Harum nonnullas cu-<sup>• Pag. 218.  
b.</sup>

Atqui tandem aliquando necesse fuit legi libellum , in quo Heros & Lazarus sententias  
 Pelagii perscripsérant. Interpretis operâ utebantur judices <sup>d</sup> latinæ dictionis ignari : at Pe-<sup>• Pag. 193. c.</sup>  
 lagius ad sibi objecta responsiones <sup>e</sup> eloquio græco reddebat. In his quæ de libello reci-<sup>• Pag. 194.  
b.</sup>  
 tata sunt , & objecta Pelagio , illud est primum ,<sup>f</sup> quod in libro suo <sup>g</sup> quodam scribit ,<sup>f Pag. 192.  
a.</sup>  
*Non posse esse sine peccato , nisi qui legis scientiam habuerit.* Quo recitato Synodus dixit :  
*Tu hoc edidisti , Pelagi ?* At ille respondit : *Ego quidem dixi , sed non sicut illi intelligunt :*  
*non dixi , non posse peccare , qui scientiam legis habuerit ; sed adjuvari per legis scientiam ad* <sup>• pag. 84. a.b.</sup>  
*non peccandum , sicut scriptum est , Legem in adjutorium dedit illis.* Hoc audito Synodus di-  
 xit : *Non sunt aliena ab Ecclesia , quæ dicta sunt à Pelagio.*

Adjecit episcopal Synodus , & ait ,<sup>h</sup> *Legatur & aliud capitulum.* Et lectum est in <sup>h Hic pag.</sup>  
 eodem libro suo posuisse Pelagium , Omnes voluntate propria regi. Quo lecto Pelagius res-<sup>194. b.</sup>  
 pondit : *Et hoc dixi propter liberum arbitrium , cui Deus adjutor est eligenti bona ; homo ve-  
 rò peccans , ipse in culpa est , quasi liberi arbitrii.* Quo audito episcopi dixerunt : *Neque hoc  
 alienum est ab ecclesiastica doctrina.*

Item recitatum est ,<sup>i</sup> quod in libro suo Pelagius posuit , *In die judicii iniquis & pec-<sup>i Pag. 196.</sup>*  
 catoribus non esse parcendum , sed aeternis eos ignibus exurendos. Respondit Pelagius : *Hoc*<sup>a</sup>  
*secundum Evangelium dixi , ubi dicitur de peccatoribus , Illi ibunt in supplicium aeternum ,*  
*justi autem in vitam aeternam : & si quis aliter credit , Origenista est.* Synodus dixit : *Alienum*  
*non est ab Ecclesia.*

Objectum est & illud Pelagio ,<sup>k</sup> tamquam in suo libro scripsérit , *Malum nec in cogi-<sup>k Pag. 197.  
tationem venire.</sup>* Respondit : *Hoc non ita posuimus ; sed diximus , debere studere Christianum ,*  
*ne male cogitet.* Episcopi approbarunt.

Recitatum est & aliud ,<sup>l</sup> quod in suo libello scripsit , *Regnum celorum etiam in veteri* <sup>l Pag. 198.  
c.</sup>  
*Testamento promissum.* Ad quod Pelagius : *Hoc & per Scripturas probari possibile est ; hære-*  
*tici autem in injuriam ceteris Testamenti hoc negant. Ego vero Scripturarum auctoritatem*  
*secutus dixi , quoniam in propheta Daniele scriptum est , Et accipient sancti regnum Altissimi .*  
 Qua ejus accepta response , Synodus dixit : *Neque hoc alienum est à fide ecclesiastica.*

Post hæc objectum est ,<sup>m</sup> quod Pelagius in eodem libro scripsit suo , *Posse hominem ,* <sup>m Pag. 200.  
b.</sup>  
*si velit , esse sine peccato : & quod scribens ad viduam adulatoriè dixerit : Inveniat apud te*  
*pietas , quæ nusquam invenit , locum : inveniat ubique peregrina in te sedem justitia : veritas*  
*quam jam nemo cognoscit , domestica tibi & amica fiat : & lex Dei quæ ab omnibus propè*  
*hominibus contemnitur , à te sola honoretur.* Et iterum ad ipsam : *O te felicem & beatam ,*  
*si justitia , quæ in cælo tantum esse credenda est , apud te solam inveniatur in terris.* Et in  
 alio ad ipsam libro , post orationem Domini & Salvatoris nostri , docens quemadmodum  
 debeant sancti orare , ait : *Ille ad Deum dignè elevat manus , ille orationem bonâ conscienc-  
 tiâ effundit , qui potest dicere , Tu nosti , Domine , quām sanctæ & innocentes & mundæ sint*  
*ab omni molestia & iniurie & rapina , quas ad te extendeo manus ; quemadmodum justa*  
*& munda labia , & ab omni mendacio libera , quibus offero tibi deprecationem , ut mihi*  
*miserearis.* Ad hoc Pelagius respondens ait : *Posse quidem hominem sine peccato esse & Dei*

# P R Æ F A T I O.

*mandata custodire, si velit, diximus; hanc enim possibilitatem Deus illi dedit: non autem diximus, quod inveniatur aliquis ab infantia usque ad senectam qui numquam peccaverit; sed quoniam à peccatis conversus, proprio labore & Dei gratiâ possit esse sine peccato; nec per hoc tamen in posterum inconversibilis. Reliqua verò quæ subjecerunt, neque in libris nostris sunt, neque talia umquam diximus. His auditis Synodus dixit: Quoniam negas te talia scripsisse, anathematizas illos qui sic tenent? Pelagius respondit: Anathematizo quasi stultos, non quasi hæreticos; si quidem non est dogma. Deinde judicaverunt episcopi dicentes: Nunc quoniam propria voce anathematizavit Pelagius incertum stultiloquium, rectè respondens, hominem cum adjutorio Dei & gratia posse esse sine peccato, respondeat & ad alia capitula.*

<sup>a</sup> <sup>Pag. 204.</sup> *Tum objecta sunt Pelagio, <sup>c.</sup> quæ in doctrina Cælestii discipuli ejus referuntur inventa. Adam mortalem factum, qui sive peccaret, sive non peccaret, moriturus esset. Quoniam peccatum Adæ ipsum solum laeserit, & non genus humanum. Quoniam Lex sic mittit ad regnum, quemadmodum Evangelium. Quoniam ante adventum Christi fuerunt homines sine peccato. Quoniam infantes nuper nati in illo statu sunt, in quo Adam fuit ante prævaricationem. Quoniam neque per mortem vel prævaricationem Adæ omne genus hominum moriatur, neque per resurrectionem Christi omne genus hominum resurgat. Hæc ita objecta sunt, ut etiam apud Carthaginem ab Aurelio & ab aliis cum ipso episcopis dicerentur audita atque damnata. Deinde objecta & alia quædam capitula, commemoratione nominis Augustini interpositâ, quæ ipsi de Sicilia missa fuerant, cùm ibi fratres catholici hujusmodi quæstionibus turbarentur, quibus per librum ad Hilarium scriptum idem ipse responderat. Ista sunt autem: Posse hominem sine peccato, si velit, esse. Infantes, et si non baptizentur, habere vitam æternam. Divites baptizatos, nisi omnibus abrenuntient, si quid boni visi fuerint facere, non reputari illis, neque regnum Dei posse eos habere. Ad hæc sibi objecta Pelagius ita respondit: De posse quidem hominem sine peccato esse, dictum est superius: de eo autem quod fuerint ante adventum Domini homines sine peccato, dicimus & nos, quoniam ante adventum Christi vixerunt quidam sanctè & justè, secundum scripturarum sanctorum traditionem. Reliqua verò & secundum ipsorum testimonium à me dicta non sunt, pro quibus ego satisfacere non debeo: sed tamen ad satisfactionem sanctæ synodi, anathematizo illos qui sic tenent, aut aliquando tenuerunt. Post hanc ejus responsionem Synodus dixit: Ad hæc predicta capitula sufficienter & rectè satisfecit præsens Pelagius, anathematizans ea quæ non erant ejus.*

<sup>b</sup> <sup>Pag. 206.</sup> *Objectum est Pelagio, <sup>c.</sup> quod diceret, Ecclesiam hic esse sine macula & ruga. Ad hoc respondit: Dictum est à nobis, sed ita, quoniam lavacro ab omni macula & ruga purgatur Ecclesia, quam velit ita Dominus permanere. Ad quod Synodus dixit: Hoc & nobis placet.*

<sup>c</sup> <sup>Pag. 207.</sup> *Deinde objecta sunt de libro Cælestii, <sup>d.</sup> quid in unoquoque capitulo contineatur, magis secundum sensum, quam secundum verba: quæ quidem ille latius exsequitur; sed tunc subjicere omnia, qui libellum adversus Pelagium dederunt, se non potuisse dixerunt. Ergo in primo capitulo libri Cælestii hoc scriptum esse posuerunt: Quoniam plus facimus, quam in Lege & Evangelio jussum est. Ad quod Pelagius respondit: Hoc quasi nostrum posuerunt; dictum est verò à nobis secundum Apostolum de virginitate, de qua Paulus dicit, Præceptum Domini non habeo. Synodus dixit: Hoc & Ecclesia recipit.*

<sup>a</sup> <sup>Pag. 208.</sup> *Hinc objiciuntur Pelagio alia Cælestii capitula capitalia. In tertio capitulo <sup>d</sup> scripsisse Cælestium: Gratiam Dei & adjutorium non ad singulos actus dari, sed in libero arbitrio esse, vel in lege ac doctrina. Et iterum, Dei gratiam secundum merita nostra dari; quia si peccatoribus illam det, videtur esse iniquus: & his verbis intulisse, Propterea & ipsa gratia in mea voluntate posita est, sive dignus fuerim, sive indignus. Si enim per gratiam omnia facimus; quando vincimur à peccato, non nos vincimur, sed Dei gratia, que voluit nos adjuvare omni modo, & non potuit. Et iterum ait: Si gratia Dei est, quando vincimus peccata; ergo ipsa est in culpa, quando à peccato vincimur, quia omnino custodire nos aut non potuit, aut noluit. Ad ista Pelagius respondit: Hæc utrum Cælestii sint, ipsi viderint qui dicunt ea Cælestii esse; ego verò numquam sic tenui, sed anathematizo qui sic tenet. Synodus dixit: Recipit te sancta Synodus ita verba reproba condamnantem.*

<sup>e</sup> <sup>Pag. 209.</sup> *Cùm de quinto capitulo libri Cælestii Pelagio fuisset objectum, <sup>c.</sup> quod affirment, unumquemque hominem omnes virtutes posse habere & gratias; & auferant diversitatem gratiarum, quam Apostolus docet: Pelagius respondit, Dictum est à nobis, sed malignè & imperitè reprehenderunt:*

# P R Æ F A T I O.

reprehenderunt: non enim auferimus gratiarum diversitatem; sed dicimus donare Deum ei, qui fuerit dignus accipere, omnes gratias, sicut Paulo apostolo donavit. Ad hoc Synodus dixit: Consequenter & ecclesiastico sensu & ipse sensisti de dono gratiarum, quæ in sancto Apostolo continentur.

In sexto capitulo Cælestii libri positum <sup>a</sup> objectum est, *Filios Dei non posse vocari, nisi omni modo absque peccato fuerint effecti.* Unde secundum ipsum dictum est, neque apostolum Paulum esse filium Dei, qui dixit, Non quod jam acceperim, aut quod jam perfectus sim. In septimo capitulo, *Oblivionem & ignorantiam non subiacere peccato, quoniam non secundum voluntatem eveniunt, sed secundum necessitatem.* In decimo capitulo, *Non esse liberum arbitrium, si Dei indigeat auxilio; quoniam in propria voluntate habet unusquisque aut facere aliquid, aut non facere.* In duodecimo capitulo, *Victoriam nostram non ex Dei esse adjutorio, sed ex libero arbitrio.* Quod inferre dictus est his verbis: *Nostra est victoria, quoniam propriâ voluntate arma suscepimus; sicut è contrario nostrum est, quando vincimur, quoniam armari propriâ voluntate contemsimus.* Et de apostolo Petro posuit testimonium, *divinæ nos esse consortes naturæ.* Et syllogismum facere dicitur: *Quoniam si anima non potest esse sine peccato, ergo & Deus subjet peccato, cuius pars, hoc est, anima, peccato obnoxia est.* In tertio-decimo capitulo dicit: *Quoniam pænitentibus venia non datur secundum gratiam & misericordiam Dei, sed secundum merita & laborem eorum, qui per pænitentiam digni fuerint misericordiâ.* His recitatis Synodus dixit: *Quid ad hæc quæ lecta sunt capitula dicit præsens Pelagius monachus? Hoc enim reprobat sancta Synodus, & sancta Dei catholica Ecclesia.* Pelagius respondit: Iterum dico, quia hæc & secundum ipsorum testimonium non sunt mea; pro quibus, ut dixi, satisfactionem non debeo: quæ verò mea esse confessus sum, hæc recta esse affirmo: quæ autem dixi non esse mea, secundum judicium sanctæ Ecclesiæ reprobo, anathema dicens omni contravenienti & contradicenti sanctæ catholice Ecclesiæ doctrinis. Ego enim in unius substantiæ Trinitatem credo, & omnia secundum doctrinam sanctæ catholice Ecclesiæ: si quis verò aliena ab hac sapit, anathema sit.

Synodus <sup>b</sup> dixit: Nunc quoniam satisfactum est nobis prosecutionibus præsentis Pelagii <sup>b</sup> pag. 215. monachi, qui quidem piis doctrinis consentit, contraria verò Ecclesiæ fidei reprobant & anathematizant, communionis ecclesiasticæ eum esse & catholice confitemur.

Atque hoc pacto terminatus est ille conventus: quem Hieronymus <sup>c</sup> miserabilem sy- <sup>c Epist. 202. inter Aug.</sup>  
nodum Diopolitanam vocat, in ea procul dubio nihil aliud considerans, nisi offenditionem <sup>n. 2.</sup>  
bene multorum ex imperitoribus, qui rem ipsam penitus cùm penetrare non valerent,  
hoc unum erant observaturi, eum scilicet qui hæreseos postulatus fuerat, ab orientalibus  
episcopis pro catholicismo admissum. Et re ipsa non sibi defuit Pelagius, quin inde partibus  
suis commodum atque auctoritatem accenseret, <sup>d</sup> opiniones suas episcopis quatuordecim <sup>d Hic pag. 219. c.</sup>  
approbatas prædicaret, demum adversarios suos jactitaret pudore suffusos. Attamen id non  
prohibuit, quo minus de hoc concilio numquam non in meliorem partem Augustinus ju-  
dicaverit. Patres synodi <sup>e</sup> pios appellat judices & catholicos; qui numquam Pelagium, nisi <sup>e</sup> pag. 194.  
damnasset errores suos, insontem declarassent. Quocirca <sup>f</sup> ipso quidem, quantum ad con- <sup>f</sup> pag. 223.  
spectum hominum adtinet, velut absoluto hæresiarchâ, omnia tamen illa dogmata qui- <sup>b</sup> & 549. a.  
bus hæresis proserpebat, damnata palam fuisse afferit. Hinc <sup>g</sup> quatuordecim illos antistites <sup>g</sup> pag. 507.  
contra Julianum doctrinæ catholicæ testes citat. Addit præterea, Pelagianam hæresim <sup>f</sup>.  
tunc <sup>h</sup> Pelagii linguâ, tamquam prostrati gladio detruncatam omnino cecidisse, quando <sup>h</sup> pag. 554.  
eam ipse suæ damnationis timore damnavit: & illum <sup>i</sup> absolutionem suam fallendo fura- <sup>d.</sup>  
rum esse; aut verius, <sup>k</sup> nequaquam absolutum Pelagium, sed id quod ore tenere se profes- <sup>i</sup> pag. 259. f.  
sus est. Innocentius papa illius concilii judicium <sup>l</sup> neque culpare, neque rursum approba- <sup>k</sup> pag. 260.  
re se posse, declaravit. Prosper verò de eo <sup>m</sup> non aliter atque Augustinus loquitur: idem <sup>f. & tom. 5.</sup>  
tamen agnoscit exhibitam Pelagio indulgentiam, quæ justos limites non nihil excedere <sup>pag. 1511. d.</sup>  
videretur.

P R A F A T I O.

XI. Pelagius hæresis suæ post Diospolitanam synodum retinensis, varias scriptiones anno 416. per vulgat. Eamdem hæresim adversus Augustini & Hieronymi dissertationes tutatur Theodorus Mopsuestenus. Pelagiani cuiusdam Romæ blasphemia.

Quantumlibet adjumentum speraret Pelagius sibi accessurum ex Diospolitano judicio; tamen ejus acta, quæ publica fieri ejus <sup>a</sup> intererat, si quidem illis verè purgatus fuisset, in lucem edere, atque ad Romanum pontificem aliosque primarios antistites transmittere adeo non maturavit, ut etiam, quoad potuit, <sup>b</sup> ne vulgarentur, moram injecerit. Eorumdem publicationem prævertit epistolâ vanitatis plenissimâ, quam paßim disseminari omni studio curabat. Hac jaetitabat inter alia, id quod dixerat, <sup>c</sup> Posse hominem sine peccato esse, & Dei mandata facile custodire, si velit, quatuordecim episcoporum sententiâ comprobatum: Quæ sententia, inquiebat ille, contradictionis os confusione perfudit, & omnem in malum conspirantem societatem ab invicem separavit. Sicque divinâ gratiâ, quam in Synodo confiteri coactus fuerat, silentio prætermissâ, restabat, ut sola gloriaretur velut victrix humana superbia. Addebat hîc & vocem istam, <sup>d</sup> facile; cuius mentione nulla in Synodi gestis: quippe nescimus quo pacto contigerat, ut eam, et si Pelagii maximè illa esset, suo in libello Heros & Lazarus prorsus omittent. Et certè quidquid super ea quæstione in Synodo dictum fuerat, id omnino repugnabat fictitiæ isti facilitati, immo & eam verbis conceptis excludebat. Rescribebat hac epistolâ Pelagius cuidam presbytero ex amicis, à quo benignè admonitus fuerat, caveret ne quis per ejus occasionem se se à corpore Ecclesiæ separaret.

<sup>e</sup> Pag. 191. Chartulam <sup>e</sup> quoque tunc per vulgavit apologeticam, in qua scilicet gestorum Palæstino-  
<sup>a. 221. c.</sup> rum auctoritate pro defensione contra adversarios utebatur. Illic enim <sup>f</sup> ad Gallorum epi-  
<sup>g</sup> Epist. 179. scoporum se objecta respondisse, seque omnino purgatum esse venditabat. At gestorum ve-  
<sup>n. 7.</sup> ritatem ab eo in quibusdam obscuratam & corruptam fuisse, <sup>g</sup> Augustinus demonstrat. Pe-  
<sup>h</sup> Hic pag. 222. lagius ipsi Augustino per Charum quemdam, civem quidem Hipponeensem, Orientalem  
<sup>i</sup> Pag. 191. autem diaconum, memoratam defensionis suæ chartulam misit, nullis <sup>h</sup> adjunctis tamen ad ipsum litteris. Quocirca sapientissimus antistes, cùm animi sui in illius purgationem cogitata  
<sup>a.</sup> scripto explicare peroptaret, quippe qui statim judicavit, Pelagium, eo tantum quod suis responsis orthodoxas opiniones præ se tulisset, à Palæstina synodo absolutum; id tamen ex-  
<sup>j</sup> Epist. 177. sequi auctoritate scriptionis, quæ vel negari poterat, vel ab autographo discrepans inveniri, non est ausus. Pelagii scriptionem illam idem Augustinus in <sup>i</sup> litteris Innocentio pa-  
<sup>n. 15.</sup> pæ hoc anno 416. directis, simulque epistolam ad Pelagium (quæ hactenus desideratur) à se hac occasione scriptam commemorat.

His etiam temporibus suos de libero arbitrio libros Pelagius in lucem emisit. Quippe  
<sup>k</sup> Epist. 186. illos composuit <sup>k</sup> post Diospolitanam synodum, <sup>l</sup> de cuius gestis gloriabatur in iisdem libris;  
<sup>n. 34.</sup>  
<sup>l</sup> Hic pag. 259. f. & non multo ante epistolam, quam idem sub anni 417. exordium ad Romanum pontifi-  
<sup>m</sup> Pag. 248. cem Innocentium scripsit. In illa prædictum opus, tamquam certum fidei suæ testimonium laudabat. <sup>m</sup> Legant etiam, inquiebat ipse, recens meum opusculum, quod pro libero nuper arbitrio edere compulsi sumus; & agnoscent quām inique nos negatione gratiae infamare ge-  
<sup>n</sup> stierint, qui per totum penè ipsius textum operis perfectè atque integrè & liberum arbitrium confitemur & gratiam. Verumtamen liquidò apparebat, nihil eum aliud sentire de gratiæ auxilio, quām id quod in Palæstino concilio damnasse videbatur: quemadmodum Au-  
<sup>o</sup> Pag. 232. gustinus ostendit allatis indidem variis locis, quorum uno quodam <sup>n</sup> totum dogma Pe-  
<sup>o</sup> Pag. 248. lagii omnino diligenter expressum continetur. Quidquid verò ibi <sup>o</sup> pro gratia videbatur dicere, id omne ad naturam & legem referri nullo negotio poterat: ita ut ipsas quoque orationes ad nihil aliud adhibendas opinaretur, nisi ut nobis doctrina divinâ revelatione aperiatur, non ut adjuvetur mens hominis, ut id quod faciendum esse didicerit, etiam dilectione & actione perficiat. Et existimari poterat, auxilium gratiæ tamquam ex abundanti concedi <sup>p</sup> velle, cùm illic ideo dari hominibus diceret, ut quod facere per liberum ju-  
<sup>p</sup> Epist. 186. <sup>n. 35.</sup> bentur arbitrium, facilius possint implere per gratiam.

# P R A E F A T I O.

Opus hoc Pelagius partitus fuerat<sup>a</sup> in quatuor libros, quorum editione occurrebat dia-  
logis Hieronymi. Nam de his dialogis ad Augustinum Julianus :<sup>b</sup> De quo opere, inquit, tu  
dicis, Pelagium Scripturarum ab eo oppressum molibus, arbitrium liberum vindicare non posse:  
verum illi operi à catholico viro, qui pulsatus fuerat, obviatum est. At Hieronymus episto-  
lam suam, eam forte quæ ad Ctesiphontem est, iisdem libris petitam à Pelagio dicit:  
<sup>c</sup> Tamen multum egimus, ut dum epistolæ meæ respondere conatur, apertius se proderet, &  
blasphemias suas omnibus patefaceret. Additque, Quidquid enim in illa miserabili synodo  
Diospolitana, dixisse se, denegat, in hoc opere profitetur. Ubi jam eos libros, quorum au-  
torem cum Pelagio Anianum superiùs indicaverat, illi magis qui res & cogitata sua blas-  
phemâ, quām huic qui stilum & verborum suorum nārias, ad eos conficiendos contulif-  
set, merito jure adsignat. De ipsis Pelagii libris constat Augustinum, <sup>d</sup> nisi post accepta  
synodi Diospolitanæ gesta, nihil comperisse: sed eosdem tamen ad Augustinum <sup>e</sup> priùs,  
& posteriùs ad Hieronymum pervenisse liquet.

Horum porrò SS. Doctorum contra Pelagianam hæresim opuscula non ita longo pōst  
tempore vidit Theodorus Mopsuestiæ in Cilicia episcopus, cui nimirum ejusdem hæresis  
<sup>f</sup> progenitori aut magistro inter ceteros præcipuo Pelagiani collabentium rerum suarum  
statum denunciare haud dubiè maturarunt. Iste igitur ut laboranti hæresi subsidio veniret,  
libros <sup>g</sup> quinque adversus originalis peccati assertores condidit. Ibi hujus doctrinæ auctorem  
ex Occidente oriundum, sed in Oriente tum versantem, libros de recens ab se excogita-  
ta hæresi (sic enim ipse loquitur) compositos emisisse narrat, ab eoque integras Eccle-  
sias iisdem illius opinionibus imbutas. Haram hunc à Theodoro appellari, apud Photium  
legimus, corrupto scilicet nomine Hieronymi, in quem unum referri valent adjunctæ  
ibidem contra fictitiæ illius hæreos auctorem calumniæ: alia scilicet de conficto per  
eum <sup>h</sup> quinto Evangelio; quia is Evangelii cujusdam Nazarænis usitati meminerat in  
dialogorum opere: alia de rejecta veteris Testamenti versione Septuaginta interpretum,  
ab eo qui Hebraicæ linguæ minimè à puero assuetus, neque aliis ad discendum Scriptu-  
rarum sensum magistris nisi Hebræis quibusdam abjectæ sortis usus, propriam sibi editio-  
nem cedere aggressus esset.

*Sectæ vero illius*, ait ex Theodoro Photius, summa capita hæc ferè sunt: Homines naturā,  
non voluntate peccare: naturā, inquam, non eā quā præditus ab initio conditusque est Adam;  
eam enim bonam & bonum Dei opus esse asserunt, sed eā quam post peccatum adeptus fit,  
quando per prævaricationem atque peccatum, malam pro bona, mortalemque pro immortali  
commutavit. Hac quippe ratione naturā quoque improbos effectos, &c. Alterum deinde caput  
ex illo deductum, Infantes, tametsi recens natos, peccati immunes non esse, cūm ob Ada prævari-  
cationem natura in peccatis constituta ad omnes ejus posteros peccatrix, ut ipsi loquuntur,  
natura propagetur. .... Sanctum ad hæc baptisma sacrique corporis communionem in peccatorum  
remissionem etiam ipsis infantibus collata hæc præbere, &c. Neminem preterea mortalium esse  
justum. Quartum, ne Christum quidem Deum, assumtā nimirum peccatis infectā naturā,  
sceleris purum esse &c. Quintum, Matrimonium vel certè congrediendi cupiditatem, & se-  
minis missionem, omniaque similia, quibus successione genus humanum propagatur, asserunt  
esse opera perverse naturæ, in quam per peccatum lapsus Adam, naturæ mox vitio malorum  
omnium examen in se suscepit. Quinti hujus capituli calumniam ipsene Theodorus pri-  
mus commentus fuerit, haud facile dixerimus: eam Augustinus cūm postea audisset Pe-  
lagianos intentare catholicis, ab his depellendam suscepit opere de nuptiis & concu-  
piscentiâ. Alteram similiter quarti capituli non semel <sup>i</sup> in suis contra Julianum libris di-  
luere compulsus est.

Aliquot ex ipsis Theodori libris excerpta cūm afferret Mercator, hoc titulo primum  
prænotavit: Theodori Mopsuesteni episcopi de secundo codice libri quarti, folio decimo, contra  
sanctum Augustinum defendantem originale peccatum, & Adam per transgressionem morta-  
lem factum catholicè differentem.

Haud multo post vulgatam synodi Diospolitana famam eum Augustinus Sermonem  
habuit, cuius in fragmento, quod etiamnum supereft, de Pelagii absolutione differit  
in hæc verba: <sup>k</sup> Illum nemo dicat abſolutum esse ab episcopis: abſoluta est, sed confes-  
ſio, quasi correctio ipsa est abſoluta; quia ea quæ dixit ante episcopos, catholica vide-  
bantur; quæ autem scripsit in libris suis, episcopi qui absolverunt, nescierunt: & forſi-  
<sup>“</sup> In Tom. 5.  
<sup>“</sup> pag. 1511.  
<sup>“</sup> d.

# P R A E F A T I O.

„ tan correctus est ; desperare enim de homine non debemus , qui fortè fidei catholicæ adjungi maluit , & ad ejus gratiam auxiliumque confugit ; fortè hoc factum sit : tamen non hæresis est absoluta , sed homo hæresim negans. Ex quibus verbis sat manifestò cognoscitur , neque Augustino visos adhuc esse libros illius de libero arbitrio , neque à Zósimo in gratiam sive in condemnationem ejusdem Pelagii scriptum ; quin immo nec ab ipso Innocentio hac de re quidquam pronuntiatum.

<sup>a Tom. 5.  
b pag. 1509.</sup> Narrat sanctus <sup>a</sup> Doctor eodem loco , Urbanum , qui ex presbytero ecclesiæ illius , in qua tum ipse verba faciebat , fortasse Hipponensis , Siccensium consecratus fuerat episcopus , Romæ cum Pelagiano quodam disputasse ; cùmque illum vi Dominicæ orationis urgeret , nos Deo ne nos in temptationem inferat , incassum supplicare demonstrans , si quidem in potestate sit nostra , non peccare , & omnes peccatorum temptationes solis voluntatis nostræ viribus superare ; respondisse ad hoc Pelagianum : *Rogamus Deum ne nos inferat in temptationem , ne aliquid mali patiamur , quod non habemus in potestate ; ne ruam de equo , & ne frangam pedem , ne latro me interficiat , & si quid hujusmodi ; hæc enim non habeo in potestate : nam vincere temptationes peccatorum meorum , si volo , & possum , nec Dei adjutorio possum.* Fatetur Augustinus hoc responsi horrorem sibi non mediocrem incusisse , ad quas etiam Pelagianas voces non minùs universa concio inhorruit .

*XII. Hieronymi scriptiones aliquot ab Orosio in Africam affruntur , ac simul Herotis & Lazari litteræ de causa Pelagii. Carthaginensis synodus Innocentio contra Pelagianam hæresim scribit. Idem præstat Milevitana. Idem & quinque conjunctim episcopi. De Augustini epistolis ad Hilarium , & ad Iohannem.*

PAULUS Orosius , quem Augustinus ad Hieronymum anno superiore miserat , hoc præsenti revertit in Occidentem , eoque <sup>b</sup> primus omnium aliquas Stephani martyris reliquias importavit : quæ porrò quo apparatu exceptæ fuerint , quovis prodigia Deus earum occasione ediderit , iste non idoneus est dicendi locus. Orosius certè jam inde à Veneris initio è Palæstina profectus est : quando quidem ad <sup>c</sup> redditum jam tum accingebat se , cùm beati Protomartyris ossa retecta sunt ; tanto ille patriæ desiderio tenebatur. Extra dubium est , Hieronymum eodem illo bajulo direxisse ad Augustinum <sup>d</sup> epistolam ; <sup>e Marcellin. in chron.</sup> <sup>f Aviti epist. dereliquit. s. Stephani, in ap pend. tom. 7.</sup> <sup>g Epist. 172. inter Aug.</sup> <sup>h Epist. 180. n. 5.</sup> <sup>i Epist. 175. n. 1.</sup> <sup>k Epist. 176. n. 4.</sup> <sup>l Epist. 186. n. 2.</sup> <sup>m Epist. 175. n. 1.</sup> quæ sic incipit : Virum honorabilem fratrem meum , filium dignationis tuæ , Orosium presbyterum , & sui merito , & te jubente suscepi. Ubi quidem , quod ejus duobus libris , nimis de anima , deque epistola Jacobi , non responderit , se temporum infelicitate excusat : quoniam autem modo sit erga ipsum affectus , ita exprimit. Mihi autem , inquit , decretum te amare , te suspicere , colere , mirari , tuaque dicta quasi mea defendere. Cetero te & in Dialogo <sup>e</sup> quem nuper edidi , tuæ beatitudinis , ut dignum fuerat , recordatus sum : magisque demus operam , ut pernicioſissima hæresis de ecclesiis auferatur ; quæ semper simulat pænitentiam , ut docendi in ecclesiis habeat facultatem ; ne si apertâ se luce prodiderit , foras expulsa moriatur. Reperitur haud multo post citatus <sup>f</sup> ab Augustino hic ille dialogus : unde meritò credas , ad ipsum id operis ab Orosio allatum fuisse.

Idem litteras <sup>g</sup> illuc detulit ab Herote & Lazaro , quæ Pelagium ac Cælestium excogitati nefarii detestandique dogmatis postulabant. Pelagium <sup>h</sup> testabantur agere Jerosolymis , ibique nonnullos decipere : quamvis ei sagacissimi quique , à quibus ejus sensus indagari potuerant , ac maximè omnium Hieronymus , fortiter reluctarentur. Neque profecto iidem , ut judicare est , præteribant Diospolitanæ synodi historiam : quippe qui Pelagii caussam apertissimè ventilabant. Istorum litteræ ab Orosio exhibitæ sunt <sup>k</sup> Proconsularis provinciæ episcopis , qui consuetam ac sollemnem synodum , diversis de caussis congregatam , id temporis in ipsa urbe Carthagine habebant , forte circiter mensem Junium. Provinciales enim synodi videntur , aut hac anni tempestate , aut circa autumnum celebrari per Africam solitæ. Quod verò ad annum redditus Orosii , quin is <sup>416</sup> fuerit , nobis per totam historiæ seriem dubitare haud quam licet. Ipsa etiam responsio Innocentii ad epistolam memoratæ synodi , mense Januario anni <sup>417</sup> data inferiùs demonstrabitur.

Convenerant ad hanc synodum sexaginta octo episcopi , quorum omnium perscripta

# P R A E F A T I O.

sunt nomina ; nec magni negotii res erit, eorum episcopatus propè omnes ex Collatione cum Donatistis eodem loco anno 411. habita cognoscere. Horum antistitum celeberrimi sunt ii, Aurelius Carthaginensis, Vincentius fortè Culusitanus, Theasius Membresitanus. Illic recitatis Herotis ac Lazari litteris, Præsules <sup>a</sup> æquum esse existimarent, ut quidquid episcopali auctoritate valebant, valerent defendendæ jam Ecclesiæ caussæ. Itaque acta, <sup>b</sup> quibus ante ferme quinque annos judicatus fuerat Cælestius, legi jussa; & quamquam ejus damnatio sententiâ in eum tempore illo dictâ manifestè constaret : nihilominus tamen, eundem rursum, (quamvis & ad presbyterii honorem in Asia, ut ferebatur, jam subrepisset,) ipsumque cum eo Pelagium, nisi hæresim cuius auctores erant apertissimè anathemarent, anathemari debere censuerunt : hanc videlicet severitatem rati opus esse sanandis ingeniis multorum, quos illi vel jam corruperant, vel etiam in posterum poterant corrumpere. Enim verò <sup>c</sup> plena jam erant omnia pugnacibus hominibus, qui adversus Dei gratiam indefinenter disputando & infirmos animos parumque eruditos abriperent, & perpetuis contentionibus in fide quoque firmiores defatigarent. Cui malo ut omni ex parte obviām iret Carthaginense concilium, rem quoque judicavit ad Innocentium papam deferri oportere : quod <sup>d</sup> scilicet eorum decretis etiam Apostolicæ sedis adhiberetur auctoritas. Hoc autem eo cupidiū exoptabant, quod jactitarent nonnulli, <sup>e</sup> non modò gestis Palæstinis purgatum esse Pelagium, sed etiam ejus rationibus manus dedisse Romanum antistitem. Certè quidem Possidius <sup>f</sup> auctor est, Pelagianos perfidiam suam Apostolicæ sedi persuadere molitos esse, ob idque Africanas synodos instantissimâ egisse operâ, ut Innocentio primùm, deinde Zosimo demonstrarent, quantopere detestanda esset, atque à catholicis omnibus condemnanda illa factio. Cum ergo sperarent Africani præsules, fore ut Innocentii pontificis Romani <sup>g</sup> auctoritati de sanctarum scripturarum auctoritate depromtæ faciliū cederent hæretici; nec non in <sup>h</sup> tentatione adeo gravi cuperent certiores ex Pontificis responsis fieri, utrum suam ipsorum sententiam reperiret suæ ipsius consentire sententiæ, atque adeo utramque ex eodem fonte depromtam esse constaret : ea propter eidem Innocentio Synodus epistolam Herotis ac Lazari, unâ cum actis concilii alterius Carthaginensis, quibus anno 412. damnatus fuerat Cælestius, misit : propriam quoque addidit, episcoporum omnium nominibus munitam, quâ ipsum illi, ut pastoralibus sibi compateretur visceribus, simulque perpenderet quâm pestiferum & existiale Christi ovibus Pelagianum dogma esset, obsecrabant; atque ad extremum damnationis sententiam ferebant in hæc verba: Etiamsi Pelagius Cælestiusque correcti sunt, vel se ista “ numquam sensisse dicunt, & quæcumque scripta contra eos prolatæ fuerint, sua esse negant, “ nec est quemadmodum de mendacio convincantur : generaliter tamen quicumque dogmatizat & affirmat, humanam sibi ad vitanda peccata & Dei mandata facienda sufficere posse naturam, & eo modo gratiæ Dei, quæ sanctorum evidentiū orationibus declaratur, “ adversarius invenitur ; & quicumque negat parvulos per baptismum Christi à perditione liberari, & salutem percipere sempiternam, anathema sit. De ceteris autem, quæ Pelagio Cælestioque objiciebantur, Pontificis relinquunt arbitrio, ut quidquid perlectis Diopolitanæ synodi gestis, expedire videbitur, ipsem statuat.

Numidarum antistitum synodus provincialis in urbe Milevo congregata, ubi rescivit quid à Carthaginensis provinciæ episcopis gestum fuisset, eorum exemplo decrevit <sup>i</sup> epistolam ad Innocentium scribere; quâ postea quâm ei posuit cibos, quâm perniciosa esset hæresis ea, quæ orationis ab adultis, ab infantibus baptismi necessitatem auferret, ipsum rogat atque obtestatur, ut si minus Pelagii ac Cælestii saluti consulere valeret, eos à nefariis suis placitis avocando, saltem eosdem condemnando aliis prospiceret. Episcopi complures eam obsignarunt, quorum nomina ad sexaginta unum in ipsa fronte recensentur. Horum insigniores habentur ii, Silvanus Zumensis, qui tum Numidiæ primas, Aurelius Macomadiensis, Alypius Thagastensis, Augustinus Hippensis, Severus Milevitanus, Fortunatus Cirtensis, Possidius Calamensis.

Perlatæ sunt Romam utriusque synodi epistolæ per quemdam Julium episcopum, cuius diœcesim sitam fuisse in Africa, vel hinc intelligamus licet, quod per eundem rescripsit Innocentius, & simul Aurelio in peculiari epistola illum se ei restituere dixit.

Baronius eidem isti Milevitano concilio adscribit octo seu novem canones in Pelagianos, qui canones, ut infrâ dicturi sumus, nonnisi anno 418. in synodo Carthaginensi conditi

# P R A E F A T I O .

funt. Verùm in hoc ille fecutus est synodi Milevitanæ , acta dicamus , an auctorum confusione. Illorum quippe exordium ad primam Milevitanam synodum anno 402. habitam , proindeque longo tempore ante ortos Pelagianos , pertinet. Quæ verò subsequuntur ea tribuuntur in collectione Africana diversis aliis conciliis : excepto tamen canone 23. quem quidem nuspia alibi reperias.

<sup>a Epist. 177.</sup> Præter synodicas conciliorum Carthaginensis & Milevitani epistolas , <sup>a</sup> Præfules quinque Africani , scilicet Aurelius , Alypius , Augustinus , Evodius , ac Possidius , aliam communi nomine eidem scripsere Innocentio epistolam , tamquam amico , <sup>b</sup> familiarem , qua totam Pelagii caussam uberiùs & enucleatiùs exponebant apud illum , & qua ratione <sup>c Epist. 177.</sup> idem Pelagius absolvı ab Orientalibus potuisset , si tamen hoc factum fuerat , ( neque dum enim acceperant synodi Diopolitanæ acta , ) edisserebant. Docebant etiam , ipsius Innocentii præsertim interesse , huic tanto malo mederi ; propterea quòd in Urbe plurimi <sup>d Ibid. n. 15.</sup> effent dogmatis Pelagiiani sectatores , <sup>d</sup> qui si cognoverint , inquiunt illi antistites , eumdem librum quem illius vel putant esse vel norunt , episcoporum catholicorum auctoritate , & maxime Sanctitatis tuae , quam apud eum esse majoris ponderis minimè dubitamus , ab eodem ipso anathematum atque damnatum , non eos ulteriùs existimamus ausuros , loquendo contra gratiam Dei , quæ revelata est per passionem & resurrectionem Christi , pectora fidelia & simpliciter Christiana turbare. Addebat accersendum esse Romam ipsum Pelagium , ut diligenter , an veram Christi gratiam agnoscat , ex eo queratur ; sin minus , id saltem cum eo per litteras agendum : quòd in posterum sine ullo Ecclesiæ scrupulo & sine latibulo ambiguitatis absolutus , possit fidelibus de sua ipsius correctione lætandi præbere materiam. Librum quoque nunc memoratum , quem à Timasio & Jacobo Augustinus acceperat , unà cum ejusdem per Augustinum confutatione , ad Innocentium mittebant : adnotatis in eodem Pelagiano libro deterrimis quibusque locis , ut eis Pontifex animum adverteret. Ad hunc etiam direxere Augustini ad Pelagium epistolam , qua scilicet ipsi ad ea , quæ purgationis suæ scripta post concilium Diopolitanum ei miserat , respondebat. Rogabant igitur Innocentium , ut istam epistolam curaret reddendam Pelagio , rati nimirum hunc ad eam perlegendam debitâ illius dignitati veneratione adductum iri. Testati sunt interim , utrùm ad consummatam perfectionem in hac præsenti vita perveniri possit , an tantummodo in futura , nolle se quidquam definire : dum tamen omnino certum maneat , quisquis quandocumque perfectionem hanc fuerit consecutus , non potuisse illam nisi gratiæ beneficio adipisci.

Contigit eo tempore , ut Palladius quidam mare trajecturus , cùm Hippone-regio esset in procinctu ad concendentiam navem , ab Augustino commendationem epistolarem ad episcopum nomine Hilarium peteret. <sup>e</sup> Eâ arreptâ occasione Augustinus antistitem illum his de rebus certiore factum voluit , quæ recens in Africa gestæ fuerant adversus hæresim Pelagianam , cuius & præcipua capita ipsi paucis aperit , eo consilio , ut is quoque promunere suo , iis hominibus , qui forte hujusmodi veneno essent imbuti , prospiceret. Hilarium hunc non alium quam Narbonensem , cui Zosimus anno 417. scripsit , cur nos opinemur , <sup>f</sup> alias diximus.

<sup>g Not. ad epist. 178.</sup> Satis etiam veri simile fit , ad hoc ipsum tempus pertinere Augustini epistolam Johanni Jerosolymitano scriptam. Jam tum enim , cùm eam scribebat , missam sibi à Pelagio , gestorum Palæstinorum vice , chartulam ab ipso conscriptam suæ defensionis acceperat ; ipsa verò acta Palæstina nondum viderat. Igitur quamquam sanctus Episcopus antea litteras dedisset ad Johannem , à quo responsi nihil tulerat ; nancetus tamen quemdam Dei servum cui nomen Lucæ , proficiscentem in Palæstinam , ac inde brevi reversurum , iteratò has ad illum scripsit. Earum argumentum est unus Pelagius , cui Johannem admonet sic dilectionem exhibeat , ne interim existimari possit ab eo deceptus. Huic simul transmittit & scriptum à Pelagio de viribus naturæ librum , & suum de natura & gratia , quem priori isti refellendo lucubravit : ut quam prava , quamque periculosa essent hæresiarchæ illius placita , Johannes cognosceret. Demonstrat illum in suo libro planè diversa tradidisse ab iis , quæ ab se in Diopolitano concilio responsa assereret in chartula defensionis suæ. Petit denique à Johanne , ut vera ejusdem concilii acta ad se dirigat , non uni sibi , sed aliis quoque plurimis episcopis , à quibus illa etiam expeterentur , gratum facturus.

P R A E F A T I O.

XIII. Ineunte anno 417. Innocentius Africanis episcopis respondens, Pelagium & Cælestium damnatæ eorum doctrinæ anathematizat. De Gestis Diospolitanæ synodi librum edit Augustinus, cuius extrema parte Pelagianorum in Hieronymum seditionem memorat. Idem epistolam contra Pelagianos scribit ad Paulinum.

TRIBUS memoratis epistolis, concilii Carthaginensis, concilii Milevitani, & quinque episcoporum, Innocentius papa totidem <sup>a</sup> alias rescripts ipso anno 417. eadem Januarii die 27. consignatas; quæ ab Julio episcopo in Africam omnes allatæ sunt. Credunt <sup>b</sup> eas ab Innocentio non nisi post coactam Synodum perscriptas esse: cùm apud pontifices Romanos tunc temporis non esset in more positum, ut de rebus tanti momenti scriberent, nisi priùs, non solum clericos suos, sed etiam finitimos episcopos, cum iis quoque, qui tum Romæ versabantur, ad concilium vocarent.

Passim eruditionem, zelum, ac vigilantiam laudat Africanorum antistitum: quippe qui non modò Ecclesiarum sibi creditarum curam gererent, verùm etiam alias omnes pia sollicitudine complectentur. <sup>c</sup> Utrumque concilium eo præsertim nomine honorificentissimè prædicat, quòd Apostolicam sedem consuluissent; cuius non parum extollit dignitatem auctoritatemque. Acta <sup>d</sup> Diospolitanæ synodi quorumdam laicorum operâ jam tum accepta: at vix ullam eorum rationem habebat; tum quia desiderabat in responsis Pelagii sinceritatem, tum etiam quia eadem illa acta sine ullis Pelagii Episcoporumve à quibus is absolutus fuerat, litteris, redditæ sibi fuerant: quod erat in caussâ, cur ipse partim de veritate actorum dubitaret, partim judicaret Pelagium absolutioni, quam venditabat, parum admodum confidere. Itaque nulla hujuscce judicii ratione habita, Africanorum præsulum secutus relationes, <sup>e</sup> Pelagium ac Cælestium Ecclesiæ communione segregatos declaravit, ut pote sancti illius corporis societate, immo verò <sup>f</sup> omni catholicorum commercio indignos. Eos pariter cùdem pœnâ damnat, qui pari contumaciâ illorum errores tueri præsumferint. Porrò in litteris ad quinque episcopos dicit, futurum sperare se, ut Pelagii damnatio ad sanam fidem revocet eos omnes, qui vel in Urbe essent, ( si tamen essent, non enim illud audere se nec affirmare, cùm id de se nemo profiteretur, neque rursus inficiari, propter multitudinem civium,) vel Jerosolymis, vel in quacumque demum orbis regione versarentur.

Hanc Augustinus sæpe in Julianum citat sententiam Innocentii: qui <sup>g</sup> sanctus Vir, ait, <sup>g Hic pag.</sup> quid potuit Africanis respondere conciliis, nisi quod antiquitus Apostolica sedes & Romana <sup>503. g.</sup> cum ceteris tenet perseveranter Ecclesia? quique, ut mox idem observat, nihil aliud de hac re sapuit, quām quod Cyprianus, Hilarius, Ambrosius, aliique per celebres præsules Ecclesiæ, posterior iis tempore, prior loco. Ac rursum alibi: <sup>h</sup> Ad omnia, inquit, nobis ille rescripts eo modo, quo fas erat atque oportebat Apostolicæ sedis antistitem. Cùmque concionem ad populum Carthaginem haberet I X. Kal. Octobris die Dominico, qui dies in annum 417. incidebat, jussit redargui contradicentes, & resistentes ad se adduci: <sup>i</sup> Jam enim, ait, de hac caussâ duo concilia missa sunt ad sedem Apostolicam; inde etiam rescripta venerunt: caussa finita est; utinam aliquando finiatur error.

<sup>k</sup> Gennadius narrat, Innocentium scripsisse decretum occidentalium & orientalium Ecclesias adversus Pelagianos datum, post quem successor ejus papa Zosimus latius promulgavit. Quibus verbis quid intelligat, nos quidem ingenio non assequimur. Pelagianæ historiæ scriptor <sup>l</sup> in ea est sententia, ut putet, quoquo modo voces illas interpretetur, dicendum non esse, decretum aliud à tribus epistolis de quibus nos suprà, Innocentium condidisse; ad quarum epistolarum formam Zosimus decretum, quod per totam vulgavit Ecclesiam, concinnavit. Atque haud scimus, an non jungat Possidius <sup>m</sup> utriusque Pontificis statuta, cùm dicit, utrumque Pelagianos, datis litteris & ad Africanas Occidentis, & ad Orientis Ecclesias, anathematizandos & devitandos ab omnibus catholicis censuisse.

<sup>a</sup> Epist. 181.  
182. & 183.  
inter Aug.

<sup>b</sup> Garner. in  
Mercat.  
tom. 1. pag.  
194. 1.

<sup>c</sup> Epist. 181.  
n. 1. & 182.  
n. 1. & 2.

<sup>d</sup> Epist. 183.  
n. 3.

<sup>e</sup> Epist. 182.  
<sup>f</sup> Ibid. n. 3.

<sup>h</sup> Epist. 186.  
n. 2.

<sup>i</sup> Ser. 131.  
n. 10.  
“

<sup>k</sup> Gennad.  
lib. de script.  
eccles. c. 43.  
castigatus  
ad ms. Corb.

<sup>l</sup> Henr. No-  
ris lib. 1.  
c. 11.

<sup>m</sup> Possid. c.  
18.

# P R A E F A T I O.

Cum litteras quinque episcoporum nomine ad Innocentium scripsit Augustinus, ei nondum (uti observavimus) in manus venerant acta concilii Diospolitani: unde Johannem Jerosolymitanum, ut illa sibi mitteret, obsecrabat: quæ quidem ab illo-ne, an ab Innocentio, an ab alio quopiam acceperit, obscurum est. Id solum constat, exeunte anno 416. vel 417. ineunte, haud ita multo post eam molestiam, qua Pelagiani Hieronymum exagitarunt, eadem acta in manus ipsius incidisse. In eis non sine summa voluptate reperit, quod persuasum numquam non habuerat, Pelagium ideo tantum absolutum fuisse, quod in specie catholicæ fidei professionem edidisset. Quo sanctus Doctor omnino inductus est ad scribendum in illud argumenti, ut planum facheret, eos à quibus judicio dimissus fuerat, placita ac doctrinam illius neutiquam approbasse. Confecto super ea re libro, ( tametsi ab ipso nonnumquam <sup>a</sup> liber de gestis Palæstinis appelletur,) titulum fecit de gestis Pelagii; sive quia jam vulgo receptum erat, ut illa dicerentur gesta Pelagii <sup>b</sup> purgationisque ipsius, quibus se ille purgatum jactitabat; sive quia agendum hoc libro erat de ipsis gestis, quæ idem ille priùs emiserat breviata & corrupta, id est, de chartula defensionis suæ, quam vice gestorum, tamquam eorum <sup>c</sup> breviationem quamdam, spargi in vulgus curaverat; ita ut eam ob causam Possidius eumdem librum *Contra gesta Pelagii* jure nuncupaverit. Dicavit hoc opus Aurelio episcopo Carthaginensi. Illic singula errorum capita Pelagio apud Palæstinam synodum objecta, cum ejusdem ad illa responsis, minutatim excutit: deinde examinat, nulla-ne de conversione ejus aut innocentia dubitatio relinquatur; quod sanè creditu non ita primum esse ostendit: & probat denique, hominem Synodi sententiâ sic fuisse absolutum, ut ipsa nihilo minùs hæresis, ob quam in judicium venit, incunctanter damnata fuerit.

<sup>d</sup> Pag. 217. <sup>g</sup> „ Pelagii nomen, quod in opere de natura & gratia tacuerat, hîc apertè profert: <sup>d</sup> At nunc „ si Pelagius, inquit, Deum cogitat, si non est ingratus ejus misericordiae.... gratius ac „ cipiet litteras nostras, quando expresso nomine ulcus sanandum potius aperimus, quam il- „ las, ubi cum dolorem facere timeremus, tumorem, quod nos pænitet, augebamus. Nu- „ quam ibi utitur epistolis ad Africanos antistites ab Innocentio scriptis; unde quis forte con- „ jicere possit, tum eas ad ipsum perlatas nondum fuisse: sed nec ibidem earum, quas Afri- „ cani ad Innocentium miserant, litterarum meminit.

<sup>e</sup> Pag. 227. <sup>a</sup> In ejusdem operis <sup>e</sup> fine Augustinus injurias memorat, beato Hieronymo à cuneo per- ditorum hominum, qui Pelagio favebant, illatas. In hac seditione diaconus unus necatus, ædificia monasterii incensa, ipse Hieronymus firmissimæ turris beneficio vix eorum cru- <sup>f</sup> Append. delitati subductus. Quin etiam <sup>f</sup> sanctæ virginis Eustochio, & Paulæ ejus nepti, trucidatis pag. 90. d. sub earum oculos domesticis, extrema omnia ferro & igne intentarant. Quo tam atroci facinore animi omnium, qui id famâ usquequa volitante didicerunt, graviter vulne- rati sunt.

<sup>g</sup> Baron. ad <sup>a</sup> Hieronymus litteris per Aurelium episcopum, eumque, <sup>g</sup> ut putant, Carthaginensem, an. 416. transmissis de hoc apud Innocentium questus est: à quo eâdem illâ viâ responsum tulit. Idem quoque Pontifex virginis Eustochii querelis ad se delatis, ejus injurias sibi dolorem ac molestiam pepercisse respondit: scripsitque Johanni Jerosolymitano epistolam admodum severam, in qua satis indicabat, illum à culpa minimè alienum sibi videri: & quamquam Hieronymus & Eustochium quemquam nominatim non expressissent; testatur ta- <sup>h</sup> Append. men auctorem, unde profecta illa sint, <sup>h</sup> sibi non esse incognitum; quibus haud dubiè pag. 90. c. Pelagium designatum voluit. Obscurum non est, Præfules Numidiæ eventum illum, si fa- <sup>i</sup> Pag. 91. c. ma ejus ad illos pervenisset, silentio non transituros fuisse tum, cum <sup>i</sup> de Hieronymi contra Pelagium in Oriente conflictu Innocentio narrarent: neque etiam creditu proclive est, Innocentium, si rumor ejus jam Romæ atque in Africa pervagatus fuisse, de eo in suis responsonibus taciturum: atque ita commodiùs quam ad exitum anni 416. referri non potest. Illud satis credibile est, epistolas in eam rem ab Innocentio datas Johanne jam vitâ functo pervenisse in Palæstinam. Zosimus enim die 21. Septembris anni 417. scribens ad Africanos, <sup>k</sup> Praylium diu antè suffectum in Johannis demortui locum fuisse docet. In- nocentius ipse post collata illa in Ecclesiam beneficia migravit ad superos: cuius obitum hoc anno die 12. Martii contigisse, <sup>l</sup> manifestum est.

<sup>l</sup> In prefat. tom. 2. ad epist. 185. <sup>m</sup> Epist. 186. <sup>n. 2.</sup> E vivis excesserat sanctus ille Pontifex, <sup>m</sup> beatae memoriae titulo jam tum exornatus; nec tamen quidquam adhuc Zosimus in Pelagianorum gratiam egerat, cum Augustinus Pau- lino episcopo prolixiorum epistolam contra Pelagianos per Januarium misit. Hac totâ in disputando

# P R A E F A T I O.

disputando de Christi gratia distinetur, non eâ tantum voluptate illectus, <sup>a</sup> quam ex ejus <sup>*Ep. i. 18. 6.*</sup> crebra mentione capiebat; sed eo potissimum quod audierat, Nolenses inter <sup>b</sup> clericos <sup>*Ibid. n. 19.*</sup> aut cives inveniri, qui adversus eam certarent, quique peccatum originis ita oppugnarent, ut per summam insaniam <sup>c</sup> libertatis usum infantibus etiam adhuc materna alvo clausis, <sup>*Ibid. n. 12.*</sup> cum boni malive electione, adeoque merita & peccata propria tribuerent: quorum etiam aliqui in errore mentem sic obfirmarant, ut dicerent se à Pelagio, qui peccatum originale negantes anathematizaverat, citius discessuros, quām ab sua sententia avocari se paterentur. Quid porrò de ipsis sibi narratum esset, aut quinam essent ii, <sup>d</sup> Januarium Paulino declaraturum <sup>*Ibid. n. 8.*</sup> pollicetur: ipse verò non aliter indicat, quām illos <sup>e</sup> magna & acuta ingenia vocando. Erat <sup>*Ibid. n. 13.*</sup> forte eorum ex numero Julianus: quem tametsi Nolæ tum temporis fuisse non constat; haud longè tamen ab ea urbe morabatur; isque in Pelagianorum laqueos <sup>f</sup> jam dudum inciderat. <sup>*Hic pag. 503. f.*</sup>

Augustinus Africanorum antistitum ad Innocentium epistolas, unā cum Innocentii responsis mittit Paulino; ut qui profitendæ Dei gratiæ studiosus esset, quod ejus satis commonstrabant scriptiones, armis quoque ac præsidiis, quibus eam ab adversariorum mortionibus defenderet, instrueretur. Non pauca etiam è Diopolitana synodo ei transscribit: ac meminit ibidem librorum, quos de libero arbitrio Pelagius <sup>g</sup> nuperrimè ediderat. Postea <sup>*Ep. 186. n. 27. & 34.*</sup> Semipelagiani quædam in illa epistola <sup>h</sup> improbarunt, neque ob aliud quidem, nisi quod <sup>*Hic pag. 852. d.*</sup> eorum errores de prædestinatione ac perseverantia convelleret.

Per hujus quoque anni æstatem librum ad Dardanum scribens, in illo <sup>i</sup> adversus Pelagianam hæresim, quamvis ejus nomine abstinuerit, præcipuâ mentis intentione vigilabat. <sup>*Lib. 1. Re- tract. c. 49.*</sup>

*XIV. Romam venit Cælestius, & fidei suæ libellum Zosimo porrigit. Innocentem putat Zosimus, ac super ejus caussa ad Afros antistites scribit, eumdem tamen non absolvens.*

PELAGIUS ac Cælestius ubi damnatos se ab Apostolica sede totaque simul Ecclesia Africana audire, actum esse de sua ipsorum fama, si damnatio illa vim obtineret, haud diffici nego intellecerunt. Et hæc procul dubio caussa fuit, cur Pelagius Innocentio sui purgandi gratiâ scriberet, Cælestiusque Romam se se ipse conferret. Quantumvis sibi male consci, rebantur tamen non ita se dolis ac fraudibus destitui, immo nec forsitan ab amicis usque adeo Romæ deserí, quin Romanæ Ecclesiæ <sup>k</sup> fucum facere valerent; ac non paucos etiam <sup>*Hic pag. 256. c. 433. f.*</sup> ex Urbe clericos in suas, ut sperabant, partes & nefarias opiniones pellicerent. Vulgatum in primis <sup>l</sup> fuerat, à Sixto Romano presbytero, qui postea in pontificem est cooptatus, <sup>*Ep. i. 191. n. 1.*</sup> non parum adjuvari gratiæ adversarios: quorum placita jam tum quoque Julianus Eclænensis in Campania episcopus fovebat.

Cælestius porrò ex Africa post quām anno 412. à Carthaginensi concilio excommunicatus fuerat discedens, <sup>m</sup> properaverat Ephesum; ubi etiam ausus erat, teste Mercatore, <sup>*Append. pag. 69. f.g.*</sup> presbyterii locum per obreptionem petere. Et certè quidem Africani præsules ad se famâ perlatum esse, <sup>n</sup> anno 416. scriperunt, ipsum in Asia ad presbyterii dignitatem evectum: isque præterea <sup>o</sup> presbyter à Zosimo, cui in hoc quoque convenit Nestorius, appellatur. Idem <sup>p</sup> post aliquot annos relictâ Epheso Constantinopolim profectus, hac in urbe, quemadmodum olim in Africa fecerat, impietatis suæ dogmata prosemicare aggressus est. Quod ubi primùm detexit Atticus ejusdem civitatis episcopus, eum inde magno studio ac diligentia expulit: adversus quem etiam litteras ad episcopos in Asiam, Thessalonicam, & Carthaginem misit. Illum tunc Romam similiter scripsisse, non legimus; idque procul dubio non aliam ob rem, quām quia cum Romano pontifice Johannis Chrysostomi caussâ ab se alienato necdum in gratiam redierat. Volunt Atticum ex auctoritate concilii eam in rem coacti hoc ipsum præstisset: id enim solis conciliis ex disciplina usuque Ecclesiæ concessum, ut ad provincias, qualis erat Asia, publicas epistolas darent. Quid verò, si dicamus, Atticum ad Ephesinum tantum antistitem scripsisse; Eò quidem referre nihil vetat, quod Augustinus anno 421. aut 422. litteris <sup>q</sup> consignabat, nimurum Constantinopoli profligatum fuisse ab exercitu Christi Cælestium: quæ tamen in Pelagianorum legatos esse ibidem <sup>r</sup> facta narrantur, ea non putamus nisi aliquot post annis contigisse. <sup>*Hic pag. 554. c.*</sup>

Pulsus igitur Constantinopoli Cælestius, <sup>s</sup> Romam, ubi Zosimus Innocentio successe. <sup>*Pag. 70. n. 1.*</sup>

# P R A E F A T I O.

\* Append. rat , sine mora advolat. Adit <sup>a</sup> Pontificem , falsas , ut jactitabat , purgaturus suspicione s , quas Apostolicæ sedi de se injectas querebatur. Latum in Africa contra se judicium obscuritatis arguebat: Paulinum accusatorem suum vocabat ad Apostolicum tribunal ; vel etiam , ( quod fortè significant ea verba , <sup>b</sup> provocat accusantem , ) paratum se adversus cuiuslibet accusationes caussam tueri prædicabat. Testatur ipse Paulinus , provocatum fuisse ad Apostolicam sedem , ibi insimulatum se fugæ ac deserti vadimonii , <sup>c</sup> sibique Carthagine IV. Nonas Novembbris à Basilisco Romanæ Ecclesiæ subdiacono denuntiatam sui Zosimo sistendi necessitatem. Zosimus quoque asseverat , Cælestium ad se , ut ex <sup>d</sup> appellatione pristina judicium subiret , venisse. Ad hæc , Cælestius libellum fidei suæ obtulit , <sup>e</sup> Hic pag. eumque gestis ecclesiasticis allegavit. In eo primùm quidem , quantum libebat , in singulos excurrens Symboli articulos , ducto ab ipsa Trinitate unius Deitatis exordio , ad usque mortuorum resurrectionem , quibus in capitibus eum nemo reprehendebat , fidem suam minutatim explicabat : ubi autem ad ea quæ vocabantur in controversiam , pervernerat ; <sup>f</sup> Si quæ vero , aiebat , præter fidem quæstiones natae sunt , de quibus esset inter pleros que contentio ; non ego quasi auctor alicujus dogmatis , definita hoc auctoritate statui , sed ea quæ de Prophetarum & Apostolorum fonte suscepisti , vestri Apostolatus offerimus probanda esse iudicio ; ut si fortè ut hominibus quispiam ignorantie error obrepserit , vestrâ sententia corrigatur. Qua ratione suam de gratiæ adjutorio mentem exposuerit , ignotum est : quod autem ad originis peccatum , fatebatur quidem infantes in remissionem peccatorum baptizandos esse ; culpam tamen generatione transmitti negabat , eamque opinionem & à catholica fide abhorrire , & injuriâ Creatorem afficere contendebat. Nam verba ejus ista sunt : <sup>g</sup> Infantes autem debere baptizari in remissionem peccatorum , secundum regulam universalis Ecclesiæ & secundum Evangelii sententiam , confitemur : quia Dominus statuit regnum cælorum non nisi baptizatis posse conferri ; quod quia vires naturæ non habent , conferri necesse est per gratiæ libertatem. In remissionem autem peccatorum baptizandos infantes , non idcirco diximus , ut peccatum ex traduce firmare videamur : quod longè à catholico sensu alienum est. Quia peccatum non cum homine nascitur , quod postmodum exercetur ab homine : quia non naturæ delictum , sed voluntatis esse monstratur. Et illud ergo confiteri congruum , ne diversa baptismatis genera facere videamur : & hoc premunire necessarium est , ne per mysterii occasionem , ad Creatoris injuriam , malum ante quam fiat ab homine , tradi dicatur homini per naturam.

Erat eo tempore Zosimus negotiis implicatus multis majoribus: hujus tamen decisionem differre in aliud tempus noluit ; ne diutius Africam , quam futurus <sup>h</sup> itineris à Cælestio Romam suscepti & ferendi super ea re judicii exitus sollicitam habebat , exspectatione suspensam detineret. ( Ergo Cælestium Romæ versari per Africam increbuerat. ) Itaque die ad hanc rem constituto Zosimus beati Clementis , ubi confessum haberet , basilicam elegit ; ut auctoritas hujuscce tanti Pontificis , qui fidem suam martyrio consecraret , qua religione in hujus caussæ iudicio agendum esset , exemplo suo demonstraret. Constat præter i clericos Ecclesiæ Romanæ , varios quoque ex diversis regionibus presbyteros , vel episcopos , quos uno <sup>i</sup> sacerdotum nomine complectitur Zosimus , confessui adfuisse.

<sup>1</sup> Pag. 98. f. Quidquid <sup>1</sup> ad eam usque diem actum in Cælestii caussa fuerat ; illic excussum est. Introductus etiam eò Cælestius , ac ejus quo fidem suam testabatur , lectus libellus : de quo postea Pelagiani jactabant , non paucos è Romanis clericis ab illius opinionibus non abhorruisse ;

<sup>m</sup> Hic pag. <sup>m</sup> sententiâ suâ gestis , inquietabant , catholico dogmati adfuerant. Et verò hæc illa professio 433. c. Zosimo visa est catholica , non quòd , quæ dogmata Cælestii continebat , ipse approbaret ;

<sup>n</sup> Pag. 434. <sup>n</sup> sed quòd Apostolicæ sedis judicium amplecti , paratissimum se iste prædicaret. In homine acerrimi ingenii , ait Augustinus , qui profectò si corrigeretur , plurimis profuisset , voluntas emendationis , non falsitas dogmatis approbata est. Et propterea libellus ejus catholicus dictus est , quia & hoc catholicæ mentis est , si qua fortè aliter sapit , quam veritas exigit , non ea certissimè definire , sed detecta ac demonstrata respuere.

Cùm igitur fidem suam ad eum modum Cælestius dedisset ; ratus tamen non est Zosimus , ejus libellum sibi debere sufficere ; <sup>o</sup> sed variis interrogationibus subinde hominis animum exploravit , eademne quæ scripto expresserat , in pectore sentiret : de sinceritate responsionum ipsius Deo , qui mentium arcana solus intropicit , relinquens judicandum.

Ille verò quæ in oblato libello exposuerat, etiam lingua<sup>a</sup> repetitis crebrò professionibus <sup>a Append.</sup>  
roboravit. Videbat quidem Zosimus hominem pravæ doctrinæ<sup>b</sup> veneno tumescere, ve- <sup>b Hic pag.</sup>  
rùm ei tamquam phrenetico leniora remedia, ut redderetur pacatior adhibenda esse exi- <sup>c 256. a.b.c.</sup>  
stimasbat. Ex iisdem illis interrogatis, quibus istum Zosimus urgendum putavit, nonnulla <sup>c Append.</sup>  
refert Paulinus: inter quæ & illud commemorat, numquid universos damnaret errores <sup>c 103. a. b.</sup>  
eos, quos ipsi communis rumor adtribueret. <sup>d</sup> Illa omnia damna, quæ jactata sunt de no- <sup>d Hic pag.</sup>  
mine tuo? Ad quod Cælestius id responsi dedit: Damno secundum sententiam beatæ memo- <sup>e 435. c.</sup>  
riæ præcessoris tui Innocentii. Quin etiam, <sup>f</sup> se omnia, quæ sedes illa damnaret, dam- <sup>e Pag. 256.</sup>  
naturum esse promisit. Sed tamen instantे Zosimo, <sup>f</sup> ut ea quæ illi à diacono Paulino <sup>b Ibid. &</sup>  
fuerant objecta, damnaret, damnare noluit. Interrogatus quoque fuit de his, <sup>g</sup> quæ in <sup>append. pag.</sup>  
eum Herotis & Lazari litteræ, à Carthaginensi synodo Romam destinatæ, objectabant. <sup>103. c.</sup>  
Ille verò horum alterum sibi ne conspectum quidem, nisi obiter; alterum, Herotem vi- <sup>g Append.</sup>  
delicet, quòd secus de se opinatus esset, satis sibi fecisse, respondit. <sup>pag. 98. g.</sup>

Quamquam illud, quod præ se ferebat Cælestius, in sanctam sedem obsequium, Zosimum induceret ut mitiùs cum illo ageret: is tamen ipsum <sup>h</sup> excommunicationis vinculis quibus innodatus erat, absolvendum esse, non existimavit. At ejus judicium cautionis cauſâ duobus mensibus ampliavit, ut nimirum per id spatii, tum Cælestio redire ad sanam mentem liceret, tum Africanis, quibus illius cauſa magis erat comperta, rescribere. Verùm se magis præcipitem in cauſa Herotis & Lazari præbuit; quippe quos absentes & episcopatu & communione privavit, sive Cælestii criminatioibus, sive Patrocli tum temporis sedem Arelatensem pro Herote occupantis quermoniis permotus.

Constituto in eum modum quod ad Cælestium adtinebat, id Aurelio ceterisque Afris antistitibus per litteras significavit, quibus sanctos illos præfules subirato animo ob præcipitatum Cælestii judicium perstringit. Litteræ Zosimi ad Africanos hac de re datæ Consulæ consignatos habent, non mensem, nec diem. Cùm autem negotium Cælestii deinceps reperiatur cum Pelagii negotio conjunctum, satis credibile videatur, id non multo ante XI. Kal. Octob. quo die Zosimus ad eosdem scripsit de Pelagio, contigisse. Nam ex hujus diei nota, Cælestii cauſam jam inde à mense Junio aut Julio peractam colligere, ut ante hunc diem jam duos constitutos menses effluxisse asseramus, nequaquam necessum est. Quando quidem epistola illa XI. Kal. Octob. data, nonnisi ob novum emergentem casum missa fuit. Sin autem concessum spatum exactum jam fuisset, dubio procul aut Cælestium in communionem restituisset Zosimus, quod nequaquam in epistola sua retinuisset; aut saltem exposito, quamobrem necdum eum restituisset, id postulasset merito apponi sibi. Quod enim dicit, <sup>i</sup> Ubi Heros? ubi Lazarus? ubi illi adolescentes &c. his <sup>i Append.</sup>  
verbis significatum noluit, eos ex Palæstina intra duos menses Romam venire debuisse, <sup>j pag. 100.</sup>  
cùm ipsis Timasioque & Jacobo non esset quidquam cum Cælestii negotio commune: <sup>k</sup>  
sed vult eosdem, quemadmodum in litterarum serie satis explicat, id futurum providere oportuisse, ut ad Romanum tribunal Pelagii cauſa deferretur; adeoque ipsos in culpa esse, <sup>f</sup>  
quòd eò non venissent intentatam ab se accusationem prosecuturi. Videtur etiam jungendum Zosimi litteris mandatum illud, <sup>k</sup> quo Paulinum, ad cauſam apud se dicendam vocari <sup>k pag. 103.</sup>  
jubebat: quod quidem nonnisi IV. Nonas Novembris Paulino Carthagine fuit viva voce <sup>f</sup>  
denuntiatum à Basilisco hypodiacono, quem idem Pontifex cum actis earum rerum, quæ <sup>l</sup>  
Romæ super Cælestio gestæ fuerant, miserat: quæ videlicet <sup>l</sup> acta in Africam ab se dirigi, in <sup>l pag. 98. f.</sup>  
epistola sua ipsem et significat.

#### XV. Pelagii epistola & fidei professio, destinatæ quidem ad Innocentium, sed Zosimo redditæ. Hic Pelagii quoque ambiguis verbis sibi patitur imponi, ejusque gratiâ in Africam scribit.

POST QUAM igitur Zosimus pro Cælestio scripserat in Africam, is litteras à Praylio accepit Jerosolymitano post Johannem episcopo, qui Pelagii cauſam quâm studiosissime commendabat. Pelagius ipse suam quoque epistolam, qua hæresis crimen ab se depelleret, addiderat; adjuncta & fidei professione, in qua sincerè, quid crederet, quidve respueret, declarare se prædicabat. Utramque dirigebat <sup>m</sup> ad Innocentium, ut pote quas obitu ejusdem <sup>m Hic pag.</sup>  
Pontificis nondum auditio scripserat: verùm cùm in illius locum jam suffectus fuisset Zo- <sup>n 244. b.</sup>  
<sup>o 261. b.</sup>

# P R A E F A T I O.

simus, huic utique illæ redditæ sunt. Interiit quidem Pelagiana isthæc epistola; sed ex variis locis, quos Augustinus ex eadem producit, intelligitur, Pontifici eum exponere,

<sup>a</sup> *Duo esse de quibus eum homines infamare conantur: unum, quod neget parvulis baptismi sacramentum, & absque redemtione Christi, aliquibus cælorum regna promittat: aliud, quod ita dicat, posse hominem vitare peccatum, ut Dei excludat auxilium, & in tantum libero confidat arbitrio, ut gratiæ repudiet adjutorium.* Ibi cùm dixisset, <sup>b</sup> numquam se vel impium aliquem hæreticum audisse, qui hoc de parvulis diceret; deinde subjecit atque ait, *Quis enim ita Evangelicæ lectionis ignarus est, qui hoc non modò affirmare conetur, sed qui vel leviter dicere, aut etiam sentire possit? Deinde quis tam impius, qui parvulos exfortes regni cælorum esse velit, dum eos baptizari & in Christo renasci vetat.* Rursumque post interpositum ex Evangelio testimonium, adjunxit dicens, *Quis ille tam impius est, qui cujuslibet ætatis parvulo interdicat communem humani generis redemtionem, & in perpetuam certamque vitam renasci vetet eum, qui natus sit ad incertam?* Quibus tametsi clare explicatè que profiteri originis peccatum videretur, non tamen ipsi deerant ambages quædam, quarum ope verba illa ad hæresim suam accommodabat. Nam de ista quæstione ita solitus erat respondere quærentibus: <sup>c</sup> *Sine baptismo parvuli morientes, quod non eant, scio; quod eant, nescio.* Et quod super eadem re in Diopolitana synodo ad objecta sibi <sup>d</sup> catholicè responderat, detortis interpretationibus rescindebat.

Quod ad negatæ gratiæ crimen, post multas in accusatores suos querimonias, sic diluere nitiebatur: <sup>e</sup> *Ecce, inquit, apud Beatitudinem tuam epistola ista me purget, in qua purè atque simpliciter ad peccandum & ad non peccandum integrum liberum arbitrium habere nos dicimus, quod in omnibus bonis operibus divino adjuvatur semper auxilio.* Deinde post quædam interposita de naturali potestate ad peccandum & non peccandum, adjungebat dicens: *Quam liberi arbitrii potestatem dicimus in omnibus esse generaliter, in Christianis, Judæis, atque Gentilibus: in omnibus est liberum arbitrium æqualiter per naturam, sed in solis Christianis juvatur à gratia. In illis nudum & inerme est conditionis bonum: in his verò qui ad Christum pertinent, Christi munitur auxilio.* Illi ideo judicandi atque damnandi sunt, quia cùm habeant liberum arbitrium, per quod ad fidem venire possent, & Dei gratiam promereri, male utuntur libertate concessa: hi verò remunerandi sunt, qui bene liberto utentes arbitrio merentur Domini gratiam, & ejus mandata custodiunt. Hac rursum confessione gratiæ Pelagius adversariis suis non faciebat satis: tum quia gratiæ illic nomine intelligere poterat, ut solebat, legem atque doctrinam; tum quia quamlibet gratiam intelligeret, eam tamen manifestò dicebat secundùm merita dari. Postea verò ille <sup>f</sup> ad suæ fidei libellum, & ad varias, quas diversis temporibus ediderat, commentationes remittebat. Atque ea sunt, quæ nobis ex illa ejus epistola servavit Augustinus.

Jam in suo illo <sup>g</sup> libello fidei Pelagius Cælestium imitatus, ea capita, quorum nemo illum postulabat, multis disputat, de universis fidei articulis ab ipsa Trinitatis unitate ad usque carnis resurrectionem differens: atque ubi ad baptismi quæstionem venit, <sup>h</sup> *Baptisma*, inquit, *unum tenemus, quod iisdem sacramenti verbis in infantibus, quibus etiam in majoribus, afferimus esse celebrandum: quæ verba nihilo minus ipsum ad originalis culpæ confessionem non adstringebant.* Sic neque exprimebat qualem gratiam agnosceret necessariam, cùm paulò pòst diceret: *Liberum sic confitemur arbitrium, ut dicamus nos semper Dei egere auxilio; & tam illos errare, qui cum Manichæis dicunt, hominem peccatum vitare non posse, quam illos qui cum Joviniano afferunt, hominem non posse peccare.* &c. Enim verò ex iis quæ Augustinus de Pelagianorum fraudibus ac paralogismis tradit, intelligimus illam fidei expositionem, in qua nihil esse prorsus videtur nisi orthodoxum, januam omnibus eorum erroribus patefacere. Ipsam coronide admodum catholicâ, si quidem ea sincera fuisset, claudebat. *Hæc est fides, Papa beatissime, inquietabat, quam in Ecclesia catholica didicimus, quamque semper tenuimus & tenemus: in qua si minus peritè aut parum cautè aliquid forte possum est, emendari cupimus à te, qui Petri & fidem & sedem tenes.* Pelagius quoties haberi catholicus volebat, hanc illam jactabat fidei professionem. Atque haud scimus an de hac ipsa interpretandus veniat Hieronymus, cùm in præfatione ad quartum suum librum in Jeremiam, scripta, ut videtur, anno 416. ante quam violentias Pelagianorum expertus esset, quando quidem de illorum tantùm calumniis queritur, asserit hæreticos illos, ut imperitos decipient, passim <sup>i</sup> expositionem suæ fidei prædicare, neque tamen illam ostendere.

<sup>a</sup> Hic pag.  
<sup>b</sup> 244. b.

<sup>b</sup> Pag. 261.  
<sup>c</sup>

<sup>c</sup> Pag. 262.  
<sup>d</sup>

<sup>d</sup> Pag. 260.  
<sup>a</sup>

<sup>f</sup> Pag. 245.  
<sup>d</sup> 246. c.

<sup>g</sup> Append.  
<sup>h</sup> pag. 96.

<sup>i</sup> Pag. 97.b.

<sup>j</sup> Pag. 72. f.

# P R A E F A T I O.

Accepta autem Pelagii scripta Zosimus<sup>a</sup> in confessu publico jussit recitari, eaque mirum in modum approbavit. Ex his quippe, liquidò purgare te Pelagium, ac fidem suam tanta per-spicuitate exponere, ut locum malignis interpretationibus nullum relinqueret, judicabat. Idem etiam omnibus qui audierunt, visum. Quod sanctorum, ait Zosimus, virorum, qui aderant, gaudium fuit? Vix fletu quidam se & lacrymis temperabant, tales etiam absolutæ fidei infamari potuisse. Hoc sanè stilo litteras ad Aurelium aliosque Afros antistites super ea re XI. Kal. Octob. dedit, adjunctis & Pelagii scriptis. Hic magis etiam stomachabundè, quām in superiori epistola, Herotem & Lazarum dictis proscindit. Multis similiter, quod Africani, & duorum horumce præfulum litteris, & Timafii Jacobique testimoniis fidem accommodassent, conqueritur.

Utramque hanc Zosimi de Pelagio ac Cælestio epistolam ex Vaticanæ bibliothecæ manuscripto depræmtam vulgavit Baronius. Visum quibusdam eas cum subdititiis scriptionibus numerandas, quasi cum Augustino minùs illæ consentirent; quamvis re vera cum eo nihil magis consentiat. Fatendum tamen est, his famæ Zosimi non perinde consultum; quippe quæ planissimum faciant, eum Cælestii verbis plenissimam fidem præbuuisse: quem-admodum apud se expostulasse<sup>b</sup> Africanos episcopos ipse declarat. Et ea sanè de caussa<sup>c</sup> Pelagiani, post quām à Zosimo fuere condemnati,<sup>d</sup> prævaricationis eum accusarunt: quod etiam crimen objecerunt Romanis omnibus<sup>e</sup> clericis, quos dogma catholicum, quod in memoratis confessibus defenderant, turpiter deserere clamitabant. Verū cùm idem Pontifex, quam imprudens admiserat, culpam deinceps correxisset, voluit Augustinus eam modesto velare silentio. Quod itaque in illo, quem ut primum episcopum observabat, dignum aliqua laude existimavit, id palam proposuit: cetera, quantum in ipso fuit, excusavit. Neque tamen inficiatur, Zosimum initio<sup>f</sup> verbis fraudulentis Pelagianarum professionum, ac Cælestii præsertim simulatione illa, qua se is & instrui velle, & Innocentii decretis consentire profitebatur, delusum fuisse: immo hoc factum S. Doctor non obscurè significat variis locis.

## XVI. Africanum concilium CCXIV. episcoporum Carthagine habitum rescribit Zosimo. Innocentii sententiam in Pelagium & Cælestim dictam defendit: Zosimumque, ut novum de Cælestio examen habeat, monet.

AFRICANI præsules acceptâ quam Zosimus papa miserat in Cælestii favorem epistolâ, cum litteris suis obrestati sunt, eò usque res,<sup>f</sup> quo in statu erant, relinquere, dum pleniùs<sup>g</sup> de ejusdem Cælestii caussa, qui primum quidem<sup>h</sup> apud ipsos accusatus fuerat, edoceretur. Litteræ datæ sunt ab episcopis sive ob eam rem Carthaginem vocatis, sive in ea urbe fortè fortunâ repertis; ex quibus tamen constitisse verum concilium ex eo intelligitur, quod ad illorum litteras respondens Zosimus epistolam suam Aurelio ac ceteris qui<sup>i</sup> in concilio Carthaginensi adfuerunt, inscribat. Veri sanè quām simillimum est, statim atque allata fuit prior illa Zosimi pro Cælestio epistola, Aurelium episcopis locorum minùs dissitorum, putâ provinciæ Proconsularis, Numidiæ, ac Byzacenæ, significandum curasse, ut ad habendam secum deliberationem de re tanti momenti convenienter: atque ubi viciniores advenere, Zosimo confestim scripsisse, ut Romam ipsæ eorum, si fieri posset, ante pervenient litteræ, quām concessi ab illo duo menses essent exacti.

Accesserunt ergo deinde ceteri præsules, à quibus tandem concilium illud ducentorum quatuordecim episcoporum coaluit, quod ante quām Cælestius à Zosimo damnaretur, habitum fuisse<sup>j</sup> tradit Prosper. Hoc ipsum Augustinus non uno loco<sup>k</sup> vocat concilium Africanum, eo forsitan quod è pluribus quidem provinciis constabat, licet non ex omnibus: quo id ab insequentis anni concilio plenario ac generali distinguit. Videtur autem ineunti Novembri assignandum, quia<sup>l</sup> Marcellinus subdiaconus, à quo ejusdem consulta ad Pontificem delata sunt, profectionem VI. Idus illius mensis præparabat. Fieri tamen potest, ut propter rei tractandæ gravitatem & dirigenda in Urbem acta, productum aliquanto diutius fuerit. In hac synodo facta sunt decreta & constitutiones, quas postea<sup>m</sup> orbis universus, Roma, nec non imperatores Honorius & Arcadius sunt amplexi. Hæc decreta materiam suppeditarunt octo seu novem Africanis contra Pelagianos canonibus,

# P R A E F A T I O.

qui antea Milevitanae perperam adscripti synodo, jam generalis Carthaginensis anno 418. Kalendis Maiis celebratae esse cognoscuntur. Decretis suis Synodus <sup>a</sup> præfixit epistolam ad Zosimum, in qua sic ad eum Patres alloquebantur: Constituimus in Pe-  
 » lagium atque Cælestium per venerabilem episcopum Innocentium de beatissimi apostoli  
 » Petri sede prolatam manere sententiam, donec apertissima confessione fateantur, Gratiâ  
 » Dei per Jesum Christum Dominum nostrum, non solùm ad cognoscendam, verùm etiam  
 » ad faciendam justitiam, nos per actus singulos adjuvari, ita ut sine illa nihil verae sanctæ-  
 » que pietatis habere, cogitare, dicere, agere valeamus.

<sup>b Hic pag.</sup> Addebat; non sufficere hominibus tardioribus, <sup>b</sup> quòd se generaliter Innocentii litteris consentire dixisset Cælestius; sed aperte eum debere anathematizare, quæ in suo libello prava posuerat; ne si id non fecisset, multi parum intelligentes magis in libello ejus illa fidei venena à sede Apostolica crederent approbata propterea quod ab illa dictum erat eum libellum esse catholicum, quām emenda propter illud quod se papæ Innocentii

<sup>c</sup> teris consentire ipse responderat. Illic etiam Africani præsules judicium <sup>c</sup> Innocentii de synodo Diopolitana in mentem Zosimo revocarunt: & dederunt operam, ut eidem <sup>d</sup> professionis fidei à Pelagio Romam directæ fallacias & dolos aperirent; simulque di-  
 » luerent <sup>e</sup> omnes hæreticorum cavillationes; ut scilicet illos non minus ratione, quām sa-  
 » cra sua auctoritate revincerent. Cùm porrò eos notasset Zosimus, quasi temere Cælestii <sup>f</sup> delatoribus credidissent: ipsum illi vicissim ostendebant, paulò celerius <sup>f</sup> Cælestii verbis fidem accommodasse. Tandem quidquid <sup>g</sup> apud ipsos super Cælestii caussa factum antea fuerat, exponebant Pontifici; & gesta ea de re tunc, sive præsente eodem Cælestio, sive absente confecta, mittebant. Quare epistolæ eorum <sup>h</sup> volumen productius sibi visum, non dissimulat Zosimus.

<sup>i</sup> <sup>IPAG. 103.</sup> Videntur præterea illi antistites, <sup>i</sup> Paulinum diaconum, qui Romam venire jussus erat, accusationis in Cælestium ante sex annos ab ipso intentatae caussam dicturus, excusasse apud Pontificem, atque illum fortè, ne eò proficeretur, prohibuisse; quia nempe Cælestii caussa nihil jam ad Paulinum, sed ad Ecclesiam universam pertinebat: quemadmodum suo libello, quem ad Zosimum VII. Idus Novembris misit, idem Paulinus significat. Nec est pariter dubium, quin de celebranda proximo anno post paschalia festa ex omnibus Africæ provinciis synodo generaliore ac plenaria decretum: quod videlicet mense Maio peractum est.

Atque hæc sunt, quæ reperi licuit de Africano illo per celebri concilio, ac de poste-  
 » rioribus litteris ab eo <sup>k</sup> per Marcellinum subdiaconum missis: cùmque Zosimo Pontifice <sup>f</sup> <sup>IPAG. 104.</sup> permulta super hoc negotio scripta, <sup>l</sup> cùm Româ in Africam, tum ex Africa Romam cucurrerint; nihil tamen supereft ex omnibus iis, quæ ad Zosimum ab Africanis episcopis fuere directa. Et meritò quidem dolemus, periisse egregia illa monumenta, quibus illorum in defendenda Christi gratia, propugnandoque Innocentii decreto, generositas confignabatur: cuius laudis partem non minimam Augustini ingenio & sollertia debitam esse, certum est.

*XVII. Anno 418. Zosimus Africani concilii Patribus respon-  
 det. Plenarium totius Africæ concilium Carthagine rursus habi-  
 tum novem canones edit in Pelagianos.*

A D primas Africani concilii litteras nullum seorsim responsum Zosimus, hieme for-  
 » sitan prohibente, dedisse videtur; neque concilii Patribus, <sup>m</sup> nisi XII. Kal. Aprilis, post  
 acceptas alteras eorum posteriores litteras, adeoque unicam pro duabus, eamque satis bre-  
 » vem epistolam rescripsisse. In ea magnificis verbis extollit dignitatem suam; & quòd de Cælestii caussa cum Africanis per litteras communicare placuit, hoc gratiæ apponi sibi  
 » ab ipsis postulat. <sup>n</sup> Cùm tantum, inquit, nobis esset auctoritatis, ut nullus de nostra possit  
 » retractare sententia; nihil egimus, quod non ad vestram notitiam nostris ultro litteris re-  
 » ferremus, dantes hoc fraternitati &c. Eos tamen certiores facit, se se omnia eodem in  
 statu, quemadmodum rogatus ab ipsis fuerat, reliquisse. Innuere autem videtur, sibi pro-  
 positum, quid hîc factò opus esset, iterum deliberare.

<sup>o</sup> <sup>Ibid. g.</sup> Epistola hæc III. Kalend. Maii pervenit in Africam, quo tempore Præsules Carthagi-

# P R A E F A T I O.

nem novum contra Pelagianos concilium celebraturi conveniebant; quod quidem in basilica Fausti anno 418. die 1. Maii habitum, atque ex provinciis Byzacena, Mauritania Sitiensis, Tripolitana, Numidia, Mauritania Cæsariensi, & Hispania, congregatum in veteribus exemplaribus prænotatur; in eoque sedisse Aurelium, cum primate Byzacenæ Donatiano Teleptensi, & aliis ducentis tribus episcopis, legitur. Photius <sup>a</sup> ducentos viginti <sup>\* pag. 108.</sup>  
 quatuor præter Aurelium & Donatianum numerat. Quin autem hoc ipsum plenarium <sup>b</sup> totius <sup>Epist. 215.</sup>  
 Africæ fuerit, in quo Augustinus se atque alios antistites quidpiam adversus Pelagianam <sup>c</sup> hæresim breviter constituisse testatur, nullus est ambigendi locus. In eo certè octo sive  
 novem illos canones, qui Milevitano adscripti concilio legebantur, quos & Baronius à sy-  
 nodo in ea urbe anno 416. congregata sancitos existimavit, considerunt. Enim verò eos  
 huic concilio, præter Africanam collectionem, vetustissimum <sup>c</sup> Gandavense exemplar adsi-  
 gnat, & codex canonum Ecclesiæ Romanæ, & ipse pariter, qui ejus acta legit, Photius. <sup>c Append.</sup>  
 Istorum etiam canonum tertius, quartus, & quintus à Cælestino papa <sup>d</sup> Carthaginensis <sup>pag. 106.</sup>  
 concilii nomine citantur. Præter hæc, Milevitana synodi ad Innocentium epistola omnino  
 mentionem non fecit horum canonum: quos tamen ad eum, ut ejusdem auctoritate con-  
 firmarentur, mittere debuisset. Quin immo hæc synodus nihil aliud à Pontifice petiit,  
 nisi ut errores Pelagianorum duos, originale peccatum & gratiæ necessitatem impugnan-  
 tes damnaret: cùm tamen illorum canonum tres postremi etiam eos anathemate percel-  
 lant, qui verba Johannis, & Jacobi, Dominicæque orationis ab germano intellectu de-  
 torquerent, ut ne inde agnosceremus justos quosque hac in vita peccatis non carere. Quid  
 quòd antistites illi quinque, à quibus post Milevitana synodus Innocentio scriptum fuit,  
 haud quaquam omnino vetant, <sup>e</sup> ne quis hominem dicat posse cum gratiæ adjutorio  
 esse in hac vita sine peccato, modò tantam perfectionem justitiæ nemo sibi arroget? id quippe  
 iterum ad examen esse revocandum censem. Rursus eamdem illam quæstionem Au-  
 gustinus in libro de gestis Pelagii aliquantò pòst elucubrato, annumerat iis, <sup>f</sup> quas non  
 adversus hæreticos disputari, sed pacificè inter catholicos examinari oporteat. <sup>f Hic pag.</sup>  
<sup>221. b.</sup>

Quod ad numerum horum canonum, quibus confixam esse à concilio Carthaginensi  
 Pelagianam hæresim, in confessio est, cùm antè in collectione Africana non nisi octo le-  
 gerentur, duo scilicet primi de peccato originali, tres medii de gratiæ adjutorio, tres  
 que ultimi de impeccantia; nonum antiquissimi codices exhibent tertio loco insertum,  
 quo ii condemnantur, qui parvulis hinc sine baptismo migrantibus medium aliquem fe-  
 licitatis locum extra cælorum regnum ac dæmonum contubernium adsignarent. Pho-  
 tius huncce canonem agnoscit, eique sedem eamdem adtribuit. Neque deest Augustini  
 testimonium, affirmantis <sup>g</sup> novellos hæreticos Pelagianos justissimè conciliorum catholico- <sup>g pag. 367.</sup>  
 rum & sedis Apostolicæ damnatos auctoritate, eo quòd ausi fuerint, non baptizatis par- <sup>“</sup>  
 vulis dare salutis & quietis locum etiam præter regnum cælorum. Sic verò sub anni 419. <sup>“</sup>  
 finem loquebatur sanctus Doctor: atque adeo veri simile fit, Africanum concilium su-  
 perioris anni de hoc Pelagianorum effugio Zosimum fecisse certiorem, idque & ab Afris  
 in hoc plenario concilio anni 418. & ab illo Pontifice in sua epistola Tractoria, anathe-  
 mate affectum fuisse.

De utroque illo Africæ concilio Prosper in carmine de Ingratis:

*Tu causam fidei flagrantius Africa nostræ  
 Exsequeris, tecumque suum jungente vigorem  
 Juris apostolici solio, fera viscera belli  
 Confidis, & lato prosternis limite victos.  
 Convenere tui de cunctis urbibus almi  
 Pontifex, GEMINOQUE senum celeberrima COETU  
 Decernis quod Roma probet, quod regna sequantur.*

Et paulò pòst in Augustini laudes effusus prosequitur:

*An alium in finem posset procedere sanctum  
 Concilium, cui dux Aurelius, ingeniumque  
 Augustinus erat? quem Christi gratia cornu  
 Überiore rigans, nostro lumen dedit ævo,  
 Accensum vero de lumine. Nam cibus illi,  
 Et vita, requies, Deus est, <sup>h</sup> &c.*

<sup>h</sup> Append.  
<sup>pag. 58. d.</sup>

# P R A E F A T I O.

*XVIII. Pelagianos sancita lege multat Honorius imperator.  
Eosdem Zosimus decretoriā tandem damnat sententiā, quæ ab  
Ecclesia universa suscipitur.*

<sup>a Hic pag.</sup> SOLUTO concilio <sup>a</sup> Augustinus cum aliquot episcopis ad reliquas decidendas caussas  
<sup>b 227. no. b.</sup> delectus, remansit Carthagine: qua in urbe, donec <sup>b</sup> in Mauritaniam Cæsariensem profi-  
<sup>c. 1.</sup> cisceretur, ubi quidem XVI. Kal. Octob. agebat, negotia illum varia, nec parum urgen-  
<sup>e Hic pag.</sup> tia detinuerunt, habueruntque occupatissimum. Tum <sup>c</sup> verò eum haud mediocriter bini-  
<sup>f 229. a. &</sup> nuntii per quām lāti recrearunt: alter de lege ab Honorio in Pelagianos lata, alter de  
<sup>g. 260. g.</sup> condemnatis à Zosimo papa iisdem hæreticis.

<sup>a Append.</sup> Exstat hodieque <sup>a</sup> lex illa Honori, die 30. Aprilis anni 418. Ravennæ data. Hac lege  
<sup>b Pag. 105.</sup> Imperator edicit, ut Cælestius & Pelagius Romā, (modò isthīc agerent, si quidem erat  
<sup>c. 1.</sup> Pelagius id temporis in Palæstina,) primitus pellantur; deinde ut quisque compertos hæ-  
<sup>d. 106.</sup> resis eorum sectatores magistratibus deferat, & reis tandem exsili pœna irrogetur. Impe-  
<sup>e. 106.</sup> riale edictum jussione sua prosecuti sunt <sup>c</sup> præfecti prætorio, Junius Quartus Palladius Italiæ,  
<sup>f. b.</sup> Monaxius Orientis, & Agricola Galliarum. Jubent ii Pelagium ac Cælestium, juxta decre-  
<sup>g. 354. a. b.</sup> tum Imperatoris, ex Urbe ejici; omnesque istorum erroris convictos, facultatibus suis spo-  
<sup>h. liari, ac perpetuo multari exfilio.</sup>

<sup>a Hic pag.</sup> Pelagiani, qui pro arbitratu legem divinam interpretabantur, imperiale quoque ad  
<sup>b. 354. a. b.</sup> suos sensus <sup>f</sup> pertrahebant. Nam quantumvis perspicua hæc esset, jaçtare non erubuit Ju-  
<sup>c. lianus, eam pro se potius ab Imperatore redditam: cui Augustinus, debere ergo illum</sup>  
<sup>d. eamdem publicis potestatibus allegare, festivè reponebat.</sup>

Ea sanè lex petita fuerat, quando quidem non nuda constitutio dicitur, sed rescriptum;  
& responsum. Nam de illa Augustinus: *Si pro vobis potius*, inquit, *ab Imperatore responsum*  
*est.* Eam Africanorum precibus concessam declarare videtur antiquus codex canonum Eccle-  
siæ Romanæ hacce inscriptione: *Sacrum rescriptum acceptis synodi supra scriptæ gestis.*  
Præcedit autem illic synodus Carthaginensis anni 418. quæ quidem cùm die 1. Maii cele-  
brata sit, uno die posterior est rescripto; at facili errore synodus anni 418. cum ea quæ  
417. habita erat, confundi potuit.

<sup>a. 106. c.</sup> Qui Honori legem die 30. Aprilis sancitam Zosimi judicio priorem opinantur, ii non  
parum momenti hanc habuisse ad illud à Pontifice eliciendum existimant. Aliunde verò  
cernebat Zosimus fideles Romanos <sup>s</sup> una voce, uno ardore pro veritate catholica adversus  
Pelagii errores decertare: quos profectò ejus dogmata, quia inter eos diu vixerat, latere  
non poterant; quique Cælestium ejus esse discipulum sic noverant, ut fidelissimum & fir-  
missimum possent de hac re testimonium perhibere. Præterea nonnulli Urbis catholici,  
post Africani concilii rescripta, curarunt ut in Pontificis notitiam perferrentur quædam ex  
Pelagii dictis ac scriptis, ut puta ejusdem in Paulum commentarios, ad quorum quidem com-  
mentariorum errores Cælestii damnationem <sup>b</sup> refert Mercator. Cùm verò ex adversa par-  
te qui hæresim tuerentur, ibi non deessent, molestissimo dissidio Roma divellebatur, at-  
que ut Honori verbis loquamur, <sup>i</sup> scissis in partes studiis asserendi, materia impacatae dis-  
<sup>j. 105. c.</sup> fensionis inducta erat. Inter alios Constantius <sup>k</sup> quondam vicarius Præfectorum, tunc au-  
tem Christi servus, Romæ habitans, suum pro Dei gratia studium illustravit in retunden-  
dis Pelagianorum conatibus; quorum factione multa perpessus, sanctorum confessorum  
catalogo adscribi meruit. Ad hoc ipsum tempus fortè referendum, <sup>l</sup> quod ea Juliani  
criminatio veri continet, qua catholicos seditionum Romæ excitatarum accusa-  
bat.

Cùm igitur eo loco res in Urbe essent, Zosimus Cælestium ex Africani concilii  
<sup>m. 434. d.</sup> monitis iterum examinare decrevit, ac tandem <sup>m</sup> ex ejus ore clara perspicuaque responsa  
<sup>n. Append.</sup> exprimere, ut dubium posthac non remaneret, vel eum errores ejurasse, vel perfidum  
<sup>o. 70. b.</sup> impostorem esse habendum. At ille huic examini se se committere nequaquam ausus,  
<sup>p. 434. c. f.</sup> non tantum vadimonium deseruit, sed etiam ex Urbe aufugit. Eo non comparente,  
<sup>q. 435. a.</sup> nihil jam Zosimum <sup>o</sup> detinere potuit, quo minus sententiam illam, quam & hæreticorum  
<sup>r. Append.</sup> pertinacia, & utilitas Ecclesiæ ab eo exigebat, pronuntiaret. Ergo quam <sup>p</sup> paululùm inter-  
<sup>s. 68. c.</sup> miserat, justæ severitatis rationem protulit: Africani concilii decreta <sup>q</sup> probavit, robo-  
<sup>t. 102. f. 195. f.</sup> ravitque

# P R A E F A T I O.

ravitque; ac <sup>a</sup> præcessoris sui judicium secutus, Pelagium & Cælestium repetita <sup>b</sup> aucto-  
ritate damnavit; eos <sup>c</sup> ad pænitentium ordinem, si quidem errores suos detestarentur, redi-  
gens; sin autem id recusarent, omnino anathemate percellens. Scripsit hac de re <sup>d</sup> & spe-  
cialiter ad Afros, & universaliter ad omnes totius Christiani orbis episcopos litteras, easque  
longè <sup>e</sup> amplissimas, quarum aliquot fragmenta Augustinus, Prosper, ac Cælestinus papa  
referunt. Errores <sup>e</sup> quorum accusatus à Paulino Cælestius fuerat, ibi exponebat; & nihil  
omittebat eorum, quæ cùm ad Cælestii discipuli, tum ad Pelagi ejus magistri caussam  
pertinebant. His etiam litteris, si Viro eruditio credimus, <sup>f</sup> Pelagianorum errorum cata-  
logum ex Augustini ad Paulinum epistola excerptum inferuit. Ibidem Johannis <sup>g</sup> Chry-  
softomi honorificam faciebat mentionem. Culpam originis <sup>h</sup> validissimè adstruebat: nec <sup>i</sup>  
dubitaverimus eam Zosimi scriptionem esse, in qua <sup>j</sup> novellos hæreticos, quòd infanti-  
bus non baptizatis locum quietis ac felicitatis extra cælorum regnum concederent,  
Apostolicæ sedis damnavit auctoritas. Isthic etiam docebat, <sup>k</sup> nullum tempus interve-  
nire, in quo divino non egeamus auxilio; nosque in omnibus actibus, caussis, cogi-  
tationibus, motibus, ex Dei præsidio, non ex naturæ viribus, omnia exspectare debere.  
Idem varios locos <sup>l</sup> ex Pelagi in Paulum commentario ipsis litteris suis inter alia ejus  
damnabilia comprehendit. Hos locos exscribit Mercator, eosque testatur omnino in-  
fertos fuisse Zosimi epistolæ, quam Tractoriam vocat.

Eadem illa epistola <sup>m</sup> ad orientales Ecclesias, in Ægyptum, Constantinopolim, Thes-  
salonicam, & Jerosolymam, immo & per totum orbem missa, ab omnibus catholicis an-  
tiquis subscripta fuit. Quocirca jure merito litteris proditum est, episcoporum <sup>n</sup>  
in Africano concilio <sup>o</sup> editam contra inimicos gratiæ Dei constitutionem totum mun-  
dum amplexum esse, ac <sup>p</sup> per totum mundum hæresim Pelagianam fuisse damnatam:  
quod Honorius quoque <sup>q</sup> mense Junio an. 419. datâ ad Aurelium sanctione significat, Pelagia-  
nos videlicet ab universis justa sententiæ examinatione damnatos affirmans. Zosimum  
sanè constat imperasse, ut eadem epistola ab Italiae præsulibus subscriberetur: si quidem  
<sup>r</sup> ab eo Julianus episcopus, quòd illi subscribere detrectasset, damnatus & dignitate abdi-  
catus est.

Tum verò cùm Romani clerici, quos prævaricationis perinde atque Zosimum deinceps  
Pelagiani accusavere, in præfidis sui sententiam propensis animis concederent; Sixtus presby-  
ter, ille ipse quem <sup>s</sup> caussæ suæ præcipuum defensorem jactabant gratiæ adversarii, <sup>t</sup> pri-  
mus omnium eis anathema in populo frequentissimo pronuntiavit; deque hac re sedulò  
<sup>u</sup> scripsit ad eos, apud quos se Pelagiani de ipsius amicitia efferre solerent: neque suis tan-  
tummodo litteris alienissimum ab hæresi animum declarare, verùm etiam illius sectatores  
ad ipsam ejurandam terrore legum imperialium cœpit impellere.

Quamvis autem Zosimus in suis litteris die 21. Martii datis animum remissum & ad Pela-  
gianos damnandos parum adhuc propensum præ se ferat: Augustinus tamen decretoriam  
illius contra eosdem epistolam inter Africanum anni 417. concilium & plenarium anni  
418. sic ponit, ut hoc ultimo concilio priorem esse significet, aut saltem illud secutam  
adeo celeriter, ut ejus inductu data dici nequeat. Quod, <sup>u</sup> ait, papæ Zosimo de Africa-  
no concilio scriptum est, ejusque rescriptum ad universos totius orbis episcopos missum,  
& quod posteriore concilio plenario totius Africæ contra ipsum errorem breviter con-  
stituimus.... misimus vobis.

Zosimo de Pelagianorum damnatione, quemadmodum par erat, gratulati sunt præsules  
Africani, quorum ex epistola hanc in rem conscripta unum istud à Prospero excerptum  
est, quod & Cælestinus citat. <sup>x</sup> Illud verò, inquietabat illi, quod in litteris tuis, quas ad <sup>y</sup>  
universas provincias curasti esse mittendas, posuisti, dicens, Nos tamen instinctu Dei, <sup>z</sup>  
(omnia enim bona ad auctorem suum referenda sunt, unde nascuntur,) ad fratribus & coë-  
piscorum nostrorum conscientiam universa retulimus: sic accepimus dictum, ut illos qui <sup>“</sup>  
contra Dei adjutorium extollunt humani arbitrii libertatem, districto gladio veritatis, ve-  
lut cursim transiens amputares. Quid enim tam libero fecisti arbitrio, quām quod uni-  
versa in nostræ humilitatis conscientiam retulisti? Et tamen instinctu Dei factum esse, <sup>“</sup>  
fideliter sapienterque vidisti, veraciter fidenterque dixisti. Ideo utique, quoniam præpara-  
tur voluntas à Domino, & ut boni aliquid agant, paternis inspirationibus suorum ipse tan-  
git corda filiorum. Quotquot enim Spiritu Dei aguntur, hi filii sunt Dei. Ut nec nostrum <sup>“</sup>

<sup>a</sup> Hic pag.  
so 4. a. 681.  
<sup>b</sup> Pag. 434.  
<sup>c</sup> Append.  
<sup>d</sup> Ep. 190.  
<sup>e</sup> pag. 70. b. c.  
<sup>f</sup> Ibid. a.

<sup>g</sup> Pag. 89.  
<sup>h</sup> Pag. 113. c.  
<sup>i</sup> Epist. 190.  
<sup>j</sup> Hic pag.  
<sup>k</sup> Append.  
<sup>l</sup> 133. d.  
<sup>m</sup> Append.  
<sup>n</sup> pag. 70. c.  
<sup>o</sup> 71. d.  
<sup>p</sup> Epist. 190.  
<sup>q</sup> n. 22.

<sup>r</sup> Pag. 70.  
<sup>s</sup> 71. d.  
<sup>t</sup> Epist. 190.  
<sup>u</sup> n. 22.

<sup>v</sup> Append.  
<sup>w</sup> pag. 70. c.  
<sup>x</sup> 71. d.  
<sup>y</sup> Epist. 102.  
<sup>z</sup> Epist. 102.

<sup>“</sup> Epist. 102.  
<sup>“</sup> Epist. 102.  
<sup>“</sup> Epist. 102.  
<sup>“</sup> Epist. 102.  
<sup>“</sup> Epist. 102.

<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.

<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.

<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.

<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.  
<sup>“</sup> Epist. 191.

# P R A E F A T I O.

„deesse sentiamus arbitrium, & in bonis quibusque voluntatis humanæ singulis motibus,  
„magis illius valere non dubitemus auxilium.

## *XIX. Pelagianorum damnationem subscribunt episcopi omnes, præter octodecim, qui ex depositi secessionem faciunt, ac generale concilium postulant.*

**ZOSIMUS** decretoriâ sua epistolâ in Pelagianos, ab universis episcopis non modò ut hæresim rejicerent, petebat, sed etiam ut ejus proscriptionem subscriptionibus ipsi suis comprobarent. Hanc re ipsa epistolam <sup>a</sup> narrat Mercator missam per totum orbem, subscriptionibus sanctorum patrum esse roboratam. Id quoque indicare putatur Prosper, <sup>b</sup> pag. 195. cùm dicit, <sup>b</sup> ad impiorum detrunctionem gladio Petri dexteras omnium armatas anti-<sup>f</sup>. stitum; deinde, in eorumdem excidium unam <sup>c</sup> cunctorum sacerdotum manu scriptam <sup>d</sup>. sententiam; ipsorum denique dogmata damnata fuisse conciliis <sup>d</sup> mundique manu. Certè <sup>d</sup> Prosp. de quidem illud ipsum Pelagiani conquesti sunt in hæc verba: <sup>e</sup> Simplicibus episcopis, sine Ingrat. cap. <sup>e</sup> Hic pag. congregazione synodi, in locis suis sedentibus, extorta subscriptio est. <sup>g</sup>

<sup>a</sup> Append. <sup>492. c.</sup> Ea occasione Julianus <sup>f</sup> & reliqui complices ejus, ait Mercator, subscribere detre-<sup>Append.</sup> <sup>492. c.</sup> „stantes, consentaneosque se nolentes iisdem patribus ( qui subscripterant ) facere, non <sup>a</sup> solùm imperialibus legibus, sed & sacerdotalibus statutis depositi atque exauktorati, ex <sup>a</sup> omni Italia deturbati sunt; ex quibus plurimi resipiscentes & à prædicto errore corre-<sup>a</sup> cti, regressi sunt supplices ad sedem Apostolicam, & suscepiti suas Ecclesias recepe-<sup>b</sup> runt. Julianus autem ejusque complices procul dubio erant <sup>g</sup> octodecim illi Pelagianæ <sup>412. c.</sup> factionis antistites, qui non multo pòst litteras ad Rufum Thessalonicensem miserunt.

<sup>b</sup> Append. Nestorius ad Cælestinum papam scribens in gratiam Pelagianorum, nominat <sup>b</sup> Julianum, <sup>c</sup> pag. 129. c. Florum, Orontium, Fabium episcopos: queis <sup>i</sup> Persidium ac Marcellinum addit Ephesina <sup>i</sup> pag. 135. c. synodus. Igitur compellati illi fuere, ut cum Ecclesia universa Pelagium ac Cælestium <sup>a</sup> pag. 113. damnarent, nec non Zosimi subscriberent epistolam. Illi verò id se facturos <sup>k</sup> negarunt, <sup>a. c.</sup> causati videlicet, fas non esse, absentes ac inauditos, quique libellis suis errores sibi impositos <sup>1 Hic pag.</sup> proscriptiissent, infami sententiâ afficere. Hac de re Julianus dedit <sup>l</sup> epistolas ad Zosimum <sup>280. f.</sup> duas, quarum altera quæ ejus abdicatione prior apparebat, ille ipse forsitan <sup>m</sup> libellus fidei <sup>m</sup> Append. <sup>pag. 110. b.</sup> est, qui nostra ætate ex Veronensi codice prodire cœpit, plurimorum episcoporum, nempe <sup>a</sup> pag. 113. istorum octodecim qui se Juliano conjunxerant, nomine scriptus. Primis tribus partibus fidei <sup>b.</sup> professio non multùm à Pelagiana & Cælestiana suprà memoratis discrepans continetur: fa-<sup>b.</sup> tentur tamen per Adam omnes mori, sed peccatum originale, quod ipsi naturale vocitant, plani-<sup>c.</sup> nissimè rejiciunt. Pelagium quoque ac Cælestium abundè fidem suam, rejectis qui sibi falsò <sup>d.</sup> imponebantur erroribus, probasse existimant. In extremis partibus, ubi rationem red-<sup>e.</sup> dunt, <sup>n</sup> cur hæresiarchas illos damnare nolunt, quòd videlicet audití ipsi non fuissent, hanc in rem iisdem locis, quibus antè Zosimus in Africanos, abutuntur, tamquam hoc pa-<sup>f.</sup> cto mutatam ei sententiam exprobrantes. Dicunt se, <sup>o</sup> tametsi & muneric sui & Chri-<sup>1 Ibid. a. d.</sup> stianæ caritatis sit, quos reos esse non viderent, hos tueri velle, tamen medios, sicuti pro-<sup>1 Ibid. a. d.</sup> miserant, manere, ut eosdem neque inauditos damnent, neque absentes defendant. Ponti-<sup>1 Ibid. a. d.</sup> ficem, si quidpiam in his <sup>p</sup> quæ de doctrina sua & fide ad eum scribunt, minus prober, id sibi significare posse dicunt: at verò si injuriâ urgeantur, se statuisse nullis vexationibus quantumlibet violentis cedere: ac præterea ad plenariæ synodi judicium se provocare, Pontifici declarant.

Zosimus porrò professione fidei prorsus Pelagiana haud quaquam contentus esse poterat. Quapropter constat Julianum ejusque socios ecclesiasticâ sententiâ ab eodem dictâ pontifice, quem idcirco Juliani <sup>q</sup> damnatorem vocabat Augustinus, de gradu dignitate que dejectos fuisse. Relata fuit in tabulas hæc sententia; quando quidem in Ephesina sy-<sup>1 Hic pag.</sup> nodo <sup>r</sup> acta depositionis Pelagii, Cælestii, Juliani, Persidii, Flori, Marcellini, Orontii & <sup>504. a.</sup> <sup>1 Append.</sup> sociorum, lecta & confirmata fuere.

Post hanc etiam, uti nobis videtur, condemnationem suam Julianus epistolam aliam, <sup>1 Pag. 115. b.</sup> cuius excerpta legere est <sup>s</sup> apud Mercatorem, Zosimo scripsit: ubi quosdam ex erroribus in Cælestio damnatis specie tenus reprobat, quos aperte postea docere non est veritus. <sup>t</sup> Seq. Ante quam in manus Pontificis epistola hæc perveniret, per totam penè Italiam nonnul-

# P R A E F A T I O.

lorum à Juliano deceptorum studio circumlata erat, & cum permultis tamquam egregium quoddam opus communicata. Aliam quoque idem Julianus confirmandis iis, qui Pelagianorum partes sectabantur, Romam sub anni 419. exitum misit. Illic <sup>a</sup> profitebatur se cum <sup>Hic pag.</sup>  
Manichæis, id est, Catholicis, tum temporis non communicare. Et re ipsa dissidium ab eis <sup>413. b.</sup>  
cum Ecclesia factum <sup>b</sup> testatur Augustinus. Ii <sup>c</sup> presbyteros suos atque episcopos aliquan- <sup>b Ser. 181.</sup>  
tisper habuerunt: verùm cùm ea factio semper tenuis admodum infirmaque fuerit, sacrissimis <sup>n. 3.</sup>  
ædibus in quas convenirent destituebantur. Quocirca eorum plerique non dubitabant in <sup>c Append.</sup>  
ecclesiis Catholicorum venire, & unà communionem accipere: isti tamen & ceteris factio- <sup>65. b. c.</sup>  
nis suæ horrore erant, & sicubi deprehendebantur à Catholicis, puniebantur severissimè.

Etsi autem factiosi se cum <sup>d</sup> Catholicis, quos Manichæos per injuriam nominabant, <sup>d Hic pag.</sup>  
communicare nolle jactarent: nullam tamen operam aut industriam prætermisere, ut ex- <sup>c. 430.</sup>  
communicationis pœnam à se ipsis amoverent. Hi sanè ad imperatorem Honorium <sup>e</sup> a- <sup>e Pag. 878.</sup>  
diere, à quo judices ecclesiasticos, qui negotium ad examen revocarent, postularunt,  
caussati se per dolum & fraudem condemnatos. Verùm illorum molitiones Valerius Comes  
auctoritate sua fregit, obstititque ne tempus ac locus examinandæ rursus eorum caussæ ab  
Imperatore assignaretur. Ac meritò quidem Honorius, cùm de antiqua catholica fide du-  
bitari nollet, nequaquam novas disceptationes fidei inimicis concedendas esse ratus est,  
verùm eos legum potius ac disciplinæ severitate coercendos. Atque ita Ecclesiæ auctori-  
tati suam junxit, & Julianum aliosque, quibus episcopatum <sup>f</sup> Zosimus ademerat, ejicien- <sup>f Append.</sup>  
dos ex Italia curavit. Quo tempore id factum fuerit, nondum liquidò apparet: neque <sup>pag. 71. d.c.</sup>  
fortè contigit ante annum 419. quo Imperator sanctione nova <sup>g</sup> propositis abdicationis at-  
que exsiliis pœnis universos antistites ad comprobandum subscriptionibus suis damnatio-  
nem hæresiarcharum adstrinxit: quod dicit à se constitutum ad quorundam episcoporum  
pertinaciam corrigendam, qui pravas eorum disputationes vel tacito consensu adstruunt,  
vel publica oppugnatione non destruunt.

Negatam sibi concilii copiam multùm questi sunt Pelagiani: eamque <sup>h</sup> denegationem <sup>h Hic pag.</sup>  
in victoriæ suæ argumentum trahere voluerunt. Julianus certè diffidentiam <sup>i</sup> Catholicis quo- <sup>i</sup> <sup>ss. d.</sup>  
dam modo insultabundus, ob recusatam sibi suisque audientiam, objectabat. Respondit <sup>i</sup> <sup>Pag. 430.</sup>  
Augustinus, eorum caussam <sup>k</sup> ab episcopis competenti habitu judicio abundè discussam, <sup>k Pag. 493.</sup>  
alio examine haud indigere: <sup>l</sup> deinde apertam nimis esse hæresis Pelagianæ perniciem; <sup>a. 555. b.</sup>  
& hæreses plerasque sine generalium synodorum convocatione fuisse damnatas: at ipos <sup>l Pag. 492.</sup>  
orbem catholicum, quem pervertere nequeant, conari saltem commovere; necnon quâ <sup>f. & seq.</sup>  
superbiâ volunt, non in Deo, sed in se gloriari, hanc etiam captare gloriam, ut propter illos  
Orientis & Occidentis synodus congregetur: similes hac in re <sup>m</sup> Maximianistis, qui se ad <sup>m Pag. 555.</sup>  
agendum in Carthaginensi collatione caussam suam admitti petebant, nihil aliud cupien-  
tes, nisi exiguitatem suam nomine saltem certaminis consolari, & inde videri aliquid apud  
eos quibus contemptibiles erant, quòd inire cum Catholicis finerentur examen.

*XX. Pelagii fallacias libris de gratia Christi & de peccato  
originali editis retegit Augustinus. Idem ad Optatum scribit,  
ad Mercatorem, & ad Sextum.*

PELAGIANA hæresi cum suis auctoribus à Zosimo jam condemnatâ, cùm Cartha-  
gine adhuc post plenarium anni 418. concilium ageret Augustinus, conscripsit in ejusdem  
hæresis autores libros duos, in quibus, quidquid Africani antistites in litteris ad Zosi-  
num, quarum jacturam dolemus, ad retegendas Cælestii vel Pelagii fraudes afferebant,  
reperi posse opinamur. His libris occasionem præbuit colloquium Piniani, Albinæ ejus  
matris, conjugisque Melaniæ cum Pelagio, habitum fortè in Palæstina: nam ille quidem  
anno 415. ibi versabatur, & anno 417. Jerosolymitanus episcopus Praylius Romam unà cum  
ipso atque in ipsius gratiam litteras misit: Albina autem, Pinianus, & Melania inde anno  
419. per Hieronymi litteras Augustinum salutarunt. In eo colloquio egerant illi cum Pelagio,  
ut errores omnes, quorum insimulabatur, calamo proscriberet. Qua de re Pelagius ipsis  
responderat primùm, <sup>n</sup> à se anathemari, qui vel sentit, vel dicit, gratiam Dei, qua Chri- <sup>a Pag. 229.</sup>  
stus venit in hunc mundum peccatores salvos facere, non solùm per singulas horas, aut per <sup>b.</sup>  
singula momenta, sed etiam per singulos actus nostros non esse necessariam. Tum se, <sup>o</sup> ~~et~~ <sup>o Pag. 245.</sup>  
<sup>b. baptismum</sup> unum tenere, quod iisdem sacramenti verbis in infantibus, quibus etiam in majo-

# P R A E F A T I O.

*ribus diceret esse celebrandum : & cùm ulterius interrogaretur ; infantes in remissionem peccatorum percipere baptismum , ore proprio confessus erat. Ipsis etiam <sup>a</sup> recitavit libellum , quem Romam ad Innocentium miserat : deque hoc apud eosdem <sup>b</sup> questus est , quòd in Cælestii damnatione , non quidem à Zosimo , nec enim id jam ad ejus aures pervenisse crediderimus , sed ab Innocentio Afrisque episcopis esset comprehensus : at è contrario suam à Diopolitana synodo innocentiam declaratam fuisse gloriabatur.*

Veteroris hujus dolos & ambiguitatum nodos neque Pinianus , neque præsentes matronæ pervidere valuerunt. Quapropter eo modo , quo in votis habebant , <sup>c</sup> loquentem illum audivisse , ipsis quidem gratissimum accidit : non ausi tamen in re tanta ingenio suo credere , Augustinum tamquam oculatissimum consulere de illius verbis maluerunt. Datis igitur communi nomine litteris eidem sermonem , quem cum Pelagio contulerant , significavere ; quid super eo sentiret , sciscitantes. Harum litterarum perlato sanctum Præsulem , ut jam dictum antea , reperit <sup>d</sup> Carthagine : ubi quamvis negotiis multò quām alibi densioribus occuparetur , non tamen responsum distulit diutius , nec minus reddidit , quām volumina duo , *de gratia Christi* unum , alterum *de peccato originali*. In his quānam esset Pelagii vera mens circa hoc utrumque caput , ex illis ipsis operibus docet , quæ haeresiarcha ille sui purgandi caussā in epistola ad Innocentium citabat ; maximè verò ex ejus libris de libero arbitrio , in quibus quoniam Pelagius Ambrosii per quām honorificam faciebat mentionem , ac ejus fidem eximia commendatione prædicabat , illi Augustinus in utriusque voluminis sui calce ejusdem antistitis varia opponit testimonia.

Primo quidem volumine ostendit Pelagium gratiam vel in natura & libero arbitrio , vel in lege ac doctrina collocare ; prætereaque ipsum velle gratiâ solam voluntatis & actionis possibilitatem , ut vocabat , non ipsam voluntatem & actionem adjuvari ; & illam insuper adjuvantem gratiam secundū merita dari , atque ad id solum juvare homines , ut præcepta facilius possint implere. Itaque locos omnes opusculorum ejus , quibus ille gratiam disertè à se commendatam jaicitabat , de lege ac doctrina , seu de divina revelatione ac de Christi exemplo , quæ ad doctrinam & quæ revocantur , aut de peccatorum remissione interpretari posse demonstrat ; neque apparere omnino an verè Christianam gratiam , id est , <sup>e</sup> adiutorium bene agendi adjunctum naturæ atque doctrinæ per inspirationem flagrantissimæ & luminosissimæ caritatis agnoscat Pelagius. Quem etiam in quæstione de originali peccato ac de parvolorum baptismate nihil re ipsa à discipulo ipsius Cælestio dissentire , secundo volumine ostendit : post cujus medium refellit novam illam adversus originale peccatum argumentationem , fortè à Theodoro Mopsuesteno <sup>f</sup> excogitata : *Ergo* , objectabant adversarii , *malum sunt nuptiae , & non est opus Dei homo quem generant nuptiae*. Hoc rursum in volumine , quæstionem de originali vitio non earum esse , in quibus præter fidei periculum errare contingit , quod Pelagiani , ne haeretici dicerentur , volebant , sed eam ad fidei caput pertinere , demonstrat. Isthic etiam narrat <sup>g</sup> quæ sub Zosimi pontificatu Romæ circa Pelagium ac Cælestium fuerant gesta , & quo tandem pacto uterque damnationis sententiâ notatus esset. Quin & hisce duobus voluminibus <sup>h</sup> libellum à Cælestio Pontifici oblatum junxit , additis omnibus iis quæ illud idem negotium spectabant ; atque haud scimus an non decretoriam quoque Zosimi epistolam , ad quam <sup>i</sup> Albinam , Pinianum , & Melaniam remittit , annexandam curaverit.

Inter id temporis alia sancto Præsuli occasio , ut novis suscepitis laboribus amorem erga Ecclesiam suum testatiorem faceret , oblata est à Zosimo papa , <sup>k</sup> qui tum ipsum , tum alios aliquot episcopos , Cæsaream Mauritaniæ ob ecclesiasticam aliquam necessitatem profici , missis ea de re litteris compulit. Cùm ergo Carthagine <sup>l</sup> digressus est , hinc in Mauritiam Cæsariensem perrexit ; in cuius provinciæ urbe primaria , Cæsarea videlicet , quæ & regioni nomen dedit , die 20. Septembris hujus ipsius 418. anni versabatur. Illic verò licet rebus aliis occupatus , epistolam ad Optatum episcopum de animæ origine , Muresse episcopo suadente , Renato autem monacho vehementer instantे , dare compulsus est : quam tamen se relictâ jam urbe Cæsareâ scripsisse significat verbis illis , <sup>m</sup> *cum in suprà dicto oppido remoraremur*. Hac in epistola sedulò monet , sic tractetur perplexa illa quæstio , ut integra sit in primis fides , qua credimus neminem nasci ex Adam , nisi vinculo damnationis obstrictum , neminem inde liberari , nisi renascendo per Christum : & caveatur nova Pelagiana haeresis , toto jam Christiano orbe damnata , quæ adversus Dei gra-

<sup>a</sup> Hic pag.

<sup>b</sup> 253. b.

<sup>c</sup> Pag. 256.

<sup>d</sup>.

<sup>e</sup> Pag. 229.

<sup>f</sup> a.

<sup>g</sup> Pag. 246.

<sup>h</sup> d.

<sup>i</sup> x. I.

<sup>j</sup> Hic pag.

<sup>k</sup> 255. g &

<sup>l</sup> seq.

<sup>m</sup> Pag. 244.

<sup>n</sup> a.

<sup>o</sup> Pag. 263.

<sup>p</sup> a. b.

<sup>q</sup> 1. Epist. 190.

<sup>r</sup> n. 1. & Pos.

<sup>s</sup> fid. c. 14.

<sup>t</sup> 1. Epist. 193.

<sup>u</sup> n. 1.

<sup>v</sup> 1. Epist. 190.

<sup>w</sup> n. 1.

# P R A E F A T I O.

tiam disputando , antiquissimæ fidei molitur fundamenta convellere. Mittit quoque Optato exemplum recentium litterarum , sive quæ specialiter ad Afros , sive quæ universaliter ad omnes episcopos in illius hæresis damnationem datæ sunt à Zosimo papa : in quibus litteris ipsa etiam Pelagii contra peccatum originale argumentatio inter alia dicta ejus damnabilia referebatur. Tandem ex litteris iisdem Zosimi , quæ hactenus desiderantur , fragmentum huic epistolæ suæ sanctus Doctor inferuit.

Augustinus Hippoñem reversus ,<sup>a</sup> litteras illic reperit à Mercatore sibi directas : librum quoque ejus labore adversus Pelagianos compositum , quem ille sancto Doctori considerandum probandumque mittebat. Jam aliæ ejusdem litteræ ad ipsum Carthagine agentem , ante quām Cælaream iret , allatæ fuerant , quibus quidem nihil responsi redditum querebatur Mercator paulum asperè & cum indignatione quadam : at id gratissimè accepit Augustinus , quod isthæc indignatio sibi videretur non esse simultatis initium , sed indicium caritatis. Cùm itaque Albini Ecclesiæ Romanæ acolythi se tunc obtulisset occasio , huic responsionem dedit ad Mercatorem perferendam. Eò jam adducti erant Pelagiani ,<sup>b</sup> ut *infantes confiterentur per eos à quibus baptizandi offeruntur , credere* : at excipiebant ,<sup>b Ibid. n. 3.</sup> (quemadmodum significaverat Mercator ,) *non ita credere in remissionem peccatorum , tamquam & illis remittantur ; sed hanc remissionem credere fieri in aliis , quæ non fit in eis.* Verum hoc ipso quod parvulos in baptismo quadam ratione credere fatentur , facere non posse adversarios , quin originale in eis peccatum admittant , contendit Augustinus. Deinde monstrat ,<sup>c</sup> eosdem ex Enoch & Eliæ ante obitum translatione , sive ex fidelium vivorum ad Christi adventum raptu , frustra argumentari , ut mortem pœnam peccati non esse suadeant. Quod ad quæstionem resurrectionis ,<sup>d</sup> an aliqui scilicet verè ex ista mortalitate ad immortalitatem sine media morte transituri sint , de hoc edoceri ab aliis cupit : quia plus amat discere , quām docere. Nam ut discamus , inquit , invitare nos debet suavitas veritatis ; ut autem doceamus , cogere necessitas caritatis.

Idem ille Albinus superioris epistolæ portitor ,<sup>e</sup> illam quoque breviorem duarum ad Sixtum detulit , qua huic Romano tum presbytero , postea autem pontifici , gratulatur Augustinus , quod adversus Pelagianos , quibus ipsum favere rumor fuerat , defensionem gratiæ Dei suscepit : hortaturque curam adhibere pergit , non solùm ut ii coercentur , qui errorem sive liberiūs garrire adhuc , sive secretiūs insurrare non cessant , sed etiam doceantur sanenturque illi , qui etsi præ timore taceant , cum forte animo fovere non desinunt.

Haud multo post Albini profectionem Firmo presbytero Romam ex Africa remeanti dedit prolixiorum ad eumdem Sextum epistolam ; quam aliquot post annis dicebat ,<sup>f</sup> eo tempore à se scriptam , quo adversus Pelagianos accrima conflicitatione certabatur. Horum ibi effugia & subtiliora quæque contra Dei gratiam argumenta dissolvit : qualia hæc erant ,<sup>g</sup> primū , *Auferrī liberum arbitrium , si nec ipsam bonam voluntatem sine adjutorio Dei habeamus.* Deinde , *Injustum esse , in una eademque mala caussa , hunc liberari , illum puniri* : ac proinde , gratiam quam in Palæstina synodo confessus est Pelagius sine ullis precedentibus meritis dari , ipsam humanam esse naturam in qua conditi sumus. Præterea , *Excusaturos se homines , qui nolunt rectè & fideliter vivere , dicentes , Quid nos fecimus , qui male viximus ; quando quidem gratiam unde bene viveremus , non accepimus ?* Ad hæc , Personarum acceptorem fieri Deum , si in una eademque caussa super alios veniat misericordia ejus , super alios verò maneat ira ejus. Itaque , Nondum natorum ideo alium odiſſe , puta Esau , alium scilicet Jacob , dilexisse , quia eorum futura opera prævidebat. Nam Deus , inquietabat , in eis quos hinc aufert , prævidet quemadmodum victurus esset quisque , si viveret ; & ideo quem nequiter novit fuisse victurum , sine baptismo facit emori , sic in eo puniens opera mala , non quæ fecit , sed quæ facturus fuit. Refellit quoque eosdem hæreticos contra peccatum originale sic arguentes : *Quomodo , aiebant , peccatum transit in filios fidelium , quod in parentibus non dubitamus dimissum esse per baptismum.* Et hic rursum expludit quod Mercator indicaverat ab illis excogitatum effugium , ut dicerent , *Parvulos veraciter quidem per ora gestantium respondere , in remissionem se credere peccatorum , non tamen quia sibi remittantur , sed eis in quibus intenuntur.* His funditus eversis Augustinus rogat , ut sibi Sixtus , & quæ alia Pelagiani adversus catholicam fidem excogitabunt , & quæcumque adversus eos ipse pro fide catholica differet , nota facere non omittat.

In epistola ad Asellicum hoc fortè 418. exeunte anno data , observat Pelagianam hære-

# P R A E F A T I O.

<sup>a Epist. 19. c.</sup> s'm in Judaismum quodam modo incidere : \* hujus verò impietatis assertores acerrimos,  
<sup>b n. 7.</sup> Pelagium & Cælestium, recenti judicio etiam catholica communione privatos, in sua  
adhus, propter cor impænitens, damnatione persistere.

**X X I.** *Augustinus librum de nuptiis & concupiscentia primum  
mittit Valerio. Episcopi anno 419. jubente Honorio Pelagianorum  
damnationem subscribunt. Augustino de jugulata Pelagiana  
hæresi gratulatur Hieronymus. Vincentii Victoris placita  
quædam Pelagiana hisque deteriora confutantur.*

D u m Augustinus profanas Pelagianorum novitates scriptis confutabat, eorumdem conatus Valerius Comes auctoritate sua & gratiâ apud Principem comprimebat. Hac quippe ratione, ne concilium ab illis post suam ipsorum damnationem expeditum concederetur, efficaciter obstitit: quod Comitis in Ecclesiam obsequium in ejus laude ponit <sup>b</sup> sanctus Antistes. At hæretici, quò potentis hominis patrocinium eriperent Ecclesiæ, atque à Catholicorum doctrina eum absterrerent, <sup>c</sup> litterarum ei quiddam scripsérunt, quo Augustinum originale peccatum asserendo nuptias damnare significabant. Calumniam illam Valerius fide robustissima præditus exploserat irriferatque: Augustinus tamen doctrinam Ecclesiæ contra ejusmodi criminationem sibi defendendam esse putavit. Hac igitur de causa primum composuit duorum librorum, quos *de nuptiis & concupiscentia inscripsit*. In hoc quæ sint nuptiarum bona demonstrat, hæc distingueens à concupiscentia, quam omnino esse malum, non de natura nuptiarum veniens, sed nuptiis ex antiquo peccato allatum; eoque nihil minus malo conjugalem pudicitiam bene uti ad liberorum procreationem asserit. Propter hanc autem concupiscentiam fieri, ut etiam de legitimis nuptiis filiorum Dei nascantur filii sæculi, qui peccati vinculo, licet ab eo liberatis parentibus, obstricti sunt, atque sub diaboli potestate captivi, nisi eadem similiter Christi gratiâ liberentur. Exponit quomodo concupiscentia in baptizatis maneat actu, non reatu. Baptismi autem sanctitate non hunc tantummodo originalem reatum, sed peccata alia & omnia prorsus hominum mala auferenda esse docet.

<sup>d Pag. 415. g.</sup> Librum hunc primum post damnationem <sup>d</sup> Pelagii Cælestiique conscripsit, anno ineunte 419. aut exeunte 418. quo anno 418. epistolæ à Valerio tres, <sup>e</sup> unam per Vindemialem episcopum, & duas per Firmum presbyterum, per quem Sixti litteræ simul allatæ sunt, recepit. Plura verò de Valerio se Firmi relatu didicisse, Augustinus responsione sua, cum eodem data libro, testatur: atque inter hæc forte, illud etiam quod se auditione accepisse postea <sup>f</sup> recolebat, ex eodem Firme comperit, puta Pelagianos de ipso scripsisse ad Valerium, quòd nuptias peccatum originale asserendo damnaret: quod adversus originalem culpam commentum novum refellere jam <sup>g</sup> alibi hoc anno 418. cœperat. Istum librum à se inter ecclesiasticas, ut ait, <sup>h</sup> curas, non sine molestia propter longitudinem & questionis difficultatem elaboratum, ut Valerio Comiti potissimum dicaret, multæ rationes impulerunt. Hinc tamen Julianus occasionem arripuit jactandi, eum non alio consilio illud scripsisse <sup>i</sup> ad militarem Virum, nisi ut ab ipso impotentia contra adversarios precaretur auxilium. Ad quod Augustinus: Non impotentia, inquit, contra vos precamur auxilium; sed pro vobis potius, ut ab ausu sacrilego cohibeamini, Christianæ potentia laudamus officium. Excepérunt eumdem librum obviis manibus Catholicæ: quæ res Pelagianorum querelas expressit, atque exacerbato publica hac approbatione Juliani animo, pluribus utrinque scriptis caussam præbuit.

Nescimus an ejusdem Valerii Comitis instantia accepta referenda sit altera Honorii contra Pelagianos data sub hoc tempus constitutio, an potius curis ac precibus Bonifacii Romani jam episcopi. Nempe Zosimo sub anni 418. exitum defuncto, ejus in locum, non sine quadam populi Romani de constituendo episcopo dissensione, (quam quidem Julianus <sup>k</sup> divinæ ultioni ob damnatos ab Romana Ecclesia Pelagianos impudenter tribuebat,) suffectus est Bonifacius. Is summo studio gratiæ Christi adversarios, cum auctoritate sua apostolica; tum <sup>l</sup> edictis Imperatorum, debellavit. Hujus ergo forsitan diligentia adsignanda epistola Honorii Aurelio episcopo V. Idus Junias an. 419. scripta. <sup>m</sup> Honoriū ibi significat, à se constitutionem, quam anno superiore dederat adversus Pelagium atque Cælestium, <sup>n</sup> novissimè

<sup>l</sup> Append. pag. 195. f.  
<sup>m</sup> P. 109. d.  
<sup>n</sup> Epist. 201. inter Aug.

# P R A E F A T I O.

renovatam esse ; simulque sancitum , ut quisquis eos , ubicumque terrarum agerent , sciens non denuntiaret aut expelleret , ipsemet in exsilium pelleretur. Huc addit , esse antistites , qui eorumdem hæreticorum prava dogmata non palam oppugnare atque evertere stude- rent , immo ea tacite quodam modo approbare viderentur. Ac proinde ab Aurelio uni- versos admoneri oportere sui officii , nec non omnes episcopos ad subscribendam Pelagii atque Cælestii damnationem adigi , sub iis penit , ut recusantes dignitate sua exuantur , expellantur e suis urbibus , & à communione in perpetuum resecantur. Hujus epistolæ ad Aurelium contra Pelagianos ab Honorio datæ <sup>a</sup> meminit Photius.

Epistola autem distinguenda videtur à constitutione , quam Aurelio simul mittebat Ho- <sup>a Append.</sup>  
norius , & quâ subscribendi rationem distinctius præcipiebat. Id intelligere est ex Aurelii <sup>b</sup> litteris ad episcopos Byzacenæ provinciæ atque Arzugitanæ Kalendis Augusti hac de re <sup>b Pag. 109.</sup>  
datis : in his si quidem satis aperte constitutionem imperatoriam ab epistola sibi directa <sup>f. &c. seq.</sup>  
fecernit , quam epistolam & ad eosdem deferri curat ; eosque omnes , tam videlicet qui condemnationem illam in plenario totius Africæ concilio anni proximè elapsi jam sub-  
scriperant , quām quibus eidem interesse non licuerat , ad subscribendum cohortatur ; ne  
in quoquam ipsorum vel negligentia , vel dissimulationis , aut occultæ cujusdam propen-  
sionis in hæresim suspicio ulla resideat.

Eadem porrò epistola ab Imperatore similiter inscripta est <sup>c</sup> Augustino ; quippe cui ho- <sup>c Ibid. d.</sup>  
nores minimè sedi suæ Hipponeñsi debitos propria virtus promerita fuerat. Et sanè ipsi  
potiori jure , quām alii cuiquam , id convenit , quod hac epistolâ profitetur Honorius : In  
quo , ait , id est Pelagio damnando & Cælestio , secuta est Clementia nostra judicium Sancti-  
tatis tuæ , quo constat eos ab universis justa sententiæ examinatione esse damnatos. Etsi enim  
Africanorum antistitum <sup>d</sup> ardor magnum momentum ad victoriam de Pelagianis ab Ec- <sup>d Pag. 68.</sup>  
clesia reportatam contulerit : ejus tamen præcipua laus debetur diligentia scientiæque <sup>b</sup>  
Augustini , de quo <sup>e</sup> Prosper , <sup>c Ibid. e.</sup>

*Istius ergo inter cunctos , qui de grege sancto  
Insanas pepulere feras , industria major ,  
Majus opus , totum præstantius imbuit orbem.*

Hic ille antistes , jure merito <sup>f</sup> PRÆCIPUA PORTIO DOMINI SACERDOTUM <sup>f Pag. 164.</sup>  
dictus , <sup>g</sup> cujus ductu catholica acies inimicos gratiæ Dei vicit , in quorum excidium unam <sup>c.</sup>  
cunctorum sacerdotum manu sententiam scripsit. Et hoc quidem sensu gloriosum illud <sup>g Pag. 171.</sup>  
crimen Augustino Julianus exprobrabat , eum <sup>h</sup> CAPUT HORUM , quæ in Pelagianos <sup>h Hic pag.</sup>  
acta querebatur , ET CAUSSAM MALORUM extitisse. <sup>993. c.</sup>

Ob tam insigne Augustini in Ecclesiam meritum , Hieronymus post devictos eosdem  
hæreticos ipsi scribens sub annum fortè 418. testatur , <sup>i</sup> venerationem in eum suam & di- <sup>i Epist. 195.</sup>  
lectionem , quæ jam antè planè cumulata videbatur , tanto nihilo minus auctam esse cu-  
mulo , ut ne unam quidem horam sine illius mentione durare possit. Tum eas , quas Ro-  
ma passa fuerat fidei causa , difficultates procul dubio indicans , addit , ipsum contra flan-  
tes ventos ardore fidei perstitisse. Tandem subjungit eximiam illam sancti Viri lauda-  
tionem : Macte virtute , in orbe celebraris : Catholici te conditorem antiquæ rursum fidei <sup>“</sup>  
venerantur atque suspiciunt ; & quod signum majoris gloriæ est , omnes hæretici detestantur. <sup>“</sup>

Hac in re sanè Alypius gloriæ Augustini particeps fuit , à Juliano per injuriam <sup>k</sup> ap-  
pellatus vernula peccatorum ejus. Hinc anno 419. in <sup>l</sup> epistola utrique inscripta idem Hiero- <sup>k Hic pag.  
877. f.</sup>  
nymus , Testem , ait , invoco Deum , quod si posset fieri , assumptis alis columbæ , vestris <sup>l Epist. 202.</sup>  
amplexibus implicarer , semper quidem pro merito virtutum vestrarum , sed nunc maxi-  
mè quia COOPERANTIBUS ET AUCTORIBUS VOBIS HÆRESIS CÆLESTIA-  
NA JUGULATA EST. Eisdem in fine Albinæ , Piniani , Melaniæ , & Paulæ junioris no-  
mine salutem dicit : hanc autem epistolam <sup>m</sup> Hieronymi , qui subsecente anno migravit <sup>m Baron. ad  
an. 419.</sup>  
ad superos , ultimam nobis restare putant.

Inter illud tempus quæstionem perplexam de animarum origine , quam ab Hieronymo  
explicari sibi Augustinus expetierat , cùm temere tractandam in se receperisset Vincentius Vi-  
ctor , juvenis ex Mauritania Cæsariensi , catholicæ doctrinæ rudis atque expers , in er-  
rores Pelagianos quosdam & iis peiores impegit. Nam inter alia dicebat , <sup>n</sup> *Quod ani- <sup>n Hic pag.  
334. d.</sup>*  
*ma meruerit esse peccatrix , ante omne peccatum. Contendebat , Infantes ante quām bapti-  
zentur , morte preventos , pervenire posse ad originalium indulgentiam peccatorum. Præterea ,*

## P R A E F A T I O.

quos Dominus prædestinavit ad baptismum , prædestinationi ejus eripi posse , & ante defungi , quām in eis fuerit , quod Omnipotens prædestinavit , impletum . Ad hæc , Aliquos eorum , qui sine baptismo Christi ex hac vita emigraverint , interim non ire in regnum , sed in paradisum ; postea verò in resurrectione mortuorum etiam ad regni cælorum beatitudinem pervenire .

Victorem Augustinus sub hujus anni 419. finem quatuor libris refutavit . Ac erranti quidem juveni , quamvis idem <sup>a</sup> deterius saperet quām Pelagius , id patrocinari posse vidit , quod in operis sui exordio <sup>b</sup>modestè atque humiliter profitebatur , <sup>b</sup> in judicando de suo opere , non credere se sibi , nec propriam sententiam tueri , si improbabilis reprehenderetur ; sed sibi cordi esse , proprio judicio damnato , meliora & veriora sectari . Ea porrò modestia , quam sinceram fuisse eventus comprobavit , bonam in eo mentem dēnotabat ; ac simul faciebat , ut opinando fidei adversa catholicæ , non tamen à fide catholicæ recederet . <sup>c</sup> Iste quippe animus , inquit Augustinus , etiam in dictis per ignorantiam non catholicis , ipsâ est correctionis præmeditatione ac præparatione catholicus . Quapropter juvenilem quidem arrogantiam eâ vehementiâ , quâ par fuit defendi fidem , coercuit sanctus Doctor : sed interim tamen lenitatis quantum licuit , adhibere curavit : quod nimirum juvenem non præproperè detestandum , sed adhuc docendum putaret ; nec damnari , sed emendari cuperet . Neque profectò spes eum fecellit ; nam responsum <sup>d</sup> accepit à Victore , quo se is demum errores abjecisse testabatur .

Prodierunt circiter anni ejusdem 419. finem , cùm epistolæ Pelagianorum duæ , una Romanam , altera Thessalonicam missa , tum Juliani contra librum primum de nuptiis & concupiscentia volumina quatuor . Hæc volumina dupli opere , uno ad Valerium , alio ad Claudium directo ; illas autem epistolas libris ad Bonifacium scriptis , quemadmodum confutaverit Augustinus , jam narraturi sumus .

### *X X I I . Augustinus anno 420. librum de nuptiis & concupiscentia secundum , necnon quatuor ad Bonifacium contra duas epistolas Pelagianorum libros conscribit .*

L I B E R ad Valerium Comitem primus circiter anni 419. exordium scriptus vix in lucem prodierat , cùm Julianus episcopus Pelagianus , qui Christianorum quorumque animos ejus lectione in <sup>e</sup> odium hæresis commoveri intelligebat , quatuor contra eum grandes libros evulgavit . His ille Augustini librum , ut sibi quidem blandiebatur , omnino revinebat : quamvis ejus partem <sup>f</sup> nec quartam adtingeret , contentus quæ infirmiora videbantur exagitare . At se futuræ adversarii expostulationi satis occurrisse existimabat præfatione sua , qua <sup>g</sup> professus erat , se silentio , quæ ad rem probandam nihil conferrent , prætermissee . Veritatis <sup>h</sup> præsidio destitutus , configiebat ad convicia , quibus passim quatuor suos libros perfundebat . Augustinum & catholicos omnes Manichæorum nomine designabat . Detrahebat <sup>i</sup> etiam nonnullis , qui à Pelagiana secta se se ad Ecclesiam receperant : sed Valerium Comitem <sup>k</sup> tractabat honorificentiū . Hos ille libros Turbantio <sup>l</sup> ejusdem sectæ episcopo nuncupavit .

Eodem quoque tempore epistola <sup>m</sup> Romam auctore , ut ferebatur , Juliano missa est , per quam , quos posset , ut cum Augustino loquamur , suos aut inveniret , aut faceret ; nimirum quotquot in magna illa civitate posset , seducere studens , metu horroreque errorum eorum , quos Catholicis Manichæorum nomine traductis imponebat . Ibidem <sup>n</sup> audientiæ , hoc est , synodi , quam Pelagiana factio flagitabat , recordatur . Videtur autem Julianus vana quadam de caussa voluisse illam <sup>o</sup> abnegare : Augustinus verò sincera-ne sit , an ficta ejusmodi abnegatio , parum curans , Juliano ut suam esse hanc epistolam inficietur concedit . Quod porrò in eadem scriptum est , <sup>p</sup> ab suis ipsorum inimicis ea , quæ Augustinus eorum adversarius sparserat , in veritatis odium excepta fuisse , id similiter in epistola Pelagianorum octodecim episcoporum ad Thessalonicensem antistitem directa legebatur . Unde sub idem tempus eam quoque scriptam fuisse , conjectare licet . Hac illi Rufum Thessalonicensi tum Ecclesiæ præfectum ad suas partes allicere tentabant , ejus videlicet atque aliorum orientalium antistitum societatem adversus impiam Manichæorum hæresim , toto Occidente susceptam , poscentes . In eo quippe sita erat omnis illorum industria , ut Catholicis horribili hæresi , quam

# P R A E F A T I O.

quam omnes cum illis pariter exsecabantur, impactâ, proprios errores obtegerent, atque naturâ, lege, liberoque arbitrio commendatis, gratiam condemnarent. Hanc epistolam ipse Julianus <sup>a</sup> citat.

Fecit Romanorum <sup>b</sup> catholicorum vigilancia atque sedulitas, ut utraque hæc epistola in <sup>b</sup> <sup>c</sup> <sup>d</sup> pag. 413. Bonifacii papæ manus veniret. Hic illas Augustino curavit deferendas per Alypium; quem <sup>a</sup> inde colligunt in Italiam id temporis profectum esse: cuius quidem itineris caussam ignoramus: constat verò illum <sup>c</sup> & Romam, & Ravennam petuisse.

Is Ravennæ Valerium Comitem invisit, à quo & accepit litteras, quibus ille Augustino gratias ob librum de nuptiis & concupiscentia sibi transmissum agebat: simulque eum admonebat, quosdam locos inesse, quos impeterent hæretici; rogabatque ut Alypium super iisdem locis audiret. Eidem Alypию Ravennâ posthac Romam profecto Valerius chartulas quosdam misit. Continebantur hisce chartulis excerpta ex primo quatuor librorum Juliani, <sup>d</sup> quæ quispiam ad libitum, nonnullis etiam mutatis, collegerat. Poscebat <sup>d</sup> pag. 873. Valerius, ut ab Augustino eadem illa excerpta quantocius refellerentur.

Romæ porrò Alypius brevi <sup>e</sup> admodum spatio commoratus, in contubernio vixit Bonifacii, qui eum & excepit amicissimè & singulari familiaritate dignatus est. Quocirca se se Alypius, atque eadem occasione Augustinum, huic pontifici artissimo amicitia nodo devinxit. Ipsi Bonifacius duas antè memoratas epistolas idcirco dedit, quoniam <sup>f</sup> in iis Augustini nomen calumniosè expressum reperit. Rediit ergo Alypius in Africam duabus hisce epistolis, ac suprà dictis excerptis onustus.

Hæc Augustinus excerpta <sup>g</sup> ex opere Juliani collecta esse, statim persensit, optasset que ipse illis non antè respondere, quām integrum opus, unde fuerant desumpta, conspexisset: verūm judicavit maturandam interim ad illa responsionem, ut Valerio Comiti satis ficeret. Quam ob rem librum alterum Valerio sub eadem inscriptione, *de nuptiis & concupiscentia* nuncupatum celeriter edidit: in quo dogma catholicum de originali malo sic vindicat ab adversarii calumniis, ut id à Manichæorum errore procul abesse demonstret. Hunc ideo priori libro subjungimus anni tantùm interjecto spatio, quod eum Augustinus confestim post acceptas de priore illo gratiarum actiones composuerit, nec videatur veri simile, ut ei gratias ageret, Valerium totos duos annos exspectasse.

Præterea libros quatuor <sup>h</sup> contra duas epistolas Pelagianorum, quæ sibi à Bonifacio per Alypium allatæ fuerant, elucubravit: ita ut primo libro epistolam, quam Julianus Romanam misisse dicebatur; tribus sequentibus aliam, quæ octodecim episcoporum nomine Thessalonicanam directa erat, redargueret. In primo libro hæreticum sensum in fidei professione Pelagiana, quæ Catholicis opponebatur, latentem retegit. In secundo calumniam prævaricationis in Pelagi ac Cælestii damnatione admissæ depellit à Romanis clericis; & gratiæ nomine nec fatum asseri à Catholicis, nec personarum acceptancem Deo tribui demonstrat. In tertio exponit quid verè Catholici dicant de legis utilitate, quid de baptisi effectu ac virtute, de utriusque Testamenti discrepantia, de Prophetarum Apostolorumque justitia & perfectione, de appellatione peccati in Christo, quid postremò de præceptorum in futura vita impletione doceant. In quarto libro aperit insidias Pelagianorum in quinque doctrinæ eorum capitibus latentes, in laude scilicet creaturæ, laude nuptiarum, laude legis, laude liberi arbitrii, & laude sanctorum. Istud opus ipsi Bonifacio, honorifica mentione, quam apud se de eo Alypius fecerat, permotus dicavit; rogans ut illud non tam discendi, quam examinandi & emendandi gratiâ evolveret. Princípio operis, <sup>i</sup> ubi Pelagianorum injuriosam adversum se agendi rationem recolit, Spero, <sup>i</sup> <sup>b</sup> <sup>c</sup> pag. 413. ait, de Domino Deo nostro, quod non sine mercede quæ in cælis est, illi me lacerant dente maledico, quibus me pro parvulis.... oppono.

*XXXIII. Memoratos libros in Italiam Alypius circa initium anni 421. defert. Constantius edictum dat in Pelagianos. Alios sex libros in Iulianum Augustinus conscribit.*

Quatuor illos libros <sup>k</sup> detulit ad Bonifacium, secundum quoque de nuptiis & concupiscentia portavit ad Valerium <sup>l</sup> idem Alypius: quem proinde manifestum est iterum <sup>f</sup> <sup>i</sup> <sup>c</sup> <sup>f</sup> pag. 877 exeunte anno 420. aut 421. incunte trajecisse in Italiam. Augustinus quippe ipse ad excerpta f. 895. c.

# P R A E F A T I O.

ex Juliano sibi missa respondit continuò, eâ diligentia & celeritate, per quam judicare non liceat, committere illum potuisse, ut eam responsonem tardius ad Valerium dirigeret. Porro Pelagiani transmarinam hanc Alypii profecitionem eo infamare modo studuerunt, ut eamdem susceptam adversus illos fuisse facile arbitremur. Et certè videbimus istos hæreticos sub idem tempus infectatum esse Constantium imperatorem.

<sup>a</sup> Pag. 828. d. Exprobrat igitur Augustino Julianus, eum <sup>a</sup> vociferari cum feminis, cunctisque caloni-  
bus, & tribunis, quibus octoginta aut amplius equos totâ Africâ saginatos collega tuus,  
<sup>b</sup> Pag. 918. f. inquit, nuper adduxit Alypius. Infrâ autem idem gloriatur in hunc modum: <sup>b</sup> Amplissi-  
mam esse nostri negotii dignitatem, ut ipsa rerum consideratio & appensio indicat, quas tue-  
mur, ita etiam uester pavor, qui contra nostrorum sanguinem, pecuniarum effusione, here-  
ditatum largitate, e quorum transmissione, populorum seditione, potestatum corruptione pugnan-  
<sup>c</sup> Pag. 1066. a. tes, & fidem vestram, quæ à nobis impugnatur, erubescitis profiteri, &c. Rursum alibi: <sup>c</sup> Cur  
tantis totam Italiam factionibus commovistis? Cur seditiones Romæ conductis populis excitaſtis?  
Cur de sumtibus pauperum saginastis per totam penè Africam equorum greges, quos prosequente  
Alypio tribunis & centurionibus destinastis? Cur matronarum oblatis hereditatibus potestates  
ſeculi corrupſtis, ut in nos ſtipula furoris publici arderet? Cur diſſipastis Ecclesiārum quietem?  
Cur religiosi Principis tempora perſecutionum impietate maculaſtis? Hanc verò Juliani tantam  
in accusando vehementiam atque impudentiam Augustinus caſtigat prudentiſſimis hiſce ver-  
<sup>d</sup> Pag. 888. b. bis: <sup>d</sup> Aut calumniaris, inquit, aut nescis quid loquaris: & ideo aut mendax, aut temera-  
rius iſta loqueris. Quid te autem nequius, si hæc ipſe finxisti? quid ſolidius, ſi fingen-  
tibus credidisti? Jam verò quod etiam ſcribere ausus es, neque veritus ne ad ea loca libri  
pervenirent tui, quæ terrâ marique tranſeuntem seu venientem collegam meum Alypium  
ſuſcepereunt, ubi legi apertiflma tua falſiloquia ſine tua irriſione vel potiū deteſtatione  
non poſſunt, cui, non dico impudentiæ, ſed dementiæ comparatur?

Novam profectò iracundiæ cauſam Juliano præbuerat edictum, quod in Pelagianos sub hoc ipsum tempus dedit Constantius, ad id concedendum forte Alypii legatione roga-  
tuque adductus. Hunc imperatorem mortem hoc anno 421. obiisse conſentiant chronographi,  
cùm ſex tantum menses imperaſſet, ſeptimo juxta Olympiodorum inchoato. Proſper &  
Idacius ejus inaugurationem anno 420. ponunt: Theophanes anno 421. VI. Idus Februar.  
Cum Theophane facit codex Theodosianus, in quo legibus à die 10. Martii an. 421. ad  
28. Julii datis nomen Constantii adſcribitur. Harum prima ſcripta eft ad Volusianum:  
<sup>e</sup> Append. pag. 125. b. ex qua Cæleſtium tunc temporis in Urbe egiffe cognoscimus. Ibi testatur <sup>e</sup> Constantius,  
edictum nonnullum in antiquas recentesque hæreſes jam ſe tuliffe; attamen quotidie ſi-  
bi nuntiari, eadē ſerpere latiū: quocirca ut motus quos parere illa diſſidia poſſent,  
evitentur, renovare ſe eadem iuſſa, velleque, ut habita diligentí inquifitione adverſariorum  
veræ fidei, ſtatim ii Româ exturbentur, atque hinc procul amandentur, ac Cæleſtius in  
primis: quibus propria ſubſcriptione adjungit, Volusiani intereſſe, ut edictum iſtud curet  
obſervandum. Volusianus ergo, Constantio ut obſequeretur, decretum & ipſe promulga-  
vit, quo Cæleſtium divinæ fidei & quietis publicæ perturbatorem Româ atque omni fini-  
tima regione pellebat, proſcriptionis pœnâ iis, à quibus occultaretur, intentatâ. Edictum  
<sup>f</sup> Pag. 108. f. Constantii ad Volusianum de pellendo Cæleſtio memorat Photius.

<sup>c</sup>. Verumtamen non propterea Cæleſtium animus defecit: is enim aliquot poſt annis  
<sup>g</sup> Pag. 195. g. Cæleſtino Romano pontifice in Urbem anno 424. aut paulo ſeriū venit, audientiam  
poſtulans, haud aliter ac ſi cauſa ejus nondum fuſſet diſceptata.

<sup>h</sup> Pag. 412. a. Cùm autem gratiæ inimici <sup>h</sup> non deſinerent fremere ad Dominici gregis caulas, at-  
que ad diripiendas Christi oves aditus undecumque rimari; faciebat Auguſtinus quidquid  
pro ſui parte muneriſ poterat, ut eorum rabiem vel omnino ſanaret, vel à laedendis aliis  
repelleret. Quapropter haud quaquam ſatis ei fuit, excerptis ex Juliani opere ſibi miſſis  
libro ad Valerium posteriore reſpondiſſe: ſed poſtea integrum illius opus beneficio Clau-  
diī epifcopi nanctus, novam pleniorēque eidem reſponſionem edere animum induxit.  
Id aliunde laboris neceſſariō ſuſcipiendum videbatur; quia diligenteriū inſpecto Juliani ope-  
re deprehenderat, excerpta quæ ſibi miſerat Valerius, in nonnullis diſcrepare ab autogra-  
pho: unde merito verebatur, ne iſpum vel Julianus, vel alijs quispiam ad ea reſponſio-  
nem cum opere iſpo comparans, iſposturæ reum ageret: quod re iſpa crimen ſancto Do-  
ctori injuriоſiſſime impingere non omiſit adverſarius.

# P R A E F A T I O.

Alteram hanc Juliani refutationem cùm Augustinus proximè post quatuor suos libros ad Bonifacium ponat, hinc eam anno 421. aut paulò pòst editam affirmare licet. In ea Hieronymi meminit tamquam vitâ jam functi: unde sicut nihil caussæ videmus, cur illam multo seriùs anno præsenti collocemus, ita constat etiam citius omnino statui non posse, cùm anno tantùm 420. die 30. Septembris obierit Hieronymus. Quantum porrò studii, quantum diligentia & laboris hîc adhibuerit Augustinus, non obscurè ipse indicat, <sup>a</sup> opus istud suum *tantum tamque elaboratum* appellans. Nec immerito sanè hac <sup>b</sup> aliquis occasione pronuntiat, sanctum Doctorem, qui in ceteris ab se adversus Pelagianos editis libris mirabilis est, in hoc opere penè divinum apparere.

Principio profitetur, convicia & probra, quæ in ipsum Julianus congregebat, haud à se contemni, tamquam ad se nihil pertinerent: quando inde sibi & lætitiae & mæroris materia magna præberetur; lætitiae quidem, propter uberem illam quam in cælis sperabat mercedem; mæroris autem, ipsius Juliani caussâ, quem non poterat non <sup>c</sup> diligere, quidquid in ipsum ille diceret. Cùm verò Julianus eos, qui peccatum originale asserebant, Manichæorum nuncupatione afficeret; in clarissimos quoque Patrum tam Græcorum, quām Latinorum hanc recidere criminacionem ostendit Augustinus; eamque habet primi libri pars prima materiam. Altera pars in hoc versatur, ut Manichæos temerariis aliquot ipsiusmet Juliani dictis plurimùm adjuvari demonstret. In secundo libro Pelagianas quinque contra originale peccatum argumentationes convellit auctoritate præcedentium Ecclesiæ doctorum, episcoporum videlicet illustriorum decem, Irenæi, Cypriani, Reticii, Olympii, Hilarii, Gregorii Nazianzeni, Ambrosii, Basilii, Johannis Constantinopolitani, & Innocentii: adjuncto quoque testimonio presbyteri Hieronymi, viri sancti & per quām erudit. Cūmque probè sciret nihil frontis habere adversarium, qui haud dubiè illos omnes celeberrimos viros eodem similiter errore captos dicere non erubesceret; idcirco singulis illius quatuor libris deinceps singulos totidem suos opponit, dicta illius omnia excutiens, iis tantùm prætermisssis, quæ nodum quæstionis nullum haberent. Ac tertio quidem libro probat præsertim, malam esse concupiscentiam, quamvis bonæ sint nuptiæ & à Deo institutæ. Illo malo bene uti pudicos conjuges, melius non uti continentes fideles. Ab hoc malo longè diversum esse id quod Manichæus ex altera substantia quadam Deo coæterna permixtum nobis deliravit. In quarto docet virtutes infidelium veras non esse: atque inter alia obiter ostendit, quomodo gratia non secundùm merita detur, nec tamen in factum sit referenda. In quinto observat, multitudinem Christianam scire, peccati merito fieri, ut imago Dei & tantos hîc in parvulis patiatur cruciatus, & si absque baptismo iidem intereant, à regno Dei excludatur. Deinde probat perizomata à parentibus primis ob pudorem ex peccato venientem assumta. Peccatum præcedentis peccati pœnam esse posse. Ex eadem massa damnationis alios esse gratis electos, alios vasa iræ factos. Concupiscentiam semper esse malam, in illis etiam qui ei non consentiunt. Verum sine concubitu esse conjugium. Carnem Christi à ceterorum hominum carne peccati differre, &c. In sexto libro peccatum originale monstrat ex baptismo parvolorum, ex verbis Apostoli, ex baptizandorum exorcismo & exsufflatione. Oleæ ac oleastri exemplo convenienter explicari, quomodo ex parentibus regeneratis & justis nascantur filii peccatores & regenerandi. Peccatum originale in primis parentibus voluntarium, ac nobis quidem alienum proprietate actionis, nostrum tamen esse contagione propaginis, &c.

Huic operi suo proximè subjungit *Enchiridion* ad Laurentium, post mortem Hieronymi, quem ibi <sup>d</sup> beatæ memorie exornat elogio, à se compositum: cuius libri quamvis generaliorem titulum *de fide, spe, & caritate*, esse voluerit; in tradenda tamen gratiæ Christianæ doctrina maximam partem impendit.

**X X I V.** Pelagiani casso conatu Orientales Ecclesiæ pertinent. Pelagius in Syria, & Julianus in Cilicia, damnantur. Quoniam factiosi adhuc in heresi pertinaces evaserint.

AGGRESSI sæpe sunt Pelagiani, Orientem non secus atque Occidentem turbis miscere: maximè verò post Zosimi judicium, à quo provocare ad generalem synodus, numquam ad annum usque 431. destiterunt. Ex eorum ergo, qui sede exturbati fuerant,

<sup>a</sup> Hic pag.  
495. Re-  
tratt. 2.  
<sup>b</sup> Henr. Nor.  
lib. 1. hist.  
Pelag. c. 21.

<sup>c</sup> Hic pag.  
519. c.

<sup>d</sup> Enchirid.  
cap. 87.

# P R A E F A T I O.

episcoporum suorum numero, quosdam misere Constantinopolim, ubi erroris sui impietatem dissimulantes, se caussamque suam falsa specie obduxerunt. Verum in ea civitate beato Johanni Chrysostomo Atticus successorat, <sup>a</sup> illius fidei dignus æmulator, <sup>b</sup> qui hoc in casu scientiâ suâ simul ac episcopali virtute adhibitâ, eorum legationem rejicit, antiquam illis Ecclesiæ fidem opponens; eosdemque tam acriter infecutus est, ut ne consistendi quidem in urbe licentiam daret. Idem acta, quæ adversus eos confecerat, <sup>c</sup> Romam directit. In his legatis numeratur Cælestius ab iis, qui de hoc tempore accipendum putarunt illud, quod Augustinus tradit, <sup>d</sup> ipsum apud Constantinopolim ab exercitu Christi debellatum: quod factum alii nihilo minus ad eam Cælestii ab Constantinopolitana Ecclesia ejectionem, <sup>e</sup> quæ Zosimi judicium præcessit, referendum arbitrantur.

Præterea Julianus unà cum aliis septemdecim Pelagianis, qui sibi nomen episcopale assumebant, <sup>f</sup> Thessalonicanam, ut antè jam nobis observatum, ad Rufum hujus urbis episcopum scripsere, ut eum, si quo pacto possent, ad suas partes traducerent. Qua porro is ratione exceperit illorum epistolam, nescimus: at illud habemus pro comperto, eumdem Rufum ab Ecclesiæ unitate numquam recessisse. Quod si Pelagiani quidpiam errori suo commodum ab ipso obtinuerint, neutquam sibi temperasset Julianus, quin id pallam prædicaret. Erat alioquin ipse Thessalonicensis antistes præ ceteris devinctus Apostolicæ sedi, necnon ad subscribendam sententiam Romanorum pontificum hoc nomine obstrictus, quod eidem ab ipsis alii in Illyrico Metropolitani subjicerentur.

Procul dubio non commisere iidem hæretici, quin Ephesinam quoque Ecclesiam, ubi Cælestius ob diutinam in ea commemorationem variis fortè necessitudinibus gaudebat, pertentarent: & videbatur sanè hæc illa Ecclesia, quæ per imprudentiam hæresiarcham istum in presbyterorum consortium cooptaverat, suscipienda ipsius defensioni præ cunctis aliis magis obnoxia. Nihilo minus tamen non tempori ulti commodius, quam isti hosce Prosperei versus aptaveris:

<sup>g</sup> *Prætero quanto fuerit bene mota tumultu  
Clara Ephesus, non passa suis consistere tectis  
Vasa iræ, & morbi flatus, & semina mortis.*

Quonam anno suum illud in Pelagianos odium istæ omnes Ecclesiæ professæ fuerint, minimè liquet: hoc tamen videri potest non ante anni 421. exitum accidisse; quando Augustinus in suo contra Julianum opere, scripto, uti putamus, eodem 421. anno aut paulò post, nullam ejus rei fecerit mentionem, quamvis ad id occasio invitaret; solùmque Cælestii apud Constantinopolim debellati, quod ante annum 418. contigerat, recordatus fuerit.

Neque sancto huic episcopo, neque Prospero innotuit alia Ecclesiæ orientalis pro fidei caussa contra Pelagium ipsum synodica declaratio. Etenim cum eumdem hæresiarcham, qui circumventis episcopis in Diospolitana synodo absolutus fuisse videbatur, accusatores sui apud aliam persequerentur synodum, cui Theodorus episcopus Antiochenus præsidebat, non potuit ille versipellis coram eo conventu latitare, sed hærefoes convictus è sanctis Jerosolymorum locis exturbatus est. Mercator adeo memorabilis eventi <sup>h</sup> testis unicus, Theodoti ac Praylii Jerosolymitani antistitis epistolas hac' de re ad urbis Romæ episcopum datas citat.

Fuere profectò Pelagii tunc accusatores illi ipsi celeberrimi, Heros & Lazarus, qui soli id muneres in istum obire voluerant, quoque tacitis eorum nominibus paulò antè Mercator indicaverat. Atque adeo videntur Pelagium, ubi primùm eis licuit, apud Theodotum persequi debuisse. Hinc putat Johannes Garnerius, <sup>i</sup> Theodotum ac Praylium memoratas litteras jam inde ab 417. anno, obitu Innocentii nondum comperto, scripsisse adversus illum hæresiarcham. Verum tametsi fieri potuerit, ut episcopatum jam ipso anno 417. gereret Theodotus: nihil tamen credere nos compellit, Praylium eodem ferme tempore de Pelagio scripsisse in utramque partem. Vidimus si quidem, <sup>k</sup> eum hoc ipso anno ad episcopalem dignitatem electum, illius gratiâ litteras ad Romanum pontificem dedisse; quæ Romam mense tantum Septembri pervenerant. Quapropter locari aliquanto seriùs potest Theodoti concilium, sive post damnationem Pelagii per Zosimum anno 418. promulgata, sive etiam post obitum Hieronymi, qui in 30. Septembris an. 420. incidit; quia non commisisset Hieronymus, quin optatissimum ejusmodi nuntium, si adhuc in vivis fuisset, Augustino significaret.

Cum pertineret ad Antiochensem patriarchatum Cilicia, ibi quoque in provinciali sy-

<sup>a</sup> Append.  
<sup>b</sup> pag. 130. d.

<sup>c</sup> pag. 68.

<sup>b</sup>.

<sup>c</sup> pag. 130.

<sup>c</sup>.

<sup>d</sup> Hic pag.

<sup>e</sup> 554. d.

<sup>f</sup> Suprà n.

<sup>g</sup> xiv.

<sup>h</sup> Hic pag.

<sup>i</sup> 412. c.

<sup>j</sup> Pag. 72.  
<sup>a</sup>.

<sup>i</sup> Garn. in  
Mercat. pag.  
25. & 109.

<sup>k</sup> Suprà n.  
<sup>l</sup> xv.

# P R A F A T I O.

nodo damnati fuere Pelagiani. Quin etiam famosus ille Theodorus Mopsuestiensis, qui hujus hæreseos parens audiebat, qui eamdem edito in Hieronymum & Augustinum ope-  
re defenderat, qui denique Juliano aliisque præcipuis ejusdem patronis paulò antè per-  
fugium præbuerat, <sup>a</sup> adversus Julianum ipsemet in eodem concilio anathema pronuntia-  
vit. Id Mercator prodit factum esse post Juliani abscessum è Cilicia: quò nimurum ille,  
Occidentem anno fortè 421. relinquens, exarato mari, & lustrato, <sup>b</sup> inquit Mercator,  
Oriente, id est, Asiā minore, se se cum erroris & exsilii sociis receperat. Nec deest, <sup>c</sup> qui  
commorationem illam Juliani apud Theodorum, & mala inde in omnem circùm regio-  
nem profecta caussam habendæ huic in Cilicia synodo dedisse opinetur. Theodorum adie-  
rat Julianus, teste Mercatore, ut ad propugnandam Pelagianam hæresim vires ab ipso no-  
vas sumeret, utque ex magisterio ejusdem velut instructior, aliud contra Augustinum  
opus aggrederetur. Neque dubium est, quin idem ipse Theodoro, ad edendos libros in  
peccati originalis assertores, si forte ab eo non jam ante aliquot annos, ut <sup>d</sup> observavi-  
mus, editi erant, auctor incitatorque fuerit. <sup>x.</sup>

Pulsus Jerosolymis Pelagius quò perfugerit, ignotum est: neque ejus posthac in hi-  
storiæ monumentis reperitur ulla mentio. Erat is alioqui ætatis jam sat provectæ, ut mærori,  
quem pro sua animi superbia ex omnium in se offensione atque odio capere debebat, non  
admodum diu superesset. Ceterum hæresis ejus sectatores cùm se se & damnatos ab Occi-  
dente & ab Oriente repudiatos intelligerent, <sup>e</sup> magnam partem ad saniora consilia redie-  
runt, errores suos ejurarunt, relicto cui inhæserant Juliano Pelagium damnarunt, ac sedis  
Apostolicæ clementiam imploraverunt. Indulgentiam erga eos adhibendam rata Ecclesia,  
suscepit redeentes, atque etiam illos in suas sedes restituit. Julianus anno circiter 420. scri-  
bens, desertores quosdam Pelagiani dogmatis ad fidem catholicam reversos, tacitis eorumdem  
nominibus, arguebat. Possidius quoque, qui circa annum 432. gesta Augustini litteris con-  
signabat, <sup>f</sup> plūrimos à Pelagianis rediisse, ac rectæ fidei veritate in dies magis magisque de-  
testandi erroris tenebras superante, redire etiam tunc, testabatur. Ex iis, quos reduces pia  
mater Ecclesia complexa est, unum cognoscimus <sup>g</sup> Turbantium, cui Julianus primum  
suum opus in Augustinum inscriperat; quem & sanctum vocitabat & magno virtu-  
tum splendore conspicuum. Hunc Augustinus in secunda Juliani refutatione fratrem appel-  
lat; quia illi haud dubiè, quemadmodum & aliis, restituta fuerat episcopalis dignitas.

Julianus autem, & qui cum illo in hæresi mentem obfirmarunt, cùm eos, ubicum-  
que apparerent, ut cum Augustino <sup>b</sup> loquamur, ubique diffusus Christi debellaret exer-  
citus, quisque quò potuit se se recepit. Neque vero absimile est, istorum aliquos com-  
moratos esse in Galliis, ubi sub hoc tempus diversi episcopi suspicionem, quòd Pela-  
gianis erroribus addicti essent, de se præbuerunt: quando Valentinianus III. <sup>i</sup> septimo Idus  
Julias anni 425. edixit, ut iidem episcopi de abdicandis intra viginti dies hisce erroribus inter-  
pellarentur à Patroclo Arelatensi; quod nisi facerent, aliis in eorum locum sufficietis, ipsi  
solum vertere cogerentur. Nonnulli quoque in Britanniam intulere suam hæresim: ibi si  
quidem Pelagianus quidam nomine Agricola, Severiani episcopi Pelagiani filius, Ecclesiæ  
Hiberniæ dogmatis sui suasione corrumpebat tempore Cælestini papæ, <sup>k</sup> qui eò Germanum  
episcopum Antissiodorensem misit, ut deturbatis hæreticis Britannos ad catholicam fidem  
dirigeret. Severianum huncce quidam male confundebant cum Severo Sulpitio, de quo  
quidem Gennadius scriptum reliquit, quòd is *in senectute sua à Pelagio deceptus* fuerit: sed  
continenter addit, eum *agnoscentem loquacitatis culpam, silentium usque ad mortem tenuisse*,  
*ut peccatum quod loquendo contraxerat, tacendo penitus emendaret*. Britannis quoque Pela-  
gii dogmata Honorii & Theodosii ætate tradebat Fastidius episcopus, cuius liber ad Fa-  
talem viduam inter subdititia Augustini <sup>m</sup> opera exstat, illius hæresiarchæ sententiis verbis-  
que deturpatus. Porrò missâ ex Britanniis legatione certiores facti episcopi Gallicani Pela-  
gianam pestem ibi latius serpere, habuerunt numerosam synodus, in qua delectus est, cum  
<sup>n</sup> Lupo Trecensi, Germanus Antissiodorensis episcopus: qui ad opprimendam illic hæ-  
resim semel & iterum trajecit; primùm quidem tunc cum Lupo episcopo, anno 429. <sup>¶ f. q.</sup>  
postea autem cum ejusdem Lupi discipulo, Severo Trevirensi, anno 447.

Quò evaserit Julianus, quámque incassum ipse & ejus collegæ Nestorii temporibus  
novos conatus ac molitiones in Oriente apud Ephesinæ synodi patres adhibuerint, <sup>o</sup> alio  
loco dicturi sumus. Quod ad Cælestium, qui cùm Romam circiter annum 424 repe-

<sup>a</sup> Append.  
pag. 116. f.

<sup>b</sup> Ibidem.

<sup>c</sup> Garn. in  
Mercat. pag.  
219.

<sup>d</sup> Suprà n.  
x.

<sup>e</sup> Append.  
pag. 71. c.  
73. a.

<sup>f</sup> Possid. cap.  
18.

<sup>g</sup> Hic pag.  
875. a. b.  
960. c.

<sup>i</sup> Append.  
pag. 126. f.

<sup>c</sup>

<sup>k</sup> Pag. 128.  
c.

<sup>l</sup> sic vet.  
cod. Corb.

<sup>m</sup> Tom. 6.  
append. pag.  
183.

<sup>n</sup> Append.  
pag. 128. f.

# P R Æ F A T I O.

<sup>a Append.</sup>  
<sup>b pag. 69. c.  
129. c. 130.</sup>  
<sup>c 135.</sup> tiisset, uti suprà narravimus, Italâ jussu Cælestini papæ exterminatus fuit, is <sup>a</sup> Nestorium cum Juliano aliisque ejusdem factionis episcopis convenit Constantinopolim: ibi Theodosium secundum imperatorem, quò sibi concilium concederetur, interpellarunt: Nestorius verò in eorum gratiam Cælestino scripsit. At cùm Theodosio libellum adversùs illos anno 429. obtulisset Mercator, ipsis imperatum est ex urbe excedere. Ab hinc quid factum fuerit Cælestio, nusquam reperimus.

## *X X V. Adrumetini monachi super questione de gratia & libero arbitrio inter se dissident circiter annum 426. Eos Augustinus libro in idem argumentum conscripto ad concordiam adducit.*

A LIQUANTO post damnatos à Zosimo papa, postque ejectos Occidente Pelagianos obortum est inter Adrumetinos monachos dissidium de prolixiore ad Sextum epistola, felix profectò fortunatumque, quod binos libros Ecclesiæ tam necessarios, unum *de gratia & libero arbitrio*, alterum *de correptione & gratia* peperit, puta circiter annum Christi 426. Non enim est, cur memoratos libros vel ultra hoc tempus differamus, quando recensentur in Retractationibus circa annum 427. editis; vel priùs collocemus, quia postremum ibidem locum occupant.

Erat Adrumetum eo tempore civitas in Byzacena Africæ provincia celebris. Ibi cœnobium incolebatur à monachis, in quibus Florus <sup>b</sup> quidam patriâ Uzalensis numerabatur. Hic iter caritatis instinctu cùm in patriam comite Felice Adrumetino item monacho suscepisset, dum ibi diversaretur, quædam Augustini opuscula reperit, nempe <sup>c</sup> epistolam ad Sextum, quam & dictante eodem Felice cum bona Uzalenstium monachorum venia transcripsit. Floro postea Uzali Carthaginem profecto, Felix ad proprium monasterium rediit, secum sancti Doctoris librum ferens. Atqui cùm illud idem opus, Valentino abbe inscio, fratribus legere cœpisset, eorum quinque vel non multo plures sensum auctoris non assecuti, ac medicinam in morbum vertentes, magnas turbas in cœnobio excitavere; contendentes videlicet, ab aliis, qui doctrinam hanc rectius intelligebant, ita defendi gratiam, ut liberum arbitrium abolerent, nosque negarent in extremo judicio secundum sua cuiusque opera judicandos. An autem ea scriptio Augustini esset, quosdam apparebatur subdubitate. Floro Carthagine reverso tumultus denuo recruduit: in illum tamquam vulnerum, quæ ab hoc libro passi erant, auctorem insurrexere, turbas monasterii omnes ac dissidia illi accepta referentes; eo quod ejusdem verba, cùm quæstiones ita difficiles conabatur exsoluere, haud quaquam caperent: ipse quippe germanam & catholicam fidem sectabantur.

<sup>a pag. 746.  
ep. 216. n.  
2. & seq.</sup> Hoc dissidium toto illo tempore intra monachos se se continuerat, <sup>d</sup> rem ignorantem Valentino: sed ratus est Florus officii sui esse, hujus illum admonere. Abbas autem, quin ea lucubratio verus Augustini fetus esset, atque orthodoxam doctrinam exhiberet, in dubium non revocavit. Satis quippe noverat sancti Doctoris stilum, sapientiamque illam angelicam quæ ejus in scriptis relucebat. Videbat hoc eodem in libro Christianam gratiam fulgentiore ac vehementiore dicendi copiâ commendatam, quam ut de auctore ejus sibi liceret ambigere. Illum igitur cum voluptate perlegit, & lumen solariumque, quod suavissimæ sancti Viri monitiones humilibus infundunt animis, non sine magna veneratione percepit. Simul quoque operam dedit, ut impias illas quæstiones ignorantiam quorumdam è suis fratribus natas comprimeret: decrevitque aliquos mittere ad episcopum Uzensem Evodium, qui ab eo documenta ad librum Augustini probè intelligendum necessaria ad se referrent. Sanctus ille antistes, de contentionibus, queis illi inter se super libero arbitrio divinaque justitia digladiabantur, certior factus, ad Valentimum abbatem,

<sup>e Evod. epist.  
ad Adru-  
met.</sup> ejusque monachos rescripsit epistolam, quâ eosdem alloquitur in hæc verba. <sup>f</sup> Honorabili-  
les fratres retulerunt nobis, quia nescio quæ ibi quæstiones inter vos natæ sunt de libero  
arbitrio & de justitia Dei. Laudamus quidem studium vestrum, sed nolumus esse conten-  
tiosum. Contentio enim perturbationem excitat, sed studium pietatem requirit. Liberi  
arbitrii plenissimum affectum habuit homo primò procreatus, Adam dico: sed ubi saucia-  
tum est ipsum liberum arbitrium, infirmatum est. Ergo est in homine nunc liberum arbi-  
trium, sed sauciatum. Inde dictum est: Infirmatus est in egestate vigor meus; &, Lumen

# P R A E F A T I O.

oculorum meorum non est mecum. Ad hoc recuperandum missus est medicus Salvator <sup>a P. al. 37. 11.</sup> Christus , ut salvaret quod perierat , & curaret quod vitiatum fuerat. ( Et post alia : ) Legant <sup>b</sup> ergo , inquit , sancti Dei majorum dicta , sicut jam dixi , qui habent divini muneris pium <sup>c</sup> affectum : & quando non intelligunt , non citò reprehendant , sed orent ut intelligant. <sup>d</sup> Hoc Evodianæ epistolæ fragmentum habemus à Jacobo <sup>e</sup> Sirmondo , qui nobis indicasse <sup>f</sup> Histor. predestinat. c. p. 1. contentus , eamdem reperiri in codice Trevirensis abbatiae S. Maximini , prætermisit ce- tera , non indigna , ut ait , luce omnia , nisi quòd parum emendata. Porrò quibus Augu- stini liber non fecerat satis , ii nec Evodii responsione sibi satis factum declaravere : nam ipsummet convenire Augustinum , apud se statuerunt ; tametsi ei consilio suus ipsorum ab- bas refragaretur. Hic præterea incassum eis mederi conatus est ope sancti cuiusdam pres- byteri nomine Sabini , qui librum eisdem nitida interpretatione explicavit. Quare cùm ille jam nullum aliud remedium cognosceret , ipsorum profectio , ne per repulsam auge- rentur in eis vulnera , vel invitus consensit , atque etiam pecuniâ ad iter necessariâ instru- xit : litteras tamen nullas dedit ad Augustinum ; ut ne ipsem , perinde atque illi , cir- ca veritatem doctrinæ ejus anceps fluctuare videretur.

Itaque libertatis adversus gratiam defensores liberè ac <sup>b</sup> inordinata profectio , id est , <sup>b</sup> Pag. 746. ep. 216. n. 1. contra monasticæ disciplinæ ordinem , iter aggressi sunt , scriptionem de qua disceptabatur , secum ferentes : nec plures iidem quād duo nominantur , <sup>c</sup> Cresconius , & Felix , alias hic <sup>c</sup> Pag. 711. ep. 214. n. 1. forsitan ab eo qui memoratam scriptionem in Adrumetinum monasterium adulterat : qui tamen & ipse videtur cum illis unā profectus , quando ejusdem comites <sup>d</sup> appellantur. <sup>d</sup> Pag. 746. ep. 216. Illis profectis , alii fratrum in monasterio quiete ac pace gavisi sunt. Quamquam autem isti nullis <sup>e</sup> instructi erant ad Augustinum litteris ; tamen quia se monachos ex Adrume- <sup>e</sup> Pag. 714. ep. 214. n. 1. tina congregazione ferebant , eos sanctus Episcopus excepit , majorem in iisdem simplici- tatem advertens , quā ut doli fraudis posset habere suspectos. Hi ergo narraverunt ei , <sup>f</sup> gratiam sic prædicari à quibusdam suis fratribus , ut ab iis negetur liberum arbitrium , af- <sup>f</sup> Epist. 214. firmeturque nos ex nostris operibus judicandos non esse : ab aliis autem cum gratia si- mul agnoscit & liberum hominis arbitrium , & justitiam Dei qua reddet unicuique secun- dum opera ejus. Idem insuper Florum quasi dissidii , quo eorum congregatio divelleba- tur , auctorem insimulabant.

Docuit monachos Augustinus , illisque suam ad Sextum epistolam exposuit. Per eosdem quoque ad Valentiniū & fratres in Adrumetino conventu ipsius convictores scripsit <sup>g</sup> epi- stolam , qua difficillimam illam <sup>h</sup> de voluntate & gratia quæstionem discutiebat. Valentiniū autem <sup>i</sup> rogabat , Florum ad se mitteret , id scilicet animo conjectans , quod res erat , <sup>i</sup> Epist. 214. n. 6. adversus illum ideo tumultuari alios , quòd non assequerentur quæ diceret. Optasset <sup>j</sup> quidem Augustinus , varia instrumenta quæ ad historiam Pelagianæ hæreseos pertinebant , per Cresconium ac Felicem transmittere : sed illi moram ad eadem exscribenda non dabant , <sup>k</sup> maturantes redditum ad monasterium , ut ibi Pascha , quod anno 427. in diem 3. Aprilis <sup>k</sup> Epist. 214. n. 5. incidebat , cum suis fratribus , sublatâ jam dissidiorum caussâ , in perfecta animorum con- fessione celebrarent. Eo quidem illorum consilio adductus fuit sanctus Episcopus , ut me- moratam epistolam ad Valentiniū illis ante Pascha traderet : nihil minus tamen eosdem ultrà <sup>l</sup> dictum festum , quo illos magis contra Pelagianam perniciem communiret , apud <sup>l</sup> Epist. 214. n. 1. & si q. se retinuit : cuius moræ caussam autumant præbuisse alium Felicem , qui scilicet ad Au- gustinum paulò tardius , non nisi post comites suos pervenit ; & à quo credibile est , san- ctum Doctorem verum disputationis hujusce statum didicisse. Inter hanc ergo eorum longiorem moram Augustinus , non modò suam ad Sextum epistolam iisdem monachis legit , verùm etiam Carthaginensis synodi , ac Milevitanae , nec non quinque episcoporum ad Innocentium litteras , cum singulis Pontificis ad easdem responsis ; epistolam quoque Africani concilii ad Zosimum , & Zosimi rescriptum ad universos totius orbis episcopos missum ; denique canones concilii plenarii totius Africæ contra Pelagianam hæresim con- flitutos : quibus omnibus libri etiam à Cypriano de oratione Dominica editi , quo quidem beatus ille Martyr gratiam Dei mirificè commendat , lectionem addidit ; nihil prætermittens , quo minus eosdem , neque libero arbitrio , neque i gratiæ necessitate negatis , sanos in fide ac firmos efficeret.

Præterea verò compellente eâ , <sup>m</sup> quâ in fratres suos Vir sanctus fermebat , caritate , li- <sup>m</sup> His pag. brum super hoc ipso argumento elucubravit , cui titulum indidit , de gratia ~~et~~ libero <sup>717. b.</sup>

# P R A E F A T I O.

*arbitrio ad Valentiniū & cum illo monachos.* Ibi demonstrat primū ex Scripturis, & hominem libero arbitrio verè præditum esse, & eum tamen sine gratiæ adjutorio nihil boni posse agere. Postea probat gratiam non secundū merita dari; & explicat qua ratione vita æterna, quæ bonis operibus redditur, verè sit gratia. Deinde ostendit, nec scientiam legis, nec naturam, nec solam remissionem peccatorum esse gratiam illam quæ per Christum datur; sed hac Christi gratiâ fieri, ut lex impleatur, ut natura liberetur, ut ne

<sup>a. Pag. 732.</sup> peccatum dominetur. Expugnat perfugium Pelagianorum, quo excipiebant, <sup>a</sup> *gratiā, et si non secundū merita bonorum operum detur, tamen dari secundū merita bonæ voluntatis, quæ præcedit, credentis & orantis.* Incidit in quæstionem, cur Deus jubet, quod ipse daturus est; anve jubeat aliqua, quæ non possumus. Caritatem, sine qua præcepta non implentur, non in nobis nisi ex Deo esse convincit. Docet operari Deum in cordibus hominum ad inclinandas eorum voluntates <sup>b</sup> quocumque voluerit, sive ad bona pro sua misericordia, sive ad mala pro meritis eorum, judicio utique aliquando occulto, semper tamen justo. Ad extremum, gratuitæ gratiæ nec meritis redditæ exemplum haberi luculentum in iis parvulis qui salvantur, dum alii quorum cum illis una caussa est pertinent.

<sup>c. Pag. 744.</sup> Hortatur Adrumetinos, <sup>c</sup> ut librum hunc suum assiduè repitant: ac si quidem doctrinam illius capiant, Deo gratias agant: sin autem in eo aliquid obscuri offendant, ejus intelligentiam piis precibus satagant obtinere: in primis à se repellant scientiam illam contentiosam ac zelum amarum, quam tantopere Jacobus apostolus detestatur. Illis adhuc lectionem ejusdem libri majorem in modum commendat, <sup>d</sup> in alio, quem postea ad eosdem monachos direxit: confidens <sup>e</sup> fore divinâ opitulante gratiâ, ut illo diligentius evoluto, penitusque intellecto, dissensiones omnes, quæ inter ipsos de hac re erant obortæ, consopirentur. Idem hoc opus Cresconio & ipsius comitibus legit, ac deferendum in cœnobium suum dedit, adjunctis reliquis instrumentis ad Pelagianorum condemnationem spectantibus, quæ isthuc mittenda existimavit. Tradidit simul & secundam epistolam ad Valentiniū ejusque fratres, quos ibi de Floro ad se mittendo compellat in hæc verba:

<sup>f Epist. 215. n. 8.</sup> <sup>f</sup> Si quid de vobis mereor, veniat ad me frater Florus.

## *XXVI. Liber aliis ad eosdem Adrumetinos mittitur, de correptione & gratia nuncupatus.*

<sup>g. Pag. 746. ep. 216. n. 1. & seq.</sup> AUGUSTINI librum ac epistolas <sup>g</sup> summa cum veneratione Valentiniū accepit: & quamquam fratrum quorumdam suorum imperitiâ contigerat, ut ipse aliique à culpa immunes ab eo simul objurgati viderentur; tamen quod illorum curiositas fructus adeo felices peperisset, sibique doctrinæ tam utilis tamque jocundæ adulisset cognitionem, multum gavisus est. Non commisit profectò idem Valentiniū, quin ad illum profici Florum juberet, datis etiam litteris, quibus quidquid in monasterio suo gestum fuerat, sancto Antistiti exponebat, cum fidei suæ, quam & Flori esse affirmabat, professione. Ibi quoque rogabat, ut monasterio suo pacem & ab ejusmodi contentionum procellis tranquillitatem à Deo precibus obtineret. Illud ad extremum adjiciebat, quæ Florus ad ejusdem sui monasterii regulam disciplinamque constituendam ab ipso peteret, ne gravaretur præcipere.

Florus hoc iter suscepit lubens, seque unà cum aliquot aliis contulit ad sanctum Antistitem: qui ubi fidem de libero arbitrio & gratia catholicam in eo deprehendit, nec non ex Valentini epistola pacem inter fratres jam ferme compositam, eorumque in veritate confessionem & in caritate flagrantiam cognovit, lætitia minime mediocri perfusus est. Vir sanctus oppidò gaudebat, quod divina misericordia nequitiam diaboli in servorum suorum provectum mirabili bonitate vertisset; ita ut artes ipsæ quibus humani generis

<sup>h. Pag. 750. a.</sup> hostis eorum nonnullos <sup>h</sup> subvertere molitus erat, nocerent nemini, & multorum eruditioni conducerent, eorum scilicet qui Floro obstiterant, verborum ejus sensum non assequentes. Nam postea errorem suum correxisse iidem videntur. Et hinc factum est, ut

<sup>i. Pag. 117. ep. 214.</sup> Augustinus, qui in epistola ad Valentiniū prima, <sup>i</sup> hoc in monasterio quosdam esse, qui re vera liberum negarent arbitrium, quasi rem certam posuerat; quique postea, forte

<sup>k. Pag. 717. b.</sup> alterius Felicis relatu edocitus, ea de re quodam modo <sup>k</sup> hæsitabundus locutus fuerat, dicens quosdam esse, qui sic gratiam defenderent, ut negarent liberum arbitrium, aut qui

## P R A F A T I O.

qui hoc negari existimarent, quando illa defenditur: hinc factum igitur, ut in Retractationibus, post acceptam Valentini responsonem & auditum Florum, diceret elucubratum à se librum eorum causâ, <sup>a Hic pag.</sup> qui cùm defenditur Dei gratia, putantes negari liberum arbitrium, sic ipsi defendunt liberum arbitrium, ut negent Dei gratiam, afferentes eam <sup>b 711.</sup> secundùm nostra dari.

Accepit quoque Augustinus, idque forsitan ex eodem Floro, in <sup>b Pag. 747.</sup> Adrumetino monasterio reperiri quendam, qui objectaret: <sup>c</sup> Ut quid nobis prædicatur atque præcipitur, ut <sup>d Retract. lib. 2. c. ult.</sup> declinemus à malo, & faciamus bonum, si hoc nos non agimus, sed id velle & operari <sup>e Pag. 752.</sup> Deus operatur in nobis? Ergo præcipiant tantummodo nobis quid facere debeamus qui nobis præfunt, & ut faciamus orent pro nobis: non autem nos corripiant & arguant, si non fecerimus. Quomodo meo vitio non habetur, quod non accepi ab illo, à quo nisi detur, non est omnino alius unde tale ac tantum munus habeatur? Falsa illa consecutio, qua hic monachus gratiæ doctrinam in invidiam adducere nitebatur, Augustinum impulit, ut eamdem doctrinam adversus eos <sup>d Pag. 759.</sup> qui liberum arbitrium non secundùm gratiam, sed contra eam defendebant, nova ipse emissa lucubratione tueretur. Hic ille liber est, ab eo prænotatus, de correptione & gratia; quem iisdem Valentino & cum illo monachis inscripsit: tametsi in eo non impugnarentur illi, <sup>e Pag. 752.</sup> ut pote quorum rectum esset cor in Deum; nam & ille ipse, à quo fuerat ita objectatum, poterat ab opinione discessisse. Certè quidem profitetur sanctus Doctor, non se adversus Adrumetinos, sed adversus eos agere, qui cùm nihil nisi terrenum sapient, nolunt se ob mala quæ perpetrant, à gratiæ prædictoribus reprehendi; vel saltem adversus ipsas humanas cogitationes, quæ quorundam mentibus incurrere possent. Quin etiam in disputationis serie illos impedit, qui nondum baptismo erant regenerati.

In hoc maximè libro Augustinus prædestinationis fundamenta, quæ hactenus <sup>f</sup> non tam clare ac distinctè proposuerat, liquidiùs explicare cœpit. Unde qui Massiliæ hoc mysterium impugnabant, infensissimi erant huic operi: quod è contrario multum solatii ac luminis Prospero ceterisque gratiæ defensoribus afferebat. Principio libri ponit catholicam fidem de lege, de libero arbitrio, de gratia: & docet gratiam Christi eam esse, quâ solâ homines liberantur à malo, & sine qua nullum operantur bonum, ipsâ non solum monstrante, sed etiam præstante ut id cum dilectione agant. Correptionem hominum malorum, qui hanc gratiam non acceperunt, nec injustam esse, cùm sua voluntate mali sint; nec inutilem, tametsi fatendum est non nisi per Deum fieri ut proficit. Perseverantium in bono magnum re vera esse Dei donum: tamen qui non accepto hocce dono fuerit sua voluntate relapsus in peccatum, eum non correptione tantùm, sed si usque ad mortem in malo permanferit, etiam æterna damnatione dignum esse. Cur hoc donum ille accipiat, ille non accipiat, esse inscrutabile. Ex prædestinatis nullum perire posse: ac proinde perseverantium, quam non omnes accipiunt qui hīc filii Dei appellantur, iis omnibus dari qui verè filii sunt præscientiâ & prædestinatione Dei. Occurrat quæstioni de Adamo, quomodo ipse non perseverando peccavit, qui perseverantium non accepit. Ostendit tale primùm ipsi datum esse adjutorium, per quod posset, ac sine quo non posset permanere si vellet, non quo fieret ut vellet: nunc verò per Christum dari, non solum sine quo permanere non possumus, etiam si velimus, verùm etiam tantum ac tale, quo fiat ut velimus. Prædestinatōrum, quibus proprium est hujusmodi donum, probat certum esse numerum, neque augendum, neque minuendum: & cùm ignotum sit, quis ad eum numerum pertineat, quis non pertineat, medicinalem correptionem adhibendam esse omnibus peccantibus, ne vel ipsi pereant, vel alios perdant. Concludit tandem, neque gratiâ prohiberi correptionem, neque correptione negari gratiam.

### XXVII. Leporius monachus Galliis ob dogmata fidei Incarnationis & divinae gratiæ contraria exturbatus, per Augustinum in Africa ad emendationem adducitur.

ASSESTIT in superiore <sup>g</sup> illo libro Augustinus, usque tunc repertum esse neminem tam cæcum tamque ignarum in fide, ut dicere auderet, Christum de Spiritu sancto & virgine Maria filium hominis natum, per liberum tamen arbitrium bene vivendo & sine peccato

# P R A E F A T I O.

bona opera faciendo meruisse, ut esset Dei filius. Verum tamen hoc ipsum Cassianus  
 Append. pag. 127. b.  
<sup>a</sup> quibusdam adtribuit, quorum è præcipuis erat Leporius: qui quidem Leporius in emen-  
 dationis suæ libello rem confitetur satis aperte. Hæc igitur palinodia, quæ potissimum ad  
 Augustini laborem ac diligentiam referenda est, omnino videtur memorato libro posterior;  
 Hic pag. 1179. b.  
 prior autem ultimo in Julianum opere: si quidem isto in opere <sup>b</sup> hunc errorem, ob ver-  
 ba quædam Juliani, quæ huc pertinere aliquo modo videbantur, Pelagianis tam incun-  
 ctanter objectat sanctus Doctor, ut ipsum hujus additæ per eosdem impietatis factum aliun-  
 de certiorem, par sit existimare.

Append. pag. 127. f.  
 Leporius monachum in Galliis professus, vitæ <sup>c</sup> puritate inter alios eminebat: verum  
 idem virtutem suam non adjutorio divino, sed libero tantum arbitrio propriisque viribus  
 adscribebat, doctrinam Pelagianam secutus, quâ & imbutum fuisse eum ab ipsomet Pe-  
 lagio, indicare videntur illa verba Cassiani: <sup>d</sup> ex Pelagii institutione vel potius prævitate  
 descendens. Quin etiam idem hic in præcipitum multo perniciosius ruit. Etenim recensi-  
 ibid. b. c. tus est inter præcipuos duces eorum, qui per id tempus è Pelagianæ <sup>e</sup> hæreseos principiis  
 & antiquam Ebionitarum impietatem renovarunt, & Nestorianæ jecerunt fundamenta.  
 Inter alia, cùm dicerent isti, *solitarium hominem Jesum Christum sine ulla peccati contagione vixisse*; eò progressi erant, ut assererent, *homines si velint, sine peccato esse posse, absque adjutorio Dei*. Exinde in majorem insaniam prorumpentes dicebant, *Jesum Christum hunc in mundum non ad præstandam humano generi redemtionem, sed ad præbenda bonorum actuum exempla venisse*. Scribit Cassianus, emersisse hanc pestem ætate sua, <sup>f</sup> ex maxime Beligarum urbe, vel ut alia lectio habet, *ex maxima Veligarum urbe*. An autem Belicam desi-  
 gnata voluerit, an verò legere oporteat, *ex maxima Belgarum urbe*, quod nomen Augu-  
 stæ Trevorum conveniret, aliorum judicium esto. Atqui eodem affirmante Cassiano con-  
 stat, Leporium in Galliis hanc eamdem hæresim vel primum, vel primos inter defendisse.  
 Fac. lib. 1. Facundus quoque memoriæ prodidit <sup>f</sup> eamdem illum doctrinam tradidisse in Galliis, quam  
 postea in Oriente Nestorius disseminavit.

Append. pag. 127. c.  
 ibid. g.  
 Epist. 219.  
 inter Aug.  
 n. 1. & 2.  
 Errores suos Leporius evulgaverat scriptâ epistolâ, quæ graviter offendit orthodoxos & ingentia scandala peperit. Cassianus, qui poterat jam inde ab anno 415. in Provincia ver-  
 sari, profitetur <sup>g</sup> se illum, ut resipisceret, admonuisse: idem quoque præstitere <sup>h</sup> alii è Galliis eruditî viri, sed frustra. Quapropter monachum errantem <sup>i</sup> pro suæ arrogantiæ merito corripientes episcopi Gallicani, Proculus & Cylinnius, impia illius dogmata damnaverunt. Ille Galliis exturbatus trajecit in Africam cum aliquot erroris sociis: ubi Afri-  
 canorum quorumdam antistitum, sed Augustini præsertim operâ, divino affulgente lu-  
 mine, à cæcitate sua liberatus, errorem agnovit, ejusque perniciem summa cum dete-  
 statione abdicavit. Nam non solùm in Africa eum cum gravi dolore ac piâ quadam im-  
 pudentiâ confessus est: sed etiam, quia in Galliis vulgatus fuerat suus ille error, ibi quoque emendationem suam voluit palam apparere. Quocirca libellum isthuc misit gemitisbus pænitentiæ suæ plenissimum: pristina deliramenta tam magnifice, ut Cassiani verbis di-  
 camus, condemnans, ut non minùs penè admiranda sit correctio illius, quam illibata multorum fides. Ea occasione Proculo & Cylinnio episcopis Augustinus scripsit cum Au-  
 relio, Florentio, & Secundino communem epistolam, in qua eos quoque qui cum Lepo-  
 rio trajecerant, cum eodem correctos & sanatos esse renuntiant.

## XXVIII. *Contra Pelagiani erroris reliquias quasdam in Vitali deprehensas afferuntur sententiæ de gratia duodecim ad catholicam fidem pertinentes.*

PERNICIEM multo majorem Ecclesiæ, apud Gallias præsertim, creavit surculus  
 alius hæresis Pelagianæ, qui tanto latius diffudit se se, atque altiores radices egit, quanto  
 is prima fronte apparuit minùs injurious in Christi Salvatoris gratiam, quam haud parum  
 quoque amplificare videbatur. Hujus initia quædam prodierunt cum novo dogmate Vita-  
 lis, viri aliunde catholici, qui cùm esset in <sup>k</sup> Carthaginensi eruditus Ecclesia, præcipuum  
 n. 2. quamdam doctrinæ Cypriani ejus urbis episcopi venerationem debebat: à qua illum tamen  
 Ibid. n. 25. temere discedere conquerebatur Augustinus. Et Vitalem quidem <sup>l</sup> hæreticum Pelagianum  
 esse sanctus Doctor non credebat: sed minimè tam orthodoxum esse audierat, ut nihil illius ad

## P R A E F A T I O.

eum transiisset vel in eo relinqueretur erroris. Pelagiani quippe omnia ,<sup>a</sup> ut eidem scribit ,<sup>a Ibid.</sup>  
ad fidelem piamente vitam hominum pertinentia ita tribuunt libero voluntatis arbitrio , ut<sup>a 29.</sup>  
habenda ex nobis , non à Domino putent esse poscenda : tu autem , si ea , quæ de te audio ,<sup>a</sup>  
vera sunt , *initium fidei* , ubi est etiam *initium bonæ* , hoc est , pia voluntatis , *non vis donum* “  
*esse Dei* , sed ex nobis nos habere contendis *ut credere incipiamus* ; cetera autem religio .<sup>a</sup>  
sæ vitæ bona Deum per gratiam suam jam ex fide petentibus , quærentibus , pulsantibus “  
donare consentis. Vitalis deinde ad Paulum apostolum , ubi docet , Deum in nobis operari  
velle & perficere , sic respondebat : <sup>b</sup> *Per legem suam , per scripturas suas Deus operatur* <sup>b Ibid. n. 1.</sup>  
*ut velimus , quas vel legimus vel audimus ; sed eis consentire vel non consentire ita no-*  
*strum est , ut si velimus , fiat ; si autem nolimus , nihil in nobis operationem Dei valere facia-*  
*mus.* Neque absimiliter interpretabatur Psalmistam , idcirco putans dictum , à Domino  
gressus hominis dirigi , ut viam ejus velit ,<sup>c</sup> *quia ejus doctrinam suasione præcedente , sub-* <sup>c Ibid. n. 4.</sup>  
*sequente confessione sectatur ; quod libertate naturali si vult facit , si non vult non facit ,*  
*pro eo quod fecerit præmium vel supplicium recepturus.*

Hunc Vitalis errorem , quem iplum amplexi sunt qui vocantur Semipelagiani , epistolâ  
ad eumdem scriptâ inde potissimum refellit Augustinus , quòd Ecclesia preces apud Deum  
fundat pro infidelibus , ut convertantur , & gratiarum actiones pro iisdem ad fidem conver-  
sis rependat ; nec non pro fidelibus adhibeat orationes , ut in eo quod esse cœperunt , ejus  
munere perseverent : neque enim tam corruptum putabat hominis hujus animum , ut eas im-  
probaret. Utitur quoque Cypriani libro in orationem Dominicam , & item alio de mor-  
talitate. Proponit eidem duodecim sententias de gratia , quæ totam quæstionem dirime-  
bant , ut pote quarum <sup>d</sup> singulæ planum facerent , gratiâ Dei præveniri hominum volun-  
tates , & per hanc eas potius præparari , quâm propter earum meritum dari. Hæ senten-  
tiæ sunt : <sup>e</sup> 1. Nondum natos nihil egisse in vita propria boni seu mali , nec secundùm <sup>f Ibid. n.</sup>  
merita prioris alicujus vitæ , in hujus vitæ venire miseras , sed secundùm Adam carnaliter <sup>g 16.</sup>  
natos contagium mortis antiquæ prima nativitate contrahere , nec liberari à suppicio mortis “  
æternæ , quod trahit ex uno in omnes transiens justa damnatio , nisi per gratiam renascan-“  
tur in Christo. 2. Gratiam Dei nec parvulis nec majoribus secundùm merita dari. 3. Ma-“  
joribus ad singulos actus dari. 4. Non omnibus hominibus dari ; & quibus datur , non solum “  
secundùm merita operum non dari , sed nec secundùm merita voluntatis eorum quibus “  
datur : quod maximè appetit in parvulis. 5. Eis quibus datur , misericordiâ Dei gratuitâ “  
dari. 6. Eis quibus non datur justo judicio Dei non dari. 7. Quòd omnes adstabimus an-“  
te tribunal Christi , ut ferat unusquisque secundùm ea quæ per corpus gessit , non secun-“  
dùm ea quæ si diutius viveret gesturus fuit , sive bonum , sive malum. 8. Etiam parvulos se-“  
cundùm ea quæ per corpus gesserunt , recepturos bonum vel malum ; id est , tempore “  
quo in corpore fuerunt , quando per corda & ora gestantium crediderunt vel non credi-“  
derunt , quando baptizati vel non baptizati sunt &c. 9. Felices esse mortuos , qui in Do-“  
mino moriuntur , nec ad eos pertinere quidquid acturi fuerant , si tempore diuturniore “  
vixissent. 10. Eos qui corde proprio credunt in Dominum , sua id facere voluntate ac libe-“  
ro arbitrio. 11. Pro eis qui nolunt credere , nos qui jam credimus , recta fide agere , cùm “  
Deum oramus ut velint. 12. Pro eis qui ex illis crediderunt , tamquam de beneficiis , rectè “  
atque veraciter & debere nos Deo agere gratias & solere. Quæ quidem dogmata ad nu-“  
merum duodenarium se ideo redigere dicit , ut & faciliùs memoriæ mandentur , & distin-“  
ctiùs teneantur : hæc autem omnia ad fidem veram & catholicam pertinere , certissimum  
esse catholicis Christianis. Demum in extrema parte epistolæ addit , cum eodem Vitali , si  
persistat in errore , aliter agendum esse , ne alias in errorem mittat , id est , contumacem  
ab Ecclesiæ corpore resecandum.

Epistola hæc ad Vitalem videri potest Adrumetinorum dissensione ac libris ad eam com-  
ponendam editis posterior. Is nempe circa eamdem cum illis quæstionem laborans , existima-  
vit non aliter posse liberum hominis arbitrium & Dei justitiam servari , nisi dicatur , & fidem  
& divinæ suasioni confessionem esse à nobis , id est , ex propria voluntate ; ita ut quisque  
pro eo quod ex libertate naturali fecerit , præmium vel supplicium sit recepturus. Quo-  
niam autem in libro de gratia & libero arbitrio capite 7. & sequentibus contrarium ab  
Augustino assertum erat , id est , ex Dei dono ipsam fidem ac bonam voluntatem ve-  
nire , hoc forte permotus Vitalis apertiùs contradicere cœpit , & Pauli ac Psalmistæ te-

# P R A E F A T I O.

stimonii in eodem libro capite 16. adhibitis respondere. Porro versiculum Psalmi 36. quem in memorato libro tantummodo indicaverat Augustinus, urget hic explicatur contra Vitalem; tum etiam ipsum ex Ecclesiæ precibus pro incredulis, quod argumentum in eodem libro leviter tetigerat, operosius refellit.

**X X I X.** *Augustini extrema ætate Semipelagiani Massilienses in dogma prædestinationis insurgunt. Id Augustinus propugnat libris ad Prosperum & Hilarium de prædestinatione sanctorum & de dono perseverantie.*

HAC ultima sua ætate suscepit Augustinus aliud contra secundam Juliani responsionem opus, quod ad extremam usque vitam prosecutus, imperfectum nobis reliquit; de quo imperfecto opere agemus infra propriâ in illud admonitione: jam verò dicturi sumus, qua Deus occasione beatum Antistitem, quem in gratiæ suæ defensorem elegerat, ad prædestinationis dogma, priùs quàm hinc ipse migraret, asserendum induxerit: quod sanè dogma, <sup>a</sup> ex eo quod Pelagius in Palæstina synodo vel invitus concederat, gratiam non secundum merita dari, necessariò sequebatur.

Erant ergo Massiliæ aliisque in locis Galliarum non pauci, qui sibi ex imperitia persuaderent, <sup>b</sup> quidquid suis in Pelagianos libris de vocatione electorum secundum Dei beneplacitum scripserat Augustinus, id totum à Patrum opinione atque Ecclesiæ sententia abhorrere. Illud idem sanctis juxta ac peccatoribus negligentiam teponemque injicere: quia quoque modo se egerint, non posset aliud erga eos, quàm Deus definivit, accidere. Ac proinde ut maximè vera esset illa doctrina, non tamen evulgandam esse: quippe quæ, cùm nequaquam esset necessaria, effectus traheret admodum periculosos, necnon cohortantium incitamenta vana cassaque redderet. Quæ sua erat à catholico illo dogmate, unde consecutiones tam odiosas colligebant, abalienatio, eos in celebres Semipelagianorum

( quippe hoc nomen merito suo consecuti sunt ) errores impulit. Nam <sup>c</sup> illi priùs meliora & magis orthodoxa sentiebant: sed certis regulis ac fundamentis destituti, modò huc, modò illuc mentem atque opinionem transferebant. Visum illis, <sup>d</sup> initium fidei & in finem perseverantiam sic esse in nostra potestate, ut non sint dona Dei; aut à Deo non nisi talem <sup>e</sup> dari perseverantiam, à qua possit homo sua voluntate deficere. Nec deerant etiam, <sup>f</sup> qui à Pelagianis semitis adeo non declinabant, ut nullam aliam gratiam, quàm rationem liberumque arbitrium homini nihil priùs merenti à Creatore datum, agnoscere viderentur. Nihilo minus tamen, qui amplectebantur hosce errores, viri erant inter ceteros clari, qui virtutum omnium studio, ac probitatis qua fulgebant opinione, magnam sibi auctoritatem apud simpliciores quosque paraverant. Sed nulli recipiendis Pelagianorum impiis placitis magis obnoxii sunt, nisi ab se ipsis sibi caveant, quàm isti; nec ferè reperiuntur, qui Dei beneficii abutantur faciliùs, illis intumescendo & sibi ipsis accepta referendo, quàm qui pluribus ab eo fuere cumulati. Massiliensium Christi servorum, hoc est, monachorum, magnam partem pestis ista corripuerat: neque ullus est qui ignoret, Johannem Cassianum, à quo isthinc monasterium constitutum fuerat, hunc eumdem errorem propagasse scriptis suis,

ac potissimum Collatione tertia-decima, quam sub annum 426. <sup>g</sup> in lucem emisit, uno videlicet anno, post quàm Valentinianus Gallicanos episcopos, qui Pelagii dogmata sectarentur, abdicari expellique jussérat. Ad hæc, auctoritatis non minimum eidem errori hinc accedebat, quòd eorum, à quibus defendebatur, nonnulli <sup>h</sup> summo sacerdotii honore, id est, episcopatu nuper obtento præminebant. Hilarius quoque ipse episcopus Arelatensis, qui <sup>i</sup> Honorato circa finem anni 428. successerat, in ceteris doctrinæ Augustini sectator & admirator, in iis tamen quæ ad prædestinationem spectant, angebatur, ac non nihil in querelam trahebat, superque hoc cogitata sua cum sancto Doctore conferre cupiebat.

Virorum tam illustrium, tamque in Ecclesia & pietate & dignitate præstantium auctoritas eorum errorem cùm sibimetipsis, tum aliis magis periculosum reddebat: debita enim eisdem veneratio & rudes in imitationem pertrahebat, & simul peritiorum linguas inutili silentio cohibebat; ita ut vix reperiretur ullus, qui vel ipsis admoneret, vel errori quem docebant, occurreret, præter <sup>k</sup> paucos perfectæ gratiæ intrepidos amatores. Horum è numero fuere Prosper, & Hilarius quidam, alias ab episcopo Arelatensi; cùm ille

<sup>a</sup> Hic pag.  
843. f. g.

<sup>b</sup> Pag. 779.  
<sup>c</sup> Epist. 225.  
n. 2.

<sup>d</sup> Epist. 225.  
n. 6.

<sup>e</sup> Hic pag.  
844. f.

<sup>f</sup> Pag. 786.  
<sup>g</sup> Epist. 226.  
n. 4.

<sup>h</sup> Pag. 782.  
<sup>i</sup> Epist. 225.  
n. 4.

<sup>j</sup> Append.  
pag. 165.  
not. a.

<sup>k</sup> Epist. 225.  
n. 7.

<sup>l</sup> Hic pag.  
783. not. a.

<sup>m</sup> Pag. 782.  
<sup>n</sup> Epist. 225.  
n. 7.

# P R A F A T I O.

ordinis esset <sup>a</sup> laicorum. Hic certè consuetudinis Augustini deliciis <sup>b</sup> potitus aliquando fuerat, doctrinæque ejus salubri lacte nutritus: ac proinde licet id temporis, ut credibile est, patriâ & consanguineorum conspectu frueretur; se tamen tamquam extorrem reputabat. Videtur autem ab Augustini convictu eo consilio discessisse, ut fratris sui conjugali vinculo alligati salutem procuraret. Hoc nutu divino factum fuisse probavit eventus. Et enim præter ab eo susceptam gratiæ defensionem in Galliis, ipsius frater de consensu uxoris continentiam amplexus est, quam uterque se ad extremum usque spiritum perfectè servaturos Deo voverunt. Nihil autem, nostra quidem opinione, prohibet, quo minus Hilarium hunc existimemus eumdem esse, qui circiter annum 414. è Sicilia epistolam Augustino de erroribus Pelagianorum scripsit. Præter quād quod animo torquebatur ille ob amissam sancti Doctoris præsentiam, summo quoque dolore ipsum afficiebat, quod non solum dogmata tam manifesta, quæ idem Sanctus tradiderat, respuerentur, sed etiam ab iis qui illa minimè caperent, reprehenderentur. Quocirca etsi venerationem, quam ex ecclesiastica consuetudine viris ejusmodi superioris ordinis laici debent, religiosè exhiberet; tamen oblata occasione non tacebat, sed catholicam doctrinam pro datis sibi à Deo viribus tuebatur.

Prosper autem, qui Augustino in defendendæ gratiæ munus ac laborem successit, Aquitanus erat, <sup>c</sup> sermone scholasticus, hoc est, egregie litteratus, & omnino <sup>d</sup> vir tum <sup>e</sup> Ex Gen-  
moribus, tum eloquio & studio clarus, nec sancti Antistitis notitiâ indignus: quamvis se ipse <sup>f</sup> Hic pag.  
tantum ex ordine laicorum fuisse quodam modo indicet, ubi profitetur minimè se parem <sup>g</sup> 787. epist.  
auctoritati memoratorum Semipelagianorum, à quibus multum & vitæ meritis, & summo <sup>h</sup> 226. n. 10.  
sacerdotii honore superatur. Augustinum numquam viderat, sed tantummodo officiosis  
salutaverat litteris, quas per Leontium diaconum direxerat, per quem & sancti Antistitis  
acceperat responsum. Verùm tamen & Augustini lectione & Dei revelatione doctus  
perversissimum <sup>i</sup> esse, negatâ prædestinatione ac præveniente gratiâ dicere, quod initium <sup>j</sup> 782.  
salutis ex eo qui salvatur, non ex eo stet qui salvat, quodque voluntas hominis divinæ gra-  
tiæ pariat opem, non gratia sibi humanam subjiciat voluntatem: spretis aliorum adversis  
conatibus, non modò hac in fide persistit, sed & eamdem contra impugnantes propugna-  
vit, tum sancti Doctoris operibus atque illic allatis Scripturarum testimoniis usus, tum ar-  
gumentis quæ per se ipse à positis per Augustinum fundamentis ducebatur; pugnans videlicet  
validis ratiociniis, & nervosis illis assertionibus, quibus idem ipse, juxta Gennadii quoque  
adtestationem, pollebat.

Inter prima hujus disputationis exordia <sup>k</sup> Massilienses aliquantisper maluerunt vitium <sup>l</sup> Pag. 779.  
imputare suæ tarditati, quād dogma à se non intellectum damnare: immo fuere inter <sup>m</sup> 225. n.  
eos nonnulli, qui Augustinum consultum vellent, rogatumque ut lucidorem atque apertio-  
rem super hoc expositionem ederet. At verò contigit Dei miserentis nutu, ut Massiliam per  
id temporis deferretur liber de correptione & gratia, quo libro monachis Adrumetinis  
ad eadem ipsa, quæ Massiliensibus facessabant negotium, tam plenè respondebatur, tam-  
que absolute, ut idem liber ad componendas, quæ in Galliis excitatæ erant, contentio-  
num turbas conscriptus videretur. Verùm conspecto libro, qui apostolicam Augustini do-  
ctrinam sequabantur, ipsi quidem novum inde lumen & majora ad eam defendendam præ-  
sidia traxerunt: alii autem, quorum mentes error antè occupaverat, caligine propria impe-  
diti, nihil aliud illic, nisi offendit adhuc & ardenter in veritatem odii materiam inve-  
nerunt. Opinionem suam <sup>n</sup> vetustatis nomine defendantes, prædestinationis dogma notâ <sup>o</sup> Ibid. n. 3.  
novitatis inurebant. Locos Pauli huc pertinentes dicebant à nemine umquam sic intel-  
lectos: cùmque rogarerunt, quonam ipsi modo exponi eos vellent; nullum re vera, qui pla-  
ceret, sensum sibi occurrere fatebantur: sed de his taceri jubebant, quorum altitudinem nul-  
lus adtigisset. Sententias Augustini ex operibus ante Pelagianam hæresim ab eo compositis  
producebant, tamquam suæ ipsorum opinioni planè congruentes. Quin etiam quæ idem  
ex adversa parte sibi opposuit in libro de correptione & gratia, hæc omnia pro se isti ma-  
gna contentione replicabant. At plurimum ipsis displicebat institutum ibidem discriminem  
inter gratiam quæ Adamo data fuerat, & quæ nobis nunc datur. Denique prædestinationis  
exemplum nolebant sumi ex parvulis, de quibus nempe alia priùs fuisse opinio ipsius  
quoque Augustini in libris de libero arbitrio.

Cùm autem illorum, quibus spiritus Pelagianæ impietatis sic illudebat, auctoritate pre-  
merentur veritatis defensores; compulsi sunt ab sancto Antistite poscere, ut suam ipse.

# P R A E F A T I O.

auctoritatem illis objiceret. Hac de re duas ad ipsum epistolas scripsit Hilarius: quarum priore, quæ excidit, fortasse referebatur odiosa illa prædicandæ prædestinationis formula,

<sup>a Hic pag.</sup> <sup>b 53. g.</sup> <sup>c Pag. 787.</sup> <sup>d 226.</sup> <sup>e 10.</sup> <sup>f Pag. 779.</sup> <sup>g 225.</sup> <sup>h 1.</sup> <sup>i Pag. 782. ep.</sup> <sup>j 225. n. 6.</sup> <sup>k 9.</sup> <sup>l Pag. 819. in admonit.</sup> <sup>m Append.</sup> <sup>n pag. 213. d.</sup> <sup>o Tom. 1.</sup> <sup>p pag. 63. not.</sup> <sup>q post Retract.</sup> <sup>r</sup> quam ex adversariis objectavit sibi Augustinus. Postiore verò Hilarius post quā de

adversariorum querelis egit, <sup>b</sup> Quidquid, ait, pro ea gratia, quam in te pusilli cum ma-

gnis miramur, volueris aut valueris, gratissimè accipiemus, tamquam à nobis carissimâ

& reverentissimâ auctoritate decretum. Ac significat se Prosperum quoque impulisse ad

scribendum proprias in eamdem rem litteras, quas ei cum suis conjunctim dirigit. Exstant

etiamnum hæ Prospere litteræ, quarum ille exordio testatur se sancto Doctori non solo

salutandi eum, ut in priore quadam epistola fecerat, studio, sed etiam fidei, qua Ecclesia

vivit, affectu scribere. <sup>c</sup> Excubante enim, inquit, pro universis membris corporis Christi

<sup>d</sup> vigilansimâ industriâ tuâ, & adversùs hæreticarum doctrinarum insidias veritatis virtute

<sup>e</sup> pugnante, nullo modo mihi verendum putavi, ne onerosus tibi aut importunus essem in

<sup>f</sup> eo, quod ad multorum salutem, ac perinde ad pietatem tuam pertinet; cùm potius reum

<sup>g</sup> futurum esse me crederem, si ea quæ valde perniciosa esse intelligo, ad SPECIALEM

<sup>h</sup> PATRONUM FIDEI non referrem. Et post expositam, quæ in illis <sup>i</sup> Pelagianæ pravita-

<sup>j</sup> tis reliquiis inerat, non mediocrem virulentiam, subjicit: Speramus non solum tenuitatem

<sup>k</sup> nostram disputationum tuarum præsidio roborandam, sed etiam ipsos, quos meritis atque

<sup>l</sup> honoribus claros caligo istius opinionis obscurat, defæcatissimum lumen gratiæ recepturos.

Augustinus, quamquam molestè ferebat, quòd catholico dogmati divinis testimoniis

tam multis tamque manifestis confirmato quisquam adhuc adversari auderet; Prospe-

ri tamen & Hilarii, virorum, uti diximus, laicorum, quos ipse <sup>c</sup> filios carissimos appellat,

horum ergo & studio & pia erga errantes sollicitudine permotus, duos ipsorum nomini, id est,

<sup>f</sup> ad Prosperum & Hilarium scripsit libros, utrosque <sup>f</sup> in vetere Noallensi codice, in Pratel-

<sup>g</sup> lensi ac Metensi, & ab ipso Prospero de prædestinatione sanctorum nuncupatos: sed posterior ta-

men jam olim, titulo forsitan per amanuenses mutato, de dono perseverantie vocitatur.

Priore libro monstrat, donum Dei esse non solum incrementum, sed initium quoque

fidei. Hac de re se aliter sensisse aliquando, & in opusculis à se nondum episcopo scriptis

errasse, non diffitetur: at postea convictum se indicat hoc præcipue testimonio, *Quid au-*

*tem habes, quod non acceperisti?* quod testimonium de ipsa etiam fide accipendum probat.

Fidem docet inter alia numeranda esse opera, quibus Dei gratiam præveniri negat Apo-

stolus. Gratiâ duritiam cordis auferri; & ad Christum venire omnes, qui à Patre docentur

ut veniant: quos autem docet, misericordiâ docere; & quos non docet, judicio non docere.

Locum ex sua ipsius epistola 102. objectatum, posse rectè salvo gratiæ & prædestinationis

dogmate explicari. Observat quid inter gratiam intersit ac prædestinationem. Porrò præde-

stinatione Deum ea præscivisse, quæ fuerat ipse facturus. Prædestinationis adversarios, qui

ad incertum voluntatis Dei deduci se nolle dicuntur, miratur malle se suæ ipsorum infir-

mitati, quā firmitati promissionis Dei committere. Eosdem hac auctoritate, *Si credide-*

*ris, salvus eris*, abuti commonstrat. Gratiæ ac prædestinationis veritatem relucere in par-

vulis qui salvantur, nullis suis meritis discreti à ceteris qui pereunt: non enim inter eos

discerni ex præscientia meritorum, quæ si diutius viverent, fuerant habituri. Præclarissi-

mum verò exemplum prædestinationis & gratiæ esse ipsum Salvatorem, qui ut Salvator

& Filius Dei unigenitus esset, nullis præcedentibus vel operum vel fidei meritis compara-

vit. Prædestinatos vocari certa quadam electorum propria vocatione; eosque ante mundi

constitutionem esse electos, non quia credituri præsciebantur & futuri sancti, sed ut tales

essent per ipsam electionem gratiæ.

Posterioris libri prima parte probat perseverantiam illam, quâ in Christo perseveratur usque in finem, esse donum Dei. Hoc enim à Deo irrisoriè peti, si à Deo dari non cre-

ditur: atqui Dominica oratione nihil penè aliud posci quā perseverantiam, juxta Cy-

priani expositionem; quâ quidem expositione ipsi gratiæ inimici vieti sunt, ante quā

nati. Perseverandi gratiam non secundūm accipientium merita, sed aliis misericordiâ da-

ri, aliis justo ejus judicio non dari docet. Cur ex adultis ille potius quā iste vocetur,

quemadmodum & ex duobus parvulis cur iste assumatur, ille relinquatur, inscrutabile. In-

scrutabilius autem, cur ex duobus piis, huic perseverare donetur, non illi: sed istud tamen

certissimum, hunc esse ex prædestinatis, illum non esse. Prædestinationis mysterium

Dominicis verbis de Tyriis & Sidoniis, si eadem apud illos, quæ apud Chorozain, signa

# P R A E F A T I O.

facta essent, pænitentiam acturis, monstrari observat. Exemplum pàrvulorum ad prædestinationis & gratiæ in majoribus veritatem firmandam valere ostendit: atque ad locum libri sui de libero arbitrio tertii ab adversariis malè huc relatum respondet. Altera postea parte libri refellit quod illi aiunt, prædestinationis dogma utilitati exhortationis & correptionis esse incommodum. Afferit contrà, prædestinationem utiliter prædicari, ut homo non in se ipso, sed in Deo glorietur. Quæ autem ab istis adversùs prædestinationem objectantur, eadem non absimiliter vel adversùs Dei præscientiam, vel adversùs gratiam illam, quam ad cetera bona (excepto initio fidei & perseverantiæ perfectione) necessariam esse consentiunt, posse torqueri. Prædestinationem quippe sanctorum nihil aliud esse, quam præscientiam & præparationem beneficiorum Dei, quibus certissimè liberantur, quicumque liberantur. Verùm prædestinationem congrua ratione prædicari jubet; ac non eo modo, ut apud imperitam multitudinem redargui ipsâ suâ prædicatione videatur. Postremò illustrissimum prædestinationis exemplum nobis propositum ob oculos Dominum Jesum commendat.

Hic observant, rem ab Augustino libris illis duobus contra adversarios tractatam <sup>a</sup> tantum luce atque energiâ, ut non tam ingenii vires intendisse, quam divino afflante Spiritu locutus fuisse videatur. Tam eximum opus, eorum quæ post Retractiones perfectè absolvare ipsi licuit, fortè ultimum, eximia peroratione Vir sanctus exornavit, summam illic animi sui modestiam consignatam relinquens extremis hisce verbis. <sup>b</sup> Qui legunt hæc, si intelligunt, agant Deo gratias: qui autem non intelligunt, orent ut eorum ille sit doctor <sup>b Hic pag. 858. c.</sup> interior, à cuius facie est scientia & intellectus. Qui vero errare me existimant, etiam atque etiam diligenter quæ sunt dicta considerent, ne fortassis ipsi errent. Ego autem cum per eos, qui meos labores legunt, non solum doctior, verùm etiam emendatior fio, propitium mihi Deum agnosco: & hoc per Ecclesiæ doctores maxime exspecto, si & in ipsorum manus venit, dignanturque nosse quod scribo.

*Rerum ab Augustini obitu per tempora eidem vicina gestarum in Pelagianorum reliquias, scilicet sub pontificibus Romanis <sup>c</sup> Cælestino, <sup>d</sup> Sixto, <sup>e</sup> Leone, <sup>f</sup> Gelasio, <sup>g</sup> Hormisda, <sup>h</sup> Felice IV. & <sup>i</sup> Bonifacio II. monumenta insigniora exhibentur in Appendice, adjunctis Prospere <sup>k</sup> contra eosdem hæreticos Apologeticis pro beato gratiæ Defensore.*

<sup>a</sup> Rivius lib.  
<sup>b</sup> 4. c. 10. n.  
<sup>c</sup>.

<sup>b</sup> Hic pag.  
<sup>c</sup> 858. c.

<sup>c</sup> Append.  
<sup>d</sup> pag. 130.  
<sup>e</sup> Pag. 136.  
<sup>f</sup> c.  
<sup>g</sup> Ibid. d.  
<sup>h</sup> Pag. 138. c.  
<sup>i</sup> Pag. 145.  
<sup>j</sup> b.  
<sup>k</sup> Pag. 157.  
<sup>l</sup> a.  
<sup>m</sup> Pag. 161. a.  
<sup>n</sup> Pag. 163.  
<sup>o</sup> & seq.

## EX AUGUSTINI LIBRO DE HÆRESIBUS AD QUOD VULT DEUM.

*Hæresis 88.*

**P**ELAGIANORUM est hæresis, hoc tempore omnium recentissima, à Pelagio monacho exorta: quem magistrum Cælestius sic secutus est, ut sectatores eorum Cælestiani etiam nuncupentur. Hi Dei gratiæ, quâ prædestinati sumus in adoptionem filiorum per Jesum Christum in ipsum, & qua eruimur de potestate tenebrarum, ut in eum credamus, atque in regnum ipsius transferamur, propter quod ait, *Nemo venit ad me, nisi fuerit ei datum à Patre meo*; & qua diffunditur caritas in cordibus nostris, ut fides per dilectionem operetur; in tantum inimici sunt, ut sine hac posse hominem credant facere omnia divina mandata. Cùm si hoc verum esset, frustra Dominus dixisse videretur, *Sine me nihil potestis facere*. Denique Pelagius à fratribus increpatus, quod nihil tribueret adjutorio gratiæ Dei ad ejus mandata facienda, correptioni eorum hactenus cessit, ut non eam libero arbitrio præponeret; sed infideli calliditate supponeret, dicens, ad hoc eam dari hominibus, ut quæ facere per liberum jubentur arbitrium, facilius possint implere per gratiam. Dicendo utique, ut facilius possint, voluit credi, etiamsi difficilius, tamen posse homines sine gratia divina facere iussa divina. Illam vero gratiam Dei, sine qua nihil boni possumus facere, non esse dicunt nisi in libero arbitrio, quod nullis suis præcedentibus meritis ab illo accepit nostra natura, ad hoc tantum ipso adjuvante per suam legem atque doctrinam, ut discamus quæ facere, & quæ sperare debeamus: non autem ad hoc per donum Spiritus sui, ut quæ didicerimus esse fa-

<sup>Ephes. 1. 5.</sup>  
<sup>Colos. 1. 23.</sup>  
<sup>Iohan. 6. 65.</sup>  
<sup>Rom. 5. 5.</sup>  
<sup>Gal. 5. 6.</sup>

cienda , faciamus. Ac per hoc divinitus nobis dari scientiam confitentur , quâ ignorantia  
pellitur : caritatem autem dari negant , quâ piè vivitur : ut scilicet cùm sit Dei donum  
<sup>1. Cor. 8. 1.</sup> Scientia , quæ sine caritate inflat , non sit Dei donum ipsa caritas , quæ ut scientia non in-  
flet , ædificat. Destruunt etiam orationes , quas facit Ecclesia , sive pro infidelibus & do-  
ctrinæ Dei resistantibus , ut convertantur ad Deum ; sive pro fidelibus , ut augeatur in  
eis fides , & perseverent in ea. Hæc quippe non ab ipso accipere , sed à se ipsis homines  
habere contendunt , gratiam Dei qua liberamur ab impietate , dicentes secundùm merita  
nostra dari. Quod quidem Pelagius in episcopali judicio Palæstino damnari metuens ,  
damnare compulsus est ; sed in posterioribus suis scriptis hoc invenitur docere. In id etiam  
progrediuntur , ut dicant , vitam justorum in hoc sæculo nullum omnino habere pecca-  
tum , & ex his Ecclesiam Christi in hac mortalitate perfici , ut sit omnino sine macula  
& ruga : quasi non sit Christi Ecclesia , quæ toto terrarum orbe clamat ad Deum ,  
<sup>Ephes. 5.</sup>  
<sup>27.</sup>  
*Dimitte nobis debita nostra.* Parvulos etiam negant , secundùm Adam carnaliter natos ,  
<sup>Matth. 6.</sup>  
<sup>12.</sup> contagium mortis antiquæ prima nativitate contrahere. Sic enim eos sine ullo peccati  
originalis vinculo asserunt nasci , ut prorsus non sit quod eis oporteat secunda nativitate  
dimitti : sed eos propterea baptizari , ut regeneratione adoptati admittantur ad regnum  
Dei , de bono in melius translati , non ista renovatione ab aliquo malo obligationis ve-  
teris absoluti. Nam etiamsi non baptizentur , promittunt eis extra regnum quidem Dei , sed  
tamen æternam & beatam quamdam vitam suam. Ipsum quoque Adam dicunt , etiamsi non  
peccasset , fuisse corpore moriturum , neque ita mortuum merito culpæ , sed conditione  
naturæ. Objiciuntur eis & alia nonnulla : sed ista sunt maxime , ex quibus intelliguntur  
etiam illa vel cuncta , vel penè cuncta pendere.



# CONTENTA IN DECIMO TOMO.

DE peccatorum meritis & remissione & de baptismo parvolorum ad Marcellinum, libri tres.	Pag. 1
De Spiritu & littera ad eundem, liber unus.	86
De natura & gratia contra Pelagium, ad Timasium & Jacobum, liber unus.	127
De perfectione justitiae hominis, epistola seu liber ad Eutropium & Paulum.	167
De gestis Pelagii ad Aurelium, liber unus.	191
De gratia Christi & de peccato originali contra Pelagium, ad Albinam, Pinianum, &c. Melaniam, libri duo.	230
De nuptiis & concupiscentia ad Valerium, libri duo.	279
De anima & ejus origine contra Vincentium Victorem, libri quatuor.	338
Contra duas epistolas Pelagianorum, libri ad Bonifacium quatuor.	411
Contra Julianum heresis Pelagianæ defensorem, libri sex.	498
De gratia & libero arbitrio ad Valentiniū & cum illo monachos Adrumetinos, liber unus.	718
De correptione & gratia ad eosdem, liber unus.	750
De prædestinatione sanctorum ad Prosperum & Hilarium liber.	790
De dono perseverantie ad eosdem liber.	822
Contra secundam Juliani responsionem imperfectum opus, sex libros complectens.	874

## CONTENTA IN APPENDICE.

### PRIMA PARTE,

Hypomnesticon contra Pelagianos & Cœlestianos, vulgo libri Hypognosticon.	Pag. 6
Liber suspecti auctoris de prædestinatione & gratia.	50
Libellus incerti auctoris de prædestinatione Dei.	59

### SECUNDA PARTE,

Varia scripta & monumenta ad Pelagianam historiam pertinentia.	63
--	----

### TERTIA PARTE,

Prosperi Aquitani pro Augustino contra iniquos doctrinæ ipsius de gratia & prædestinatione reprobatores apologetica opuscula, scilicet,	
Epistola ad Rufinum de gratia & libero arbitrio.	163
Liber contra Collatorem.	171
Responsiones ad capitula calumniantium Gallorum.	198
Responsiones ad capitula objectionum Vincentianarum.	207
Responsiones ad excerpta, quæ de Genuensi civitate sunt missa.	214
Eiusdem liber sententiarum ex Augustino.	223

I N L I B R O S  
D E P E C C A T O R U M M E R I T I S E T R E M I S S I O N E ,

L I B R I I I . R E T R A C T A T I O N U M C A P U T X X I I I .

**V**ENIT etiam necessitas , quæ me cogeret adversùs novam Pelagianam hæresim scribere ; contra quam prius , cùm opus erat , non scriptis , sed sermonibus & conlocutionibus agebamus , ut quisque nostrum poterat , aut debebat. Missis ergo mihi à Carthagine quæstionibus eorum , quas \* rescribendo dissolverem , scripsi primùm libros tres , quorum titulus est , *de peccatorum meritis & remissione* : ubi maximè disputatur de baptismate parvolorum propter originale peccatum ; & de gratia Dei qua justificamur , hoc est , justi efficimur : quamvis in hac vita nemo ita servet mandata justitiae , ut non sit ei necessarium pro suis peccatis orando dicere , *Dimitte nobis debita nostra*. Contra quæ omnia sentientes illi novam hæresim condiderunt. In his autem libris tacenda adhuc arbitratus sum nomina eorum , sic eos faciliùs posse corrigi sperans: immo etiam in tertio libro , quæ est epistola , sed in libris habita propter duos , quibus eam connectendam putavi , Pelagii ipsius nomen non sine aliqua laude posui ; quia vita ejus à multis prædicabatur : & ejus illa redargui , quæ in suis scriptis non ex persona sua posuit , sed quid ab aliis diceretur exposuit ; quæ tamen postea jam hæreticus pertinacissimâ animositate defendit. Cælestius verò discipulus ejus jam propter tales assertiones apud Carthaginem in episcopali judicio , ubi ego non interfui , excommunicationem meruerat. In secundo libro , quodam loco , *Hoc quibusdam* , inquam , *in fine largietur , ut mortem repentina commutatione non sentiant* , servans locum diligentiori de hac re inquisitioni. Aut enim non morientur , aut de vita ista in mortem , & de morte in æternam vitam celerrima commutatione tamquam in iectu oculi transeundo , mortem non sentient. Hoc opus sic incipit : *Quamvis in mediis & magnis curarum æstibus.*

\* Vide su-  
prà in Pra-  
fat. n. v.

Matth. 6.  
12.

Cap. 31.

S. AURELII